

中國藥物學大綱目錄

甘草	一	前胡	一五
黃耆	一	防風	一五
人參	二	獨活	一六
沙參	四	升麻	一七
桔梗	五	苦參	一八
薤白	六	白鮮皮	一八
黃精	七	延胡索	一九
知母	七	貝母	一九
天麻	七	茅根	二〇
白朮	八	龍膽	二〇
蒼朮	九	細辛	二一
遠志	一〇	當歸	二二
玄參	一〇	川芎	二三
地榆	一一	藁本	二四
紫草	一二	白芷	二四
黃連	一二	芍藥	二五
胡黃連	一三	牡丹皮	二六
黃芩	一三	木香	二七
柴胡	一四	夏薑	二七

草豆蔻	二八	旋覆花	三九
白豆蔻	二八	紅花	四〇
縮砂	二九	大薊小薊	四〇
益智	二九	牛蒡子	四一
肉豆蔻	三〇	麻黃	四一
補骨脂	三〇	木賊	四二
薑黃	三一	燈心草	四二
鬱金	三一	生熟地黃	四三
莪朮	三一	牛膝	四四
三稜	三二	紫苑	四五
香附子	三三	麥門冬	四五
藿香	三三	款冬花	四六
澤蘭	三四	覆麥	四六
香薷	三五	葶藶	四七
荊芥	三五	車前子	四八
薄荷	三六	連翹	四八
紫蘇	三六	蒺藜	四九
菊花	三七	海金沙	四九
茵陳	三七	大黃	五〇
益母草	三八	常山	五〇
夏枯草	三九	附子	五一

川烏頭	五二	生薑	六四
白附子	五二	乾薑	六四
天南星	五三	茴香	六五
半夏	五三	山藥	六五
五味子	五四	薏苡仁	六六
栝樓仁	五五	黃蘗	六六
天花粉	五五	厚朴	六七
葛根	五五	杜仲	六八
天門冬	五六	訶子	六八
何首烏	五七	杏仁	六九
土茯苓	五八	烏梅	六九
威靈仙	五八	桃仁	七〇
防已	五九	大棗	七〇
木通	五九	木瓜	七一
釣藤鉤	六〇	山查	七一
忍冬	六〇	陳皮	七二
澤瀉	六一	青皮	七二
菖蒲	六一	龍眼肉	七三
白扁豆	六二	檳榔	七三
神麩	六三	大腹皮	七四
麥芽	六三	吳茱萸	七四

蓮肉	七五	阿膠	八五
肉桂	七五	犀角	八六
沉香	七六	鹿茸	八六
丁香	七七	石膏	八七
烏藥	七七	滑石	八七
桑白皮	七八	芒硝	八八
枳實	七八	人中白	八八
枳殼	七九	童便	八九
山梔子	七九	補正	一一二
酸棗仁	八〇		
山茱萸	八〇		
地骨皮	八一		
夏荆子	八一		
茯苓	八二		
猪苓	八二		
桑寄生	八三		
竹茹	八三		
竹瀝	八三		
蠶蠶	八四		
全蠍	八四		
蟬蛻	八五		

中國藥物學大綱

伊豫專安氏著

甘草 本經上品

【釋名】根因味甘甜。遂名『蜜甘』。『蜜草』。蜜有沉香之一名。謂其氣味如蜜。此草最爲衆藥之王。猶如香中有沉香。『路草』。『靈通』。『偷蜜』。『珊瑚』。『太嗽』。『美草』。以上名義未詳。國老。國老即帝師之稱。雖非君而爲君所宗。

【各方記述】甘草枝葉。悉如槐。高五六尺。但葉端微尖而糙。似有白毛。結角子。扁如小豆極堅。齒嚼不破。【略文】○今出山西省汾州府及南京省廬州府。福州府可共用。一種有稱阿蘭陀及朝鮮者。皆不堪用。○延喜式載常陸陸奧出羽三國獻之。近世自甲斐出。與唐來者不少異。吾聞之出甲斐者。葉如葵而尖有毛。

【辨別道地】今藥肆所稱蜜鞭者。長大也。稱中鞭者。中細也。稱切込者。短也。稱長姜樣者。揀餘之麁者也。稱蜜甘草者。細小曲弦者也。時珍曰。大徑寸而結緊斷文者爲佳。謂之粉草。選其壯大皮薄。色黃者。堅實緊

文者爲上。是藥肆所謂蜜鞭也。

【修治】刮去麁皮剉用。製法頗多。宜從本方。生藥炙溫。補中宜炙用。瀉火宜生用。指節頭三者皆生用。

【氣味】甘平無毒。

【功用】氣薄味厚。升而浮陽也。入足太陰厥陰經。通入手足十二經。白朮苦參乾漆爲使。惡遠志。反大戟芫花甘遂海藻。忌豬肉。中滿嘔家酒家諸濕脹滿。咸不宜服。『梢』止莖中縫瘡。『節』主癰疽。消腫導毒。

【主治】五藏六府寒熱邪氣。堅筋骨。長肌肉。倍氣力。金瘡腫。腫也。解毒。溫中下氣。煩滿短氣。傷厥救嗽。止渴。通經脈。利血氣。解百藥毒。安和七十二種石。一千二百種草。主腹中冷痛。除腹脹滿。補益五藏。腎氣內傷。婦人血脈腰痛。凡虛而多熱者用之。解小兒胎毒。驚癇。降火止痛。

黃耆 本經上品

【釋名】耆，長也。色黃，爲補藥之長，故名。『黃耆』今俗通作芪。『載樾』、『獨樾』、『菱草』、『蜀脂』以上名義未詳。『百草』耆誤作耆，乃耆龜之著。音尸。今按稱百本，耆與耆字相似，故誤名之乎。耆一根百莖，謂百本亦疑此之謬乎。『王孫』、『百草錦』義未詳。

【各方記述】黃耆葉似槐葉而微尖小，又似葵葉而微闊大，青白色，開黃紫花，大如槐花，結小尖角，長寸許，根長二三尺，以緊實如箭幹爲夏。○松岡先生曰：和產有二種，生北國者莖葉堅似木，葉有毛，此本草所謂本黃耆，而不堪用。又有牟齒葉者，出關東，其木黃芪也。此二種，今人家藥園多栽此二種，未知有真種也。京都北山中間有之，東國呼之綿黃芪，以合漢名。○陳承曰：黃芪本出綿上者爲夏，故名綿黃芪，非謂其柔軟如綿也。○松岡先生曰：綿黃芪形軟如綿，絮以名之，謂產綿州故名誤矣。

【辨別道地】選單股不歧者，色潤柔軟，肉心黃，甘甜者用之。世多以首宿根充賣，謂土黃耆，不知首宿根堅而脆，肉黃，黃芪軟而如棉，肉白，此爲異耳。

【修治】去頭刮皮，以蜜水塗炙，亦有以酒或鹽酒炒之，燂欲其達表，又行其泥滯，鹽欲補腎，及崩帶淋濁遠

其下。

【氣味】甘微溫無毒。

【功用】味甘氣溫平，氣薄味厚，可升可降，陰中陽也。入手足太陰氣分，又入手少陽足少陰命門，茯苓爲之使，惡龜甲白鮮皮，黃芪功能實表，有表邪者勿用，能助氣，氣實者勿用，能內塞，補不足，胸膈氣閉悶，腸胃有積滯者勿用，能補陽，陽盛陰虛者忌之，上焦熱甚，下焦虛寒者忌之，病人多怒，肝氣不和者勿服，疽瘡血分熱盛者禁用。

【主治】癰疽，久敗瘡，排膿止痛，大風癩疾，五痔風癩，補虛，小兒百病，婦人子臟風邪，逐五臟間惡血，補丈夫虛損，五勞羸瘦，止渴，腹痛，洩痢，益氣，利陰氣，主虛喘，腎衰，耳聾，瘰癧，寒熱，治發背，內補助氣，壯筋骨，長肉，補血，破癥瘕，瘰癧，癰疽，腸風，血崩，帶下，赤白，利產前後一切病，月候不勻，痰嗽頭風，熱毒赤目，治虛勞自汗，補肺氣，瀉肺火，心火，實皮毛，益胃氣，去肌熱，及諸經之痛，主太陰瘕疾。

人參本經上品

【釋名】『人蔘』人蔘年深，蔘漸長者，根如人形有神，故謂之人蔘。浸亦浸漸之義。『黃參』、『血參』其

在五參。色黃屬土。而補脾胃。生陰血。故名之。『人術』
術乃獲字之訛也。『鬼蓋』此草背陽向陰。故云。『神
草』下有人參。上有紫氣。又曰搖光星散爲人參。土
積地精。得地之精靈。故有此名。『海腹』『皺面
還丹』二名未詳。或曰本邦產人參之地。深山陰谷。
雖夏亦陰。冷氣甚而蚊蚋可以遁去。故名。未知是否。
【各方記述】人參生上黨山谷。及遼東。上黨在冀州西
南。今來者。形長而黃。狀如防風。多潤實而甘。俗乃重
百濟者。形細而堅白。氣味薄於上黨者。次用高麗。即
是遼東。形大而虛軟。不及百濟。并不及上黨者。其草
一莖直上。四五相對。花紫色。高麗人作人參讚云。三
極五葉。背陽向陰。欲來求我。根樹相尋。或云。根我邦
謂登知者。未詳。○松岡先生曰。今人參。以朝鮮產爲
上。中夏次之。其中好惡真偽。互有之。形小而堅。色帶
黃褐。嘗試之。有餘味者。最爲上。近來有判事乎。此又
有真偽。真判事。今無之。唐參中。以肥大而蠟色者充
之。是女直參。近來稱唐參者。非韓參。而多是女直參
也。此種今多渡日本。雜韓參以貨之。當審擇。○和產
『小人參』始出自薩摩州。今處處有之。三極五葉。
四五月有花。細小紫白色。結子生青熟紅。根橫生。狀
如竹節。其味太苦者多。甘者少。以甘者用之。其鬚嚼

之。甘苦氣味微與人參相近。又名『三枝五葉草』
苗葉花狀。雖與圖經之說相合。根形不同。浸煎甘草
湯。以代人參用之。稱『蔓人參』者。半乳根。而蔓生
花如鈴鐺。乃沙參類也。近來種防葵。以爲人參。益州
『平野人參』是也。稱『節人參者』三七草根也。
藝州有稱『山人參』者。真防風也。豫州稱『日振
人參』亦防風類而粗大也。近來有稱『聖人參』
者。出于東國。是亦小人參之類。而形狀長大於小人
參也。稱『參葉』者。近年從朝鮮來。乃人參莖葉也。
予屢用試之。其氣烈。其味苦。有肺熱者。用之猶有效。
甚勝於砂參。而亦實非補大虛者。用者審之。『服人
參』本草所謂湯參。近來有『切人參』者。亦此類
也。

【辨別道地】還要肥大。塊如雞卵。併似人形。黃色者。乃
藥鋪稱蝦蟆樣者也。連皮者。黃潤色如防風。去皮者。堅
白如粉。其似人形者。謂之孩兒參。尤多贗偽。市之貨
者。隨品立名。曰土佐向單股好人參也。延喜式載人
參。古既有之。今所用之。和人參。將用沙參。數不以
可知焉。

【修治】去蘆頭用之。凡生用宜咬咀。熟用宜隔紙焙之。
浸水少焙。則柔韌而易剉。或醇酒潤透焙熟用。宜從

本方雖忌鐵器。不必在忌列參。頻見風日則易蛙。惟納瓦罐。雜細辛密封。可留經年不壞。

【氣味】甘微苦溫。無毒。

【功用】氣味俱薄。浮而升。陽中之陽。又曰陽中微陰。入手太陰經。與藜蘆相反。茯苓馬蘭爲之使。惡渡疎鹵鹹。畏五靈脂。惡皂莢黑豆。動紫石英。得升麻補上焦之元氣。得麥門冬則生脈。得乾姜則補氣。得黃芪甘草除大熱。若血證驟起。肺脈獨實。腹證暴成。九候堅強。痧疹初發。斑點未彰。傷寒始作。邪熱昌熾。血熱妄行。諸痛不可驟用。邪氣方銳。宜散不宜補故也。

【主治】補五藏。安精神。定魂魄。止驚悸。除邪氣。明目開心益智。療腸胃中冷。心腹鼓痛。胸脇逆滿。霍亂吐逆。調中止消渴。通血脈。癥堅積。令人不忘。主五勞七傷。虛損瘦弱。止嘔噦。補五藏六府。保中守神。消胸中痰。治肺痿及癆疾。冷氣逆上。傷寒不下食。凡虛而多夢紛紛者加之。止煩燥。酸水。消食開胃。治氣。殺金石藥毒。治肺胃陽氣不足。肺氣虛促。短氣少氣。補中緩中。瀉心。肺脾胃中火邪。止渴生津液。治男婦一切虛證。發熱自汗。眩暈頭痛。反胃吐食。痰癰滑瀉。久痢。小便頻數。淋瀝。勞倦。內傷。中風中暑。痿痺吐血。嗽血下血。血淋血崩。胎前產後諸病。『參蘆』苦溫。『主治』

吐。虛勞疲飲人弱者。以參蘆代瓜蒂。

沙參本經上品

【釋名】沙參白色。宜砂地。久服益氣。有參贊之功。用故名。『白參』白色各之。『知母』莖有白汁如乳故名。『未詳』。『半乳』根多白汁。俚人呼爲半婆奶。『鈴兒草』象花形也。『虎鬚』說同上。『苦心』此物無心。而味不苦。不知其謂也。『文希』。『鐵美』。『志取』。三名未詳。因地名亦異。逐一不載之。

【各方記述】所所山。原有之。二月生苗。葉如初生小葵葉。而圓扁不光。八九月抽莖高一二尺。莖上之葉。則尖長如枸杞葉。而小有細齒。秋月葉間開小紫花。長二三分。狀如鈴鐸。五出。白蕊亦有白花者。並結實。大如冬青實。中有細子。霜後苗枯。其根生砂地者。長尺餘。大一虎口。黃土地者。短而小。根莖皆有白汁。

【辨別道地】今謂釣鐘草者是也。其草亦有杏葉與竹葉之別。花有紫白二種。而花狀根形。氣味不異。所所砂地有之。而今藥鋪。不別沙參與薺尾。而混售之。今唐來者。東細長根而爲圓。其色黃。謂之懸沙參。然與時珍取說不合。今庸亦用之。和產符合時珍說。則不爲不佳。用者審擇之。『半乳』根狀如薺尾而圓。大

小如拳。上有角節。折之有白汁。人取根當薺。味甘。潤。實大勝於砂參。不得止則代用人參亦可。今藥鋪稱砂參者也。『薺』『釋名』『杏葉砂參』根如砂參。而葉如杏葉。故呼之。『甜桔梗』梗甜。葉如桔梗。故名之。○今按砂參薺。形狀相似。其說亦相混同。救荒野譜。既謂本草所載之杏葉砂參。則分明一種也。欲知其臧否。則繙諸本草。可以審擇之。而今不云云。

【修治】去頭剉用。或少焙用。

【氣味】淡甘微寒。無毒。

【功用】入手太陰。足厥陰經。惡防己。反藜蘆。藏府無實熱。肺虛寒客之作嗽者。勿服。

【主治】血結驚氣。除寒熱。補中益肺氣。療胸痺。心腹結熱邪氣。頭痛皮間邪熱。安五藏。久服利人。『牟乳』『主治』頭腫痛。益氣長肌肉。去皮肌浮風。疝氣下墜。治常欲眠。養肝氣。宜五藏風氣。補虛止驚煩。益心肺。並一切惡瘡疥癬。及身癢。排膿消腫毒。清肺火。治久欬肺痿。『薺』『主治』解百藥毒。利肺氣。和中明目。止痛。主欬嗽消渴。強中瘡毒。丁腫。砂參牟乳薺。一物別種。故功用亦有大同少異也。

桔梗 本經上品

【釋名】桔。結也。梗。硬也。其文纏結如梗也。因名。『白藥』『梗草』『薺』『桔梗薺』乃一類有甜苦二種。故俗呼薺為甘桔梗也。

【各方記述】春生苗高尺餘。葉似杏葉而長橢。四葉相對而生。嫩時亦可羹食。夏開小花。紫碧色。頗似牽牛花。秋後結實。根如指大。黃白色。花有紫白單千瓣者。宜用紫色單瓣者。

【辨別道地】凡使勿用木梗。真如桔梗。咬之只是腥澀。不堪用。根有細大。藥家謂小稱楊枝梗。以貴之。然不可拘泥之。應用大小。俱選堅實肥白者。

【修治】刮去浮皮。及尖。浸米泔水一夜。切片。微炒用。或以百合搗爛同浸一日。剉碎微焙用。○今按在藥肆者。欲其色白。以米泔浸暴乾數日。則其色潔白。浮皮亦隨去。醫家再浸米泔一夜。則恐氣味倍薄。用者審之。宜只去頭剉用。或微炒亦可。

【氣味】苦辛微溫。有小毒。○氣味有諸說。繆仲淳曰。觀其主諸病。應是辛苦甘平微溫無毒。

【功用】味厚氣輕。陽中之陰升也。入手太陰肺經氣分。及足少陰經。節皮為之使。畏白及龍膽。忌豬肉。得牡蠣。速志。療患怒。得消石石膏。療傷寒。白粥解其葢味。風症鬱症肺症。皆不可缺。若病氣逆上。與以補下焦。

藥中勿用。病不屬肺者。亦不益。○時珍曰。伏砒節皮。不知謂何物也。

【主治】胸脇痛如刀刺。腹滿腸鳴。幽幽驚悸。氣利五藏腸胃。補血氣。除寒熱風痺。溫中消穀。療喉咽痛。下蟲毒。治下痢。破血積氣。消聚痰涎。去肺熱。氣促嗽逆。除腹中冷痛。主中惡。及小兒驚癇。下一切氣。止霍亂轉筋。心腹脹痛。除邪辟瘟。破癰瘰。肺癰。養血排膿。補內漏。及喉痺。利竅。除肺部風熱。清利頭目。咽噎。胸膈滯氣。及痛。除鼻塞。治寒嘔。主口舌生瘡。赤目腫痛。

萎蕤根 本經上品

【釋名】『女萎』苗葉類冬青。但冬青凌冬不萎。故得獲女貞之譽。『葳蕤』葳蕤草本。葉垂之貌。此草多發如冠。纓下垂之綫。而有威儀。故以名之。『萎移』移萎音相近。『萎香』未詳。『葳』其葉光瑩。而象竹。『玉竹』『地節』其根多節。故有此名。『烏女』『蟲蟬』未詳。

【各方記述】處處山中有之。其根橫生。似黃精。差小。黃白色。性柔多鬚。最難燥。其葉如竹。兩兩相值。亦可采根種之。極易繁也。嫩葉及根。並可煮淘食茹。○黃精萎蕤相似。最難辨。黃精根如佛掌薯。葉青黃色。而長。

萎蕤根長。莖亦如桃枝。葉短青白色。黃精葉尖。萎蕤葉如七。二種共劈根長二三寸栽種也。子復種之易繁生。

【辨別道地】肆中名地黃樣黃精者是也。以肥潤而大為佳。○今按黃精萎蕤。性味功用。大抵相近。而萎蕤功為勝。然世人只知黃精之有功。而不知萎蕤之可用。況亦黃精不可用煎服。而今萎蕤代人參。故特舉之。而後黃精者也。

【修治】忌鐵。竹刀刮去節皮。蜜水浸蒸焙用。或微炒。或水浸飯上蒸透。或酒浸蒸透用。○今按此物。暴乾。經日難乾。甑上一蒸。當風日克乾。不失潤。而后洗剉。從本方製之。今售藥肆。亦酒浸蒸用而良。

【氣味】甘平無毒。

【功用】能升能降。陽中陰也。入手太陰足太陰厥陰少陰經。甘入脾。柔潤入腎。畏鹵鹹。土材曰滋。益陰精。與地黃同功。增長陽氣。與人參同力。潤而不滑。和而不偏。譬諸盛德。人無往不利。繆仲淳曰。純而不駁。和而不偏。有益無損。故無簡繆。可謂知萎蕤者也。

【主治】主中風暴熱。不能動搖。跌筋結肉。諸不足。久服去面黑黧。好顏色。主潤澤。心腹結氣。虛熱濕毒。腰痛。室中寒。及目痛。皆爛出。時疾寒熱。內補不足。去虛。

勞客熱。頭痛不安。補中益氣。除煩悶。止消渴。潤心肺。補五勞七傷。虛損腰脚疼痛。天行熱狂。服食無忌。主風溫自汗灼熱。及勞瘵寒熱。脾胃虛乏。男子小便頻數。失精。一切虛損。

黃精本經上品

【釋名】以其得坤土之精粹。故謂之黃精。

【各方記述】苗葉與菱蕤相似。根如白莖。多生北方山中。大者苗高五六尺。根如拳。夏月開小白花。結子如藥粒。

【辨別道地】肆中稱生姜樣黃精者。真也。

【修治】洗淨後蒸。從巳至子。薄切暴乾用。

【氣味】甘平無毒。

【功用】忌梅實。

【主治】補中益氣。除風濕。安五藏。補五勞七傷。助筋骨。耐寒暑。益脾胃。潤心肺。補諸虛。填精髓。下三尸蟲。

知母本經上品

【釋名】補陰藥用之。以其能知血之母故名。『蜆母』宿根之旁。初生子根。狀如蜆蟲之狀故名。『連母』『蜆母』。蜆音提。蜆訛爲提。『水母』。『地參』。『水

參』。『蕤』音單。『菴落』音沉煩。『苦心』。『兒草』諸名未詳。

【各方記述】葉如蕤。花如蕤。故一名蕤。逢四月開青花。八月結實。

【辨別道地】和漢俱皆真。擇其黃色有毛。似菴陽而肥潤用之。腐者不可用。

【修治】須以竹刀去毛剝。勿令犯鐵器。煨腎。引經上行。用酒浸焙。下行鹽水潤焙。久炒如褐色。

【氣味】辛苦寒。無毒。

【功用】氣味俱厚。沉而降陰也。陰中微陽。入足陽明手太陰經氣分。得黃柏及酒夏。能伏鹽及蓬砂。陽痿及易舉易痿。洩瀉脾弱。飲食不消化。胃虛不思食。腎虛瘡洩等證。法並禁用。

【主治】消渴熱中。除邪氣。肢體浮腫。下水。補不足。益氣。療傷寒久瘧。煩熱。脇下邪氣。腦中惡。及風汗內疸。心煩燥悶。骨熱勞往來。產後羸勞。腎氣勞。憎寒虛煩熱。勞。傳尸疰病。通小腸。消痰止嗽。潤心肺。安心止驚悸。涼心去熱。治陽明火熱。瀉膀胱腎經火熱。厥頭痛。下痢腰痛。喉中腥臭。瀉肺火。滋腎水。治命門相火有餘。安胎止子煩。

天麻宋開寶

【釋名】以形名。形如黃瓜。味辛而辣。故呼爲瓜天麻。

赤箭芝。芝類。莖如箭。赤色。葉生莖端。遠見箭有

羽故名之。『獨搖芝』有風不動。無風自搖。『定風

草』二名。以性異而名。『離母』。『合離草』二名

以根異而名。『神草』。『鬼督郵』以功而名。

【各方記述】葉如芍藥而小。當中抽一莖。直上如箭。幹

莖端結實。狀若續隨子。其根連一二十枚。猶如天門

冬百部之類。四月開花。○今考中華產有葉。見和產

一莖一花。如葱花。而無枝葉。餘皆相同。和產出廣州

他處未聞有之。

【辨別道地】和漢可俱用。破開明亮堅實者佳。

【修治】濕紙包於糠火中煨熟。取出切片。酒浸焙用。

【氣味】甘辛平。無毒。

【功用】苦平。陰中之陽也。入足厥陰太陽經。風藥多燥。

風能勝濕。故也。凡病人覺津液衰少。口乾舌燥。咽乾

爲痛。大便閉滯。病火炎上。頭暈。血虛頭痛及南方似

中風。皆禁用之。

【主治】消癰腫。下支漏。寒疝下血。諸風濕痺。四肢拘攣。

小兒風癰。驚氣。利腰膝。強筋力。治冷氣瘧痺。癱緩不

隨。語多恍惚。善驚失心。助陽氣。通血脈。治風虛眩暈

頭痛。

白朮本經上品

【釋名】有白朮。赤朮。故以名分之。朮字篆文象其根幹

枝葉之形。『山薊』其葉似薊。而味似薊。一名山

芥。一名天薊。『揚枹』揚州多種白朮。其狀如鼓枹。

故有揚枹枹薊之名。『馬薊』馬者以大名乎。『山

薊』以形味而名。『山連』未詳。『吃力伽』西域

名之。

【各方記述】朮有兩種。白朮。稍大有毛。而無根。甜而

少膏。可作丸散用。赤朮。葉細無根。根小苦。多膏。可作

煎用。春生苗。青色無根。莖作蒿幹狀。青赤色。長二三

尺以來。夏開花紫碧色。亦似刺薊花。或有黃白色者。

入伏後。結子。至秋而苗枯。根似姜。而旁有細根。皮黑

心黃白色。中有膏液。○和邦稱白朮者。高一二尺。葉

三葉。一朵似杏。而鋸齒。莖微直。四五月開青白花。形

如夏枯草花狀。而中有子。是乃蒼朮也。

【辨別道地】和漢俱有之。而漢爲真。今所渡者。合雲頭

朮。鷄腿朮之說。最爲上品。一種稱片白朮。川白朮者。

性味功用稍劣之。和邦蒼白二朮。同一物。藥肆以老

根爲蒼朮。以嫩根爲白朮。以售之。今醫家亦以老爲

白。以嫩爲蒼而用之。俱皆不是。白朮可必用漢產。和

產稱三好九白朮者。乃蒼朮嫩根也。

【修治】浸米泔。去頭剉炒用。又土製。取陳壁土。或土器碎粉拌之炒過。篩去土而用之。其餘有蜜水姜汁乳汁之製。或曰白朮不必泔浸。緩胃炒用。其餘皆生用可也。

【氣味】苦甘辛溫。無毒。

【功用】味苦而甘。性溫味厚氣薄。可升可降。陽中之陰也。入手太陽少陰足太陰陽明少陰厥陰經。防風地榆爲使。忌桃李菜青魚雀肉癰疽毒。禁用。爲多生膿。白朮得中宮中和之氣。爲除風痺之上品。然脾虛無濕者。用之却致燥渴津液。大抵陰虛燥渴。少血骨蒸。痰嗽哮喘。唇燥咽塞。便閉帶下。肝腎攻築。腹滿動氣者。切須忌之。

【主治】風寒濕痺。死肌瘰癧。止汗除熱。消食。主大風在。身面。風眩頭痛。目淚出。消痰水。逐皮膚間風水結腫。除心下急滿。霍亂吐下不止。利腰膝間血。益津液。暖胃消穀。嗜食。治心腹脹滿。腹中冷痛。胃虛下利。多年氣痢。除寒熱。止嘔逆。反胃。利小便。主五勞七傷。補腰膝。長肌肉。治冷氣疝瘕氣塊。婦人冷癥瘕。除濕益氣。和中補陽。消痰逐水。生津止渴。止瀉痢。消足脛濕腫。除胃熱肌熱。得枳實消痞滿氣分。佐黃芩安胎清熱。

補肝風虛。主舌本強。食則嘔。胃脘痛。身體重。心下急痛。心下水痞。衝脈爲病。逆氣裏急。脘腹痛。

蒼朮

【釋名】其色蒼黑故名之。朮獨也。『赤朮』『山精』。『仙精』。朮者。山之精也。服之令人長生。辟穀致神。仙故有名。『山薊』。說見白朮條下。『茅君』。『寶鑑』。茅。茅山也。朮以茅山爲好。君主也。寶鑑。美稱也。【各方記述】和產所所有之。和以有蒼朮。而無白朮。而已形狀於白朮條下。謂之者。乃是也。若強分二朮。則其根色白黃。而形如槌。味微苦甘而氣不烈者。可爲白朮也。其根如羹。色黑蒼而味苦辛氣烈者。可爲蒼朮也。予在東北西南諸州而親探之。屢致觀誤。謂有二朮。而今熟思。則不然。其色蒼白。其狀小大。其味厚薄。是皆土地。而雖有少異。俱下物也。強勿分二朮以用之。

【修治】製法。同白朮。蓋二朮留皮者。當以米泔水浸半日。去粗皮。肆售者。多剉淨。不可水浸。更性味。凡用不拘州土。惟白爲勝。○或謂漢產多白。懲浸泔則雖脫亦生拙。按蒼朮生白者。非必懲。乃糖也。仲淳曰。真茅朮蒼朮。細而帶糖者也。不必脫去。而佳也。

【辨別道地】松岡先生曰。漢書尤氣烈多膏。不經製法。而卒爾用之。則發腹痛。宜克炒用。予亦屢試知之。製法。則發腹痛。用者勿忽。予每療雀眼。用漢蒼朮。多得效。用和產則少見效。不知漢產多膏。故潤之而奏驗者。歟。書以俟後日之案而已。

【氣味】辛烈苦溫。無毒。

【功用】甘而辛烈。性溫而燥。可升可降。陰中陽也。入足太陽陽明手太陰陽明太陽之經。使忌同白朮。功用亦相似。但止發之間。少有異。蒼朮氣重體沉。有雄壯上行之氣。故除上濕發汗之功最大。上能除濕。下安太陰。邪氣不傳入脾。若補中焦除濕力。大不及白朮。與白朮止汗時異。若無濕者。豈敢用哉。

【主治】風寒濕痺。死肌癰疽。作蒸餌主頭痛。消痰水。逐皮間風水結腫。除心下結滿。及霍亂吐下不止。暖胃消穀。嗜食。除惡氣。弭災疹。主大風癰痺。心腹腰痛。水腫脹滿。除寒熱。上嘔逆。下泄冷痢。治筋骨軟弱。痿痺氣塊。婦人冷氣癰瘕。山嵐瘴氣溫疾。明目暖水藏。除濕發汗。健胃安脾。治痿散風。益氣。總解諸毒。濕痰留飲。或挾痰血成窠囊。脾濕下流。癰瘕帶下。滑瀉腸風。

遠志 本經上品

【釋名】服之能益智強志。故有之稱。『小草』望葉青色。而極細小。故名之。『細草』細小同意。『棘菴』『蔓繞』『醒心枚』三名未詳。

【各方記述】和漢俱有之。俱皆真。和有大葉小葉兩種。以小葉者為是。和產所所有之。其苗細莖。其葉細小似黃楊。秋開細紫花。花鋪喚姬荻者。乃是也。

【辨別道地】皮有皺肉者真。

【修治】洗去土氣。以甘草湯浸一宿。去骨焙乾用。或浸薑汁。或浸酒。當隨本方忌鐵器。

【氣味】苦溫無毒。

【功用】陰中之陽。可升可降。腎經氣分藥也。入足少陰。夏珍珠藜蘆蠶蟻蟻。得茯苓葵子龍骨夏。心經有實火。為心家實熱。應用黃連生地黃者。禁與參朮等補陽氣藥同用。

【主治】救逆傷中。補不足。除邪氣。利九竅。益智。耳目聰明。不忘。強志倍力。利丈夫。定心氣。止驚悸。益精。去心下膈氣。皮膚中熱。面目黃。殺天雄附子烏頭毒。治健忘。安魂魄。令人不迷。堅壯陽道。長肌肉。助筋骨。婦人血暈失音。小兒客忤。腎積奔豚。治一切癰疽。

玄參 本經中品

【釋名】玄，黑也。其莖微似人參，故名。『黑參』、『玄臺』，義同于上說。『鹿腸』、『正馬』、『逐馬』、『鬼藏』，以上四味未詳。『馥草』，合香家用之，故呼之。『野脂麻』以形名。

【各方記述】二月生苗，葉似脂麻對生，又如槐柳而尖長，有鋸齒，細莖青紫色，七月開花，青碧色，八月結子，黑色。○恭曰：玄參根苗並臭，莖亦不似人參，未見合香，今按此說是也。

【辨別道地】和漢皆可用，選黑潤者用之，和產關東者，根最佳，諸州多有之。

【修治】用蒲草重重相隔蒸晒，勿犯銅器，犯之損人喉裏人目。

【氣味】鹹苦無毒。

【功用】足少陰腎經君藥也。惡黃耆乾姜大棗山茱萸。反藜蘆。血少目昏，停飲寒熱支滿，血虛腹痛，脾虛泄瀉，並不宜服。

【主治】腹中寒熱積聚，女子產乳餘疾，補腎氣，令人明目。暴中風傷寒，身熱支滿，狂邪，忽忽不知人，溫瘧酒，酒血癥，下寒血，除胸中氣，下水止煩渴，散頸下核，癰腫，心腹痛，堅癥，定五藏熱風頭痛，傷寒勞復，治暴結熱，散癰癰瘰癧，治遊風，補虛損，心驚煩躁，骨蒸傳尸。

邪氣，止健忘，消腫毒，滋陰降火，解斑毒，利咽喉，通小便，便血滯。

地榆本經中品

【釋名】其葉似榆而長，初生布地，故名。『玉鼓』，其花子紫黑色，如鼓，故名。『酸豬』，其味酸，其色赭，故名。

【各方記述】宿根三月內生苗，初生布地，獨莖直上，高三四尺，對分出葉，葉似榆葉，而稍狹細長，似鋸齒狀，青色，七月開花如椹，子紫黑色，根外黑裏紅，似柳根。

【辨別道地】用和產，近年花肆以苧莖稱和連茂加字，不可以名同誤用。

【修治】宜生用，見火無功。

【氣味】甘酸苦寒，無毒。

【功用】氣味俱薄，其體沉而降，陰中陽也。入足厥陰少陰，手足陽明經，得髮夏，惡麥冬，伏丹砂雄黃硫黃，性寒而下，凡脾胃虛寒，作泄白痢，久而胃弱，胎產虛寒，泄瀉，血崩，並禁服。

【主治】婦人乳產，淫痛，七傷帶下五漏，止痛止汗，除惡肉，療金瘡，止膿血，諸癰惡瘡，熱瘡，補絕傷，產後內塞，可作金瘡膏，消酒除渴，明目，止冷熱痢，疳痢，止吐血，鼻衄，腸風，月經不止，血崩，產前後諸血疾，并水瀉，治

諸氣不足。汁釀酒。治風痺。補腦。搗汁塗虎犬蛇蟲傷。主內漏止血不足。

紫草本經上品

【釋名】此草花紫根紫。可以染紫。故名。『紫丹』『紫芙』『苾蒻』『茹』『地血』『鴉御草』諸名未詳。

【各方記述】種紫草。三月逐蠶下子。九月子熟時刈草。春社前後采根陰乾。其根頭有白毛如茸。未花時采。則根色鮮明。花過時采。則根色黯黑惡。采時以石壓扁曝乾。收時忌人觸及驢馬糞。并烟氣。皆令草黃色。【辨別道地】嫩而紫色染手者佳。

【修治】去根取茸細剉用。

【氣味】甘苦鹹寒。無毒。

【功用】入手足厥陰經。血分。苦寒能通利九竅。瘡瘡家虛脾胃弱。泄瀉。不思食。小便清利者。俱禁用。

【主治】心腹邪氣。五疸。利九竅。通水道。療腫脹滿痛。以合膏。小兒瘡。及面皴。治惡瘡癰斑疹痘毒。活血涼血。利大腸。

黃連本經上品

【釋名】其根連珠而色黃。故名。『玉連』『支連』其根支連珠。故名。『滴膽芝』未詳。

【各方記述】苗高一尺以來。似菊。四月開花黃色。六月結實似芹子。色亦黃。大抵有二種。一種根粗無毛。有珠如腐爪形而堅實。色深。一種無珠多毛而中虛。黃色稍淡。各有所宜。○用和產。和產亦有二種。其葉似菊。又似芹者。其根亦有細大。以菊葉者為勝。和產于賀州。佐州。常州。興州。越州。婺州者。皆俱佳。

【辨別道地】揀色黃而肥大連珠者佳。根細者不佳。

【修治】去蘆及鬚。洗淨剉炒用。治本藏之火。生用。治肝膽之實火。以豬膽汁浸炒。治肝胆虛火。以酸浸炒。治上焦之火。以酒炒。治中焦火。以姜汁炒。治下焦之火。以鹽水或朴硝炒。治氣分濕熱之火。以吳茱萸湯浸炒。治血分塊中伏火。以乾漆水炒。治食積之火。以黃土炒。

【氣味】苦寒。無毒。

【功用】氣味俱厚。可升可降。陰中陽也。入手少陰經。黃芩龍骨理石為使。惡菊花玄參白鮮皮芫花白僵蠶。畏款冬牛膝。解巴豆輕粉附子毒。大忌豬肉。冷水。凡病人血少氣虛。脾胃薄弱。血不足。驚悸不眠。寒煩躁熱。及產後不眠。血虛發熱。泄瀉腹痛。小兒痘瘡。陽

虛作泄。老人脾胃虛寒作瀉。陰虛腎泄。真陰不足。內熱煩燥諸證。咸忌之。

【主治】熱氣目痛。皆傷泣出。明目。腸辟腹痛下痢。婦人陰中腫痛。主五藏冷熱。久下洩。辟膿血。止消渴大驚。除水利骨。調胃厚腸。益膽。療口瘡。治止心腹痛。驚悸煩躁。潤心肺。長肉止血。天行熱疾。止盜汗。并瘡疥。治小兒疳氣。殺蟲。羸瘦氣急。鬱熱煩躁。惡心。心下痞滿。主心病逆而盛。心積伏梁。去心竅惡血。

胡黃連 宋開寶

【釋名】其性味功用。類黃連故名。『割孤露澤』胡語也。

【各方記述】出波斯國。海畔陸地。苗如夏枯草。根頭似烏嚙。折之內似鷄翎眼者良。○和產一種之草。稱當藥。一名千振。秋開紫白花。細小而味甚苦。和俗采充胡黃連。謂其能殺蟲消積。小兒初生。加甘草代用。甘連湯。以爲習俗已久。謂之胡黃連。和方稱胡黃連者。皆當藥也。○今按胡黃連當藥可俱通用。和產比藥則氣味烈。而形狀雖異。是唯因其土地之有異。形氣有和烈不同。勿必疑焉。

【辨別道地】根似黃連。大而不黃。味苦。膠亦似黃連。揀

外黃心黑。乾如楊柳枯枝。折之塵出如煙者。乃爲真。

【修治】削去麤皮。剉少焙用。

【氣味】苦大寒。無毒。

【功用】入足厥陰少陽經。惡菊花玄參白鮮皮。解巴豆毒。忌豬肉。使人瀉精。按陰血大虛。真精耗竭。而胃氣俱弱者。雖見諸證。亦勿可輕投。不得已須與健脾安胃等藥同施爲妥。

【主治】補肝膽。明目。治骨蒸勞熱。三消。五心煩熱。婦人胎蒸。虛驚。冷熱洩痢。五疳。厚腸胃。益顏色。浸人乳汁。點目。治久痢成疳。小兒驚癇。寒熱不下食。霍亂下痢。傷寒咳嗽。溫瘧。理腰腎。去陰汗。去果子積。

黃芩 本經中品

【釋名】芩。金也。黃色應秋金也。或曰芩。黔乃黑黃之色。『腐腸』腹中皆爛故名。『內虛』有孔者名之。『妬婦』心難故比之。『經芩』經宿同意。謂舊根乎。『黃文』『印頭』『苦督郵』三名未詳。『子芩』新根圓者多。內實。條芩乃子芩也。『狗尾芩』『鳳』『尾芩』皆以形名之。『宿芩』乃片芩破者名之。【各方記述】苗長尺餘。莖幹粗如筋。葉從地四面作叢生。類紫草。高一尺許。亦有獨莖者。葉細長。青色。兩兩

相對。六月開紫花。根如知母粗。細長四五寸。

【辨別道地】有漢來無和產。一種有朝鮮黃芩。色味不如漢產。宜擇深堅實者用。

【修治】刮去外表。內枵切片炒之。如得酒上行。得豬膽除肝膽火。得柴胡退寒熱。得芍藥治下痢。得桑皮瀉肺火。得白朮安胎。得厚朴黃連止腹痛。

【氣味】苦寒。無毒。

【功用】氣厚味厚。陰中微陽。可升可降。陰也。入手太陰少陽經。山茱萸龍骨爲之使。惡葱實。畏丹砂丹皮。藜蘆。凡中寒作泄。中寒腹痛。肝腎虛而少腹痛。血虛腹痛。脾虛泄瀉。腎虛瀉瀉。脾虛水腫。血枯經閉。氣虛小水不利。肺受心邪喘欬。及血虛胎不安。陰虛淋露。法並禁用。

【主治】諸熱黃疸。腸澼洩痢。逐水下血。閉。惡瘡疽。蝕火瘍。瘰癧熱。胃中熱。小腹絞痛。消穀。利小腸。女子血閉。淋露下血。小兒腹痛。熱毒骨蒸。寒熱往來。腸胃不利。破蘊氣。治五淋。去關節煩悶。解渴下氣。主天行熱疾。丁瘡排膿。治乳癰發背。涼心。治肺中濕熱。瀉肺火上逆。療上熱。目中腫赤。瘀血壅盛。上部積血。補膀胱寒水。安胎養陰退陽。治風熱濕熱。頭痛。奔豚。熱痛。火效。肺痿。喉腥。諸失血。

柴胡 本經上品

【釋名】柴古作苽。苽柴也。胡系也。以木代系相承也。『地黃』『芸蒿』柴胡葉名。芸蒿。辛香可食。地黃名亦同義。『山菜』『茹草』嫩則可茹。老則爲柴故名之。山菜亦同義。

【各方記述】其苗葉有如竹葉者。乃和讀鑲倉柴胡者。而漢稱銀柴胡者也。藥肆名河原柴胡者。翻白草根也。名犁牛柴胡者。白頭翁根也。俱別物而誤謂之柴胡。翻白草白頭翁俱有主用。豈不辨別之哉。

【辨別道地】和漢可俱用。稱鑲倉者真也。可用之。○漢銀柴胡。形色黃白多皺。內有黃紋。

【修治】去蘆及鬚。以水洗淨剉用。勿令犯火。欲上升。用根。酒浸。欲下降。用梢。

【氣味】苦平微寒。無毒。

【功用】氣味俱輕。陽也。升也。陰中陽。手足少陽厥陰經引經藥也。半夏爲使。惡皂莢蜀葵。畏藜蘆女麋。其性升而發散。病人虛而氣升者忌之。嘔吐及陰虛火熾炎者。法所同忌。雖非少陽經者。勿入。亦無益精明目之理。用者審之。

【主治】心腹腸胃中結氣。飲食積聚。寒熱邪氣。推陳致

新除傷寒心下煩熱。諸痰熱結實。胸中邪氣。五藏間遊氣。大腸停積水脹。及濕痺拘攣。作浴湯。治熱勞骨節煩疼。熱氣肩背疼痛。勞乏羸瘦。下氣消食。宣暢氣血。主時候內外熱不解。除煩止驚。消痰止咳。早展潮熱。寒熱往來。臍腹。婦人產前後諸熱。心下痞。胸脇痛。諸瘧。及肥氣寒熱。婦人熱入血室。小兒痘疹餘熱。五疳羸熱。

前胡別錄

【釋名】唐韻作前胡。名義未詳。或云根似柴胡故名。【各方記述】前胡有數種。唯苗高二三尺。色似斜蒿。葉如野菊而細瘦。嫩時可食。秋月開紫白花。類蛇床花。其根皮黑肉白。有香氣。今觀和產。無數種。予栽圃觀之。初生如野蜀葵而葉稍厚。色深青。其根生則不香。甘。乾則氣香味甘。自初生稍到長大。及老成。則葉形如不同。故誤謂有數種者也乎。

【辨別道地】和產可用。但香氣少者。性不佳。

【修治】水洗土氣。刮去蘆及鬚。剉用。忌火。

【氣味】甘辛平微寒。

【功用】味薄氣清。陽中之陰。降也。入手足之太陰陽明經。半夏爲之使。惡皂莢。畏藜蘆。凡前胡之功。皆有搜

風下氣之效。然可施之有餘。而不可施氣虛血少之病。故陰火煎熬真陰。凝痰發嗽。氣不歸元。以致胸脇逆滿。頭痛不因於痰。而因於陰血虛。內熱心煩。外現寒熱。而非外感者。法並禁用。明目益精。其理亦謬。【主治】痰滿胸脇中痞。心腹結氣。風頭痛。去痰下氣。治傷寒。寒熱。推陳致新。去熱實。及時氣。內外俱熱。治一切氣。破癥結。開胃下氣。通五藏。主霍亂轉筋。骨節煩悶。反胃嘔逆。氣喘咳嗽。安胎。小兒一切疳氣。清肺熱。化痰熱。散風邪。

防風 本經上品

【釋名】防者。禦也。其功禦風最要。故名。『銅芸』。『回芸』。未詳。『回草』。其花如茴香。『屏風』。防風隱語也。『蘭根』。其氣如芸蒿蘭蘭也。『百枝』。『百瑩』。名義未詳。

【各方記述】根土黃色。與蜀葵相類。稍短。莖葉俱青綠色。莖深而葉淡。葉似青蒿。而闊大。又似青蒿葉。而稀疎似茴香。開細白花。結實似胡荽子而大。○和謂防風者。有數種。削防風者。葉似牡丹。色淺綠。俗謂牡丹人參。其根大。削之而售。木防風者。嫩時爲菜。莖青有香氣。乃防葵而非防風。又有濱防風者。葉如防葵而

莖紫而根長一二尺。黃白。生海濱砂地。栽之園圃。亦繁茂。味辛甘而無毒。是亦防葵類也。削漬俱與防風大異也。今謂山人參者。莖葉大似胡蘿蔔。乃真防風也。

【辨別道地】和漢俱有之。市中稱簪防風者。入藥宜用之。唐來者。陳舊而多蠹蛀。以黃色而潤者。可揀用。叉頭者。發狂。叉尾者。發癰疾。宜禁之。

【修治】水洗去蘆。及二歧黑皮。剉用或微焙。

【氣味】甘辛溫。無毒。

【功用】氣味俱薄。浮而升。陽也。入手足太陽經之本藥。又行足陽明太陰二經。爲肝經氣分藥。畏葶藶。殺附子毒。惡藜蘆白斂乾姜芫花。按脾虛氣逆。陰虛盜汗。陽虛自汗。漉泄不因寒濕等症。俱同忌。

【主治】大風頭眩痛。惡風。風邪。目盲無所見。風行周身。骨節疼痛。煩滿脇風痛。頭面遊風去來。四肢掣急。下乳。金瘡內腫。治三十六般風。男子一切勞勞。補中益神。風赤眼。止冷淚。及癰瘻。通利五藏。關脈。治上焦風邪。瀉肺實。散頭目中帶氣。經絡中留濕。主上部見血。搜肝氣。

獨活 本經上品

【釋名】獨。一也。活。生也。一莖直生。不爲風搖故名。『羌活』羌地名。『羌青』『獨搖草』此草得風不搖。無風自動。故名。『護羌使者』『胡王使者』獨活似羌中來者爲良。故有二名。『長生草』未詳。

【各方記述】時珍曰。獨活羌活。乃一類二種。以中國者爲獨活。以西羌者爲羌活。李中梓曰。羌活獨活。本一物二種。正如川芎藭芩。白朮蒼朮之義。入用微有不同耳。後人以爲二物者非也。大明曰。獨活是羌活母也。和邦自古執此說。以不察羌獨元來有二種。以宿新分二活者也。

【辨別道地】獨活羌活。和漢俱有焉。和稱獨活者。宇土舊根也。和與漢微似而大別。漢亦有二種。有節而如鞭者。無節而黑皮者。今以鞭節者爲真。和比漢則形狀雖不同。和劑用來之久。而知其功之可用。則不可爲非也。以漢來者爲真。近年藥肆出真羌活者。殆真真。予得一草。栽之。探根曝乾。其形狀氣味。俱不異。知是真羌活也。和稱羌活者。宇土新根也。故可用之。况亦和羌活。既用獨活。獨羌一物。主治亦相似。則不拘古方。而必併用。而惟用獨活亦可矣。

【修治】『獨活』洗土氣。去皮剉乾。或焙用。『羌活』去黑皮腐爛用。

【氣味】「獨活」甘苦辛微溫無毒。「羌活」苦辛溫無毒。

【功用】獨活氣厚味薄。沉而升。陰中陽也。足少陰行經之藥。羌活氣味俱薄。而升陽。手足太陽引經風藥。入手足厥陰少陰經氣分。凡血虛頭痛及偏身疼痛。骨痛。因而無寒熱者。此屬內證。誤用反致作劇。

【主治】風寒所擊。金瘡止痛。奔豚痛。女子疝瘕。諸風賊。百節痛風。無問新久。諸中風濕冷。奔喘逆氣。皮膚苦痒。手足痺痛。勞損風毒。齒痛。「羌活」治賊風失音。不語。多痺。手足不遂。口面喎斜。遍身瘡痺。血癰。「獨活」治一切風并氣。筋骨痠痛。骨節酸疼。頭旋目赤。疼痛。利五臟。及伏水氣。風寒濕痺。不仁。諸風痺眩。頸難伸。去腎間風邪。搜肝風。瀉肝氣。治項強腰脊痛。散癰疽。敗血。

升麻 本經上品

【釋名】其葉似麻。其性升。故名。「周麻」周。或指周地。如今人呼川升麻之義。「落新婦」名義未詳。

【各方記述】春生苗。高三尺許。葉似麻葉。並青色。四五月花開似粟穗白色。六月以後結實。根如薔根。紫黑色。多鬚。○和產所在有之。花如粟穗白色。根赤小。而

不似唐來之根大。而紫黑者。不可為真。又有一種花紫色。如粟穗。葉如麻葉。莖有小毛。高三尺以來。根大而黑者。希有之。可以為真。又有形狀短小。花葉可愛者。花鋪散淡雪。本草所謂落新婦。乃小升麻也。或以海根等麻為升麻者。皆不是。

【辨別道地】和漢俱有之。漢來者。其形細而黑。極堅實。削去皮。青綠色者。謂之鷄骨升麻。外黑裏白。堅實者。謂之鬼臉升麻。今肆中稱俱俱利者。形者。形如鳥藥。可用之。近年藥肆出真升麻者。形狀殆逼真。但味微苦。雖恐少升提之功。

【修治】洗土氣。去頭節。黑皮及鬚腐爛。而剉用。忌火。

【氣味】甘辛苦平微寒。無毒。

【功用】氣味俱薄。母而升。陽也。為足陽明太陰引經之藥。得葱白白芷。入手陽明太陰。引石膏。止陽明齒痛。參芪非此引不能上行。同柴胡引生發之氣上行。同葛根能發陽明之汗。凡吐血鼻衄。咳嗽多痰。陰虛火動。氣逆嘔吐。怔忡顛狂。上盛上虛症。切勿誤投。

【主治】解百毒。殺百精。辟瘟疫瘴氣。邪氣。蟲毒。中惡腹痛。時氣毒瘧。頭痛寒熱。風腫諸毒。喉痛口瘡。疳積遊風。腫毒。小兒驚癇。熱毒不通。瘰癧腫。豌豆瘡。水煎綿沾拭瘡上。治陽明頭痛。補脾胃。去皮膚風邪。解肌肉

間風熱。療肺痿。欬唾膿血。能發浮汗。牙根浮爛。惡臭。太陽熱。衄。爲瘡家聖藥。消斑疹。行瘀血。治陽陷眩暈。胸脇虛痛。久泄下痢。後重遺濁。帶下崩中。血淋下血。陰痿足寒。

苦參 本經上品

【釋名】苦以味名。參以功名。「苦識」「苦骨」以形與味名。「地槐」「水槐」「菟槐」「驕槐」「野槐」以葉如槐而名。「白莖」「蒼莖」「綠白」「陵郎」「虎麻」皆以似色而名乎。

【各方記述】生苗高三四尺以來。葉碎青色。極似槐葉。春生冬凋。其花黃色。七八月結角。如蘿蔔子。角內有子二三粒。如小豆而堅。

【辨別道地】揀黃色指大。肉白。嚼之極苦者佳。

【修治】用糯米泔浸一宿。其腥穢氣。浮在水面上。須重重淘過。蒸乾。少入湯藥。多作丸服。治瘡癰酒。治腸風炒至烟起爲末。

【氣味】苦寒。無毒。

【功用】氣沉純陰。足少陰腎經君藥也。又入手陽明足厥陰經。玄參爲之使。惡貝母。兎絲。漏蘆。及藜蘆。伏汞。制雄黃。焰消。此物雖能洩血中之熱。除濕熱生蟲爲

癢。然以其味大苦。氣大寒。久服損腎氣。肝腎虛而無大熱者。勿服。

【主治】心腹結氣。癰瘕積聚。黃疸。逐水除癰腫。明目止淚。除伏熱腸辟。止渴醒酒。小便黃赤。療惡瘡。下部腫積。酒飲。治疥殺蟲。治惡蟲。脛酸。熱毒風皮。煩燥生瘡。赤癩眉脫。除大熱嗜睡。治腹中冷痛。中惡腹痛。殺疳蟲。炒存性。米飲服。治腸風瀉血。并熱痢。

白鮮皮 本經上品

【釋名】此草根白色。作半鐘氣。故名。「白種」「白半鮮」「地半鮮」鮮者。半之氣。以上諸名據之。「金雀兒椒」其子累累如椒。故有此名。

【各方記述】其葉似茱萸高尺餘。根皮白。而心實。花紫白色。

【辨別道地】漢來者。真也。和無產。知者。市人乃剝木槿根皮。以假充真者。甚非是矣。

【修治】洗土氣。去麁皮。剉用。

【氣味】苦寒。無毒。

【功用】氣寒善行。味苦性燥。足太陰陽明經。去濕熱藥也。兼入手太陰陽明。惡蜈蚣。桔梗。茯苓。草薢。凡得牛膝石斛。薏苡仁。黃柏。蒼朮。療足弱頑痺。去下部濕熱。

多加金銀花。佐以漢防己。治下部一切濕瘡。

【主治】頭風黃疸。欬逆淋瀝。女子陰中腫痛。癰瘰死肌。不可屈伸。起止行步。腰四肢不安。時行腹中大熱。飲水。小兒驚癇。婦人產後餘痛。治一切熱毒。風惡風瘡。疥癬赤爛。眉髮脫脆。皮肌壯熱惡寒。解熱黃酒。黃急黃。穀黃。勞黃。通關節。利九竅。及血脈。通小便。水氣。天行時疾。頭痛眼疼。治肺嗽。

延胡索 宋開寶

【釋名】玄。言其色。胡言生胡國。索言其苗交紐也。『延胡索』本名玄胡索。避宋真宗諱改玄爲延也。

【各方記述】三茅山西上龍洞種之。每年寒露後栽。立春後生苗。葉如竹葉樣。三月長三寸高。根叢生如羊卵樣。立夏掘起。

【辨別道地】有漢來而無和產。亦無僞雜。茅山玄胡索。如半夏。皮青黃。肉黃。形小而堅。此品最爲佳。西玄胡索。大而皮黑。肉黃。此樣力微。

【修治】劉微炒用。上部酒炒。中部醋炒。下部鹽水炒。

【氣味】苦甘辛溫。無毒。

【功用】可升可降。陰中陽也。純陽浮也。入手足太陰厥陰經。活血氣之神藥也。然能走而不能守。故經事先

期。及一切無血熱爲病。凡婦中淋瀝。皆應補氣血。涼血。清熱則愈。一切卒走之藥。法所應禁。

【主治】破血。婦人月經不調。腹中結塊。崩中淋瀝。產後諸血病。血暈。暴血衝上。因損下血。寒酒或酒磨服。除風。治氣。暖腰膝。止暴腰痛。破癥瘕。撲損瘀血。落胎。治心氣。小腹痛。散氣治腎氣。通經絡。活血利氣。止痛通小便。

貝母 本經中品

【釋名】形如聚貝子。故名。蘭音胡。一作蘆。謂根狀如蘆也。『勒母』。『苦菜』。『苦花』。『空草』。『藥實諸名義未詳。』

【各方記述】二月生苗。莖細青色。葉亦青。似蕎麥葉。隨苗出。七月開花。碧綠色。形如鼓子花。八月採根。有瓣子。黃白色。此有數種。○和有一種。一幹開白花。狀似百合。有芬芳可愛。葉如牛蒡葉。或有似南星葉者。根亦如百合。一顆大如龍眼。乾則片片真如貝母。亦是貝母之類也。

【辨別道地】漢可用黃白輕鬆者爲良。油黑重硬者勿用。獨賴非兩片者。名丹龍眼。不可入藥。誤服令人筋脈永不收用。黃精小藍汁合服立愈。今藥肆以粒小

者爲上品。以粒大者爲下品。按本草無大小之辨。頤生微論。既謂選大者。則小爲上之說。甚不可用也。

【修治】去心。糯米拌炒。米熟爲度。或去心。劉漫生薑汁。

日乾焙用。

【氣味】苦辛平寒。無毒。

【功用】陰中微陽。可升可降。陰也。入手太陰少陰經。厚朴白微爲之使。畏秦艽。反烏頭。俗以半夏燥有毒。代以貝母。不知貝母寒潤。乃太陰肺經之藥。肺爲燥金。性喜潤。故專主肺家燥痰。半夏燥濕。乃太陰脾經。陽明胃經之藥。脾爲濕也。性喜燥。故專主脾胃濕痰。兩者天淵。何可代乎。若痰在脾經。誤用貝母之潤。投以所惡。可翹首待斃矣。如南星半夏天麻蒼白朮茯苓類治之者。均非貝母之所司也。

【主治】傷寒煩熱。淋瀝。邪氣。疝瘕。喉痹。乳蛾。金瘡風癰。瘰癧。腹中結實。心下滿。洗洗惡風寒。目眩項直。欬嗽上氣。止煩熱。出汗。安五臟。利骨髓。消痰潤心肺。末和砂糖丸。含止嗽。燒灰油調。傳人畜惡瘡。斂瘡口。主胸脇逆氣。時疾黃疸。研末點目去翳。以七枚作末。酒服。治產難及胞衣不出。與連翹同服。主項下癰瘰疾。

茅根本經中品

【釋名】茅葉如矛。故名。『茹根』其根牽連謂之茹。易曰。拔茅連茹是也。『蘭根』未詳。『地筋』根狀如筋。故名。

【各方記述】春生芽。布地如針。俗謂之茅針。亦可噉。其益小兒。夏生白花。茸茸然。至秋而枯。其至潔白。六月采之。

【辨別道地】茅有數種。所謂白茅。菅茅。黃茅。色茅。惟有茅針之根爲藥。茅花亦入藥。

【修治】洗土氣。去皮節。剉用。或焙。忌鐵器。

【氣味】甘寒。無毒。

【功用】因寒發嗽。中寒嘔吐。濕痰停飲。發熱。並不得服。【主治】勞傷虛羸。補中益氣。除痰血閉。寒熱。利小便。下五淋。除客熱在腸胃。止渴。堅筋。婦人崩中。久服利人。主婦人月經不勻。通血脈。淋瀝。止吐衄諸血。傷寒嘔逆。肺熱喘急。水腫黃疸。解酒毒。『茅針』『氣味』甘平無毒。『主治』下水治消渴。能破血通小腸。治鼻衄。及暴下血。惡瘡癰腫。傳金瘡止血。『茅花』『氣味』甘溫無毒。『主治』煎飲止吐血衄血。并塞鼻。傳灸瘡不合。罨刀箭金瘡止血并痛。

龍膽

【釋名】葉如龍葵。味苦如膽。因爲名。『陵游』名義未詳。

【各方記述】宿根黃白色。下抽根十餘條。類牛膝而短。直上生苗。高尺餘。四月生葉。如嫩蒜。細莖如小竹枝。七月開花。如牽牛花。作鈴鐺狀。青碧色。冬後結實。苗便枯。俗呼草龍膽。又山龍膽。味苦。葉經霜雪不凋。與此同類。而別種也。

【辨別道地】和產可用。

【修治】銅刀切去鬚。及頭。剉細。甘草湯浸一宿。漉出。暴乾用。

【氣味】苦。溫。大寒。

【功用】氣味俱厚。沉而降。陰也。足厥陰少陽經氣分聚也。其用有四。除下部風濕一也。及濕熱二也。臍下至足腫痛三也。寒濕脚氣四也。下行之功。與防己同。黃蘗小豆爲之使。惡地黃防葵。凡病脾胃兩虛。因而作泄者忌之。凡病虛而有熱者勿用。空腹服餌之。令人瀉不禁。以其太苦。則下泄太甚。故也。

【主治】骨間寒熱。驚癇邪氣。續絕傷。定五藏。殺蟲毒。除胃中伏熱。時氣溫熱。泄下痢。去腸中小蟲。益肝膽氣。止驚惕。治小兒壯熱。骨熱驚癇入心。時疾熱黃。癰腫。口乾。客忤疳氣。熱狂。明目止煩。治瘡疥。去目中黃。及

睛赤腫脹。瘀肉高起。痛不可忍。退肝經邪熱。除下焦濕熱之腫。膀胱火。癆咽喉痛。風熱盜汗。

細辛 本經上品

【釋名】根細而味極辛。故名之。『小辛』『少辛』義同上。

【各地記述】葉似小葵。柔莖細根。直而色紫。味辛者。細辛也。葉似馬蹄。莖微粗。根曲而黃白色。味亦辛者。杜衡也。一莖直上。莖端生葉。如嫩蒜。根似細辛。微粗直而黃白色。味辛微苦者。『鬼督郵』也。似鬼督郵而色黑者。『及己』也。葉似小桑根。根似細辛。微粗長而黃色。味辛而有臊氣者。『徐長卿』也。葉似柳而根似細辛。粗長黃白色。而味苦者。『白微』也。似白微而白直味甘者。『白前』也。或曰細辛根味極辛。有紫白二色。南部地方。有之。藥肆中往往以馬蹄香充之。非是。又有杜衡與馬蹄香相類。俱根麤而少辛味。本草註混二物爲一。蓋縣不識杜衡也。杜衡其氣如薷蕪。北地有之。或曰以加茂葵爲細辛。其根甚辛。和俗稱細辛者。杜衡也。漢人亦混亂之。又山野二種。有根味似細辛者。俗稱細葉細辛者。應是白微。拙按加茂葵味雖薄。亦細辛一類也。松岡先生曰。杜衡細辛

一物也。按爾雅。杜衡杜若之通名。而係于芳草。本草有杜衡亂細辛之說。諸家因襲而不正。終杜衡細辛分爲二物。不知杜衡莖葉細辛是根也。猶荜草香附天麻赤箭荷藕大戟澤漆之例。分苗根之名。而非二物。（略下）先生此說。可謂解千歲之疑惑者也。

【辨別道地】和漢俱在焉。長直如髮。習習辛辣似蜀椒者爲真。和產以佐渡秋田爲上。南部次之。今有薩摩通真可用之。

【修治】切去蘆頭。剉用。忌火。擇去雙葉者。服之害人。

【氣味】大辛溫。無毒。

【功用】氣厚于味。陽也。升也。入足厥陰少陰血分。爲手少陰引經之藥。惡黃芪狼毒山茱萸。忌生菜狸肉。畏消石滑石。反藜蘆。細辛燥烈。凡血虛內熱。因成頭痛。欬嗽者。痛戒之。

【主治】欬逆上氣。頭痛腦動。百節拘攣。風濕痺痛。死肌。久服明目。利九竅。溫中下氣。破痰利水道。開胸中滯結。除喉痺。鼽鼻不聞香臭。風癩癰疾。下乳。結汗不出。血不行。安五藏。益肝膽。通精氣。痿躄氣。治嗽去皮風。濕痒。風眼淚下。除齒痛。血閉婦人血虛腰痛。含之去口臭。潤肝燥。治腎脈爲病。脊強而厥。治口舌生瘡。大便燥結。起目中倒睫。

當歸本經中品

【釋名】當歸調血。爲女人要藥。有思夫之意。故有此名。妊婦產後。氣血昏亂者。服之即定。能使氣血各有所歸。故名。『乾歸』『山蕲』『白蕲』『蕲古』并字。特以花葉似芹。故得名。『文無』古人相贈以芍藥。相招以文無。文無一名當歸。芍藥一名將離。

【各方記述】春生苗。綠葉有三瓣。七八月開花。似薔薇。淺紫色。根黑黃色。以肉厚而不枯者爲勝。今觀和產者。紫花少而白花多矣。

【辨別道地】和漢俱可用。和產大和越後者爲良。出于大和者。本草所謂馬尾當歸也。出于越後者。本草所謂鑽頭當歸也。大和比較越後。則有滋潤。以可爲勝。

【修治】凡用去頭尖硬處。併塵土。以水洗淨。切片。微焙。○行表酒洗。行上酒浸。頭止血。而上行。身養血而中守。稍破血而下流。全活血而不走。

【氣味】甘辛溫。無毒。

【功用】氣味厚。可升可降。陽中微陰。入手少陰足太陰厥陰經血分。惡藺茹濕麪。畏薑蒲海藻牡蠣生薑。制雄黃。與白朮芍藥生熟地則滋陰而補腎。與川芎則上行頭角。治血虛頭痛。入薏苡牛膝則下行足膝。治

血不榮筋。同四物加炒黑姜炒黑豆澤蘭益母。治婦人產後百病。同地榆金銀花滑石紅曲。治帶下純血。裏結後重。同牛膝紫甲橘皮生薑。治癰在陰分。久不止。然其性泥滯。風邪初旺。及氣鬱者。宜少用之。凡腸胃薄弱。洩瀉及一切脾胃病。惡食不思食者。並用禁之。即在產後胎前。亦不可用。

【主治】效逆上氣。溫瘧寒熱。洗洗在皮膚中。婦人漏下。絕子。諸惡瘡。煮汁飲之。溫中止痛。除客血內塞。中風。瘧汗不出。濕痺中惡。客氣虛冷。補五藏生肌肉。止嘔逆。虛勞寒熱。下痢。腹痛。齒痛。女人惡血腰痛。崩中。補諸不足。治一切風。一切氣。補一切勞。破惡血。養新血。及癰瘰。腸胃冷。治頭痛心腹諸痛。潤腸胃筋骨皮膚。治癰疽。排膿止痛。和血補血。主瘰癧嗜臥。足下熱而痛。衝脈爲病。氣逆裏急。帶脈爲病。腹痛腰溶溶如坐水中。

川芎

【釋名】出蜀中。四川。故名之。元名芎藭。或云頭芎。隆藭。高之象也。此藥上行。治頭腦諸疾。故有名。『胡芎』以胡戎者爲佳。故名。『香果』香草故名。『山鞠窮』左傳曰。有山鞠窮。『藤蕪』葉爲藤蕪。根爲川芎。『撫

芎』小者也。

【各方記述】生葉似水芹。胡荽蛇牀。作叢而莖細。其葉倍香。七八月開碎白花。如蛇牀子花。根堅瘦。黃黑色。關中出者。形塊重實。作雀腦狀者。爲雀腦芎。最有

力。

【辨別道地】和漢俱可皆用。有大葉小葉二種。大葉者。無香氣。乃撫芎也。和產丹後爲上。山城大和次之。鹽後爲下。近歲有出於興州者。形塊重實。裏色白不枯。

嚼之微辛甘者。佳也。宜擇用。

【修治】洗土氣。去蘆頭。剉用。忌火。

【氣味】辛苦溫。無毒。

【功用】氣厚味薄。浮而升。陽也。少陽本經引經藥。入手足厥陰氣分。白芷爲之使。畏黃連。伏雌黃。得細辛。療金瘡止痛。得牡蠣。療頭風吐逆。凡病人上盛下虛。虛火炎上。嘔吐。欬嗽不止。自汗易汗盜汗。咽乾口燥。發熱作渴。煩燥。法並忌之。

【主治】中風入腦。頭痛寒痺。筋攣緩急。金瘡。婦人血閉無子。除腦中冷動。面上遊風去來。目淚出。多涕唾。忽忽如醉。諸寒冷氣。心腹堅痛。中惡卒急。腫痛。脇風痛。溫中內寒。腰脚軟弱。半身不遂。胞衣不下。一切風。一切氣。一切勞損。一切血。補五勞。壯筋骨。調衆脈。破癥瘕。

結。宿血。養新血。吐血。鼻血。漏血。腦癰發背。瘰癧癰贅。痔瘡瘰癧。長肉排膿。消瘀血。搜肝氣。補肝血。潤肝燥。補風虛。燥濕止瀉痢。行氣開鬱。蜜和大丸。夜服治風。痰。齒根出血含之。

葉本 本經中品

【釋名】本。根也。根上苗下似禾。故名。『蕺菜』。『山海經』名之。『鬼柳』。『鬼薪』。『微莖』。三名未詳。

【各方記述】葉似白芷。又似水芹而大。五月有白花。七八月結子。根紫色。

【辨別道地】漢來者有二種。稱薺牛樸者。真也。稱川芎樸者。非真。多用大葉。芎藭根假偽者也。

【修治】洗土氣。去蘆剉。少焙用。

【氣味】苦辛微溫。無毒。

【功用】氣厚味薄。升也。陽也。足太陽本經藥。惡蘭茹。畏青葙子。與木香同用。治濕露之清邪中於上焦。既治風。又治濕。各從其類也。若溫病頭疼發熱口渴。或骨疼。及傷寒發於春夏。陽證頭疼。產後血虛火炎頭痛。皆不宜服。

【主治】婦人疝瘕。陰中塞腫痛。腹中急。除風頭痛。畏肌膚。悅顏色。辟霧露。療風邪。脾。金。瘰。治一百六十種。

惡風。鬼注。流入。腰痛冷。小便通血。去頭風。肝。太。陽。頭痛。顛頂痛。大寒犯腦。痛連齒頰。頭面身體皮膚風。濕。督脈為病。脊強而厥。治癰疽排膿內塞。

白芷 本經上品

【釋名】『白芷』(音芷)『齊謂之藍』『芳香』『澤芬』。生於下澤有芳香。故名。『苻離』。楚謂之離。『蕺』。晉謂之蕺。『芎』(音管)『葉名蕺』。『麻藥』。楚謂之藥。

【各方記述】春生葉相對。婆娑紫色。開三指許。花微黃。入伏後結實。立秋後苗枯。二八月采。根長尺餘。粗細不等。白色。○和產苗高三四尺。莖葉類川芎而甚大。花實亦似川芎。而葉比川芎則薄。而有香氣。採者詳之。

【辨別道地】和漢可俱用。和產以石見為上。山城長池多種之。皆為真。有黃澤而不蛀蠹者。宜擇用。

【修治】市人截片。削以石灰拌勻晒收。欲其不蛀。而色白。用時水洗淨。剉用。

【氣味】辛溫。無毒。

【功用】氣味俱輕。陽也。手陽明引經之藥。當歸為之使。惡旋覆花。制雄黃。硫黃。毒。其性升而溫。嘔吐因於火。

者。禁用。漏下赤白。陰虛火熾。血熱所致者。勿用。癰疽已潰。宜漸減去。

【主治】女人漏下。赤白。血閉陰腫。寒熱頭風。便目淚出。長肌膚。潤澤顏色。可作面脂。療風邪久渴。吐瀉。兩脇滿。頭眩目癢。可作膏藥。治目赤。癆肉。去面疔。疔瘰。補胎漏。滑落。破宿血。補新血。乳癰發背。瘰癧。腸風痔瘡。瘡癰疥癬。止痛排膿。能蝕膿。止心腹血刺痛。女人逐血腰痛。血崩。解利手陽明頭痛。中風寒熱。及肺經風熱。頭面皮膚風痺。燥癢。治鼻淵鼻衄。齒痛。眉稜骨痛。大腸風秘。小便利。婦人血風。眩暈。翻胃吐食。解蛇毒。蛇傷刀箭金瘡。

芍藥本經中品

【釋名】綽約美好貌。此草花容綽約。故名。其花根能制食毒。故有藥名。『將離』芍藥離草也。『犁食』『白朮』未詳。『餘容』花色嬌嫩可愛。故名。『金芍藥』花白者也。『木芍藥』花赤者也。『小牡丹』花千葉者也。『花相』以牡丹爲花王。以芍藥爲宰相。【各方記述】春生紅芽。作莖。莖上三枝五葉。似牡丹而狹長。夏初開花。有紅白紫數種。秋時采根。【辨別道地】有和漢而漢可用。聞信州產山錫杖。又謂

之士鴉結皮。掘采貨四方。花葉如單瓣芍藥而微異。卽草芍藥也。吾豫州山間。有稱芍藥者。其花多淡紅。或白單瓣。而與家園者不少異。唯葉厚類牡丹。根色白。剝之則變灰色。此信州謂土鴉結皮者乎。予嘗以山芍藥。移栽家園。入初夏。已開花。花謝結實。到深秋而實熟。四折則其子深朱色。大類通草實。而與芍藥爲異。予始知信州所以稱土鴉結皮者是也。鴉者。朱也。皮者。實也。皮實通則。則朱實也。所以山芍藥。亦與通草爲同訓矣。所謂土者。賤稱也。以是考之。則山產與家園者。似則雖似。而不同也。用者。宜明辨審詳之。又藥肆出字田芍藥。其色白。出于信州之類。而非真。近年藥肆出真芍藥。爲蒸熟堅紮者。而其形狀色味逼真。如乏唐無則用亦可也。今觀唐來者。其色皆赤。而未見白者。方書以赤白分稱之者。所謂從花色數。未詳焉。

【修治】水浸去蘆頭。剝焙。忌鐵。多生用。避其寒。酒炒入血藥醋炒。血虛者煨用。

【氣味】苦酸寒。無毒。

【功用】氣薄味厚陰也。降也。爲手足太陰行經藥。入肝脾血分。須丸（別本作雷丸）爲之使。惡石斛芒硝。畏消石。繫甲小蘗。反藜蘆。同白朮補脾。同芎藭瀉肝。同

人參補氣。同當歸補血。同甘草止腹痛。同黃連止瀉痢。同防風發痘疹。同姜溫經散濕。凡中寒腹痛作泄。腹中冷痛。腸胃中覺冷等證。忌之。及泄瀉。產後惡露已行。少腹痛已止。癰疽已潰。並不宜服。

【主治】邪氣腹痛。除血痺。破堅積。寒熱疝瘕。止痛利小便。益氣。通順血脈。緩中散惡血。逐賊血。去水氣。利膀胱大小腸。消癰腫。時行寒熱。中惡腹痛。治藏府擁氣。強五藏。補腎氣。治時疾骨熱。婦人血閉不通。能蝕膿。女人一切病。胎前產後諸疾。治風補勞熱。退熱除煩。益氣。驚狂。頭痛。目赤明目。腸風瀉血。痔瘻發背。瘡疥。瀉肝安脾肺。收胃氣。止瀉利。固脾理和血脈。收陰氣。微逆氣。理中氣。治脾虛中滿。心下痞。脇下痛。善噫。肺急腹逆喘欬。太陽熱。目痛。肝血不足。陽維病。苦寒熱。帶脈病。苦腹痛滿。腰膝痠如坐水中。止下痢。腹痛後重。

牡丹皮 本經上品

【釋名】牡丹乃天地之精。為羣花首。花為陰成實。葉為陽發生。丹係赤色。能瀉相離陰中之火。故名。『藥根皮』。『風姑』。『鹿韭』。『百兩金』。以上各義未詳。『木芍藥』。花似芍藥。宿幹似木故名。『花王』。

羣花中以牡丹為第一故名。

【各方記述】花有黃紫紅白數色。其莖黑白色。二月於梗上生苗葉。花瓣止五六葉。五月結子。黑色。類母丁香。根黃白色。可長五六寸。大如筆管。二八月採根。陰乾用。

【辨別道地】和產可用。不必拘山產。家園。而可以花笑者為佳。古人謂牡丹。惟取紅白單瓣者入藥。非必是和產山城大和多種出之。而今以山城大和為上。以播津為中。但州信州亦出之。赤者利血。白者補人。揀肉厚者可用之。

【修治】洗土氣。以銅刀劈破。去骨。酒洗微焙。

【氣味】苦辛微寒。無毒。

【功用】陰中微陽。入手厥陰足少陰經。畏貝母。大黃。兎絲子。忌蒜胡荽。伏砒。四物湯加之。治婦人骨蒸。血分伏火。非此不除。凡婦人血崩。及經行過期不淨。並忌與行血藥同用。

【主治】寒熱中風。瘧疾驚癇。邪氣。除癥堅瘀血。留舍腸胃。安五藏。療癰疽。除時氣。頭痛。客熱。五勞。勞氣。頭腰痛。風濕癰疾。治冷氣。散諸痛。女子經脈不通。血瘀腰痛。通關節血脈。排膿消癰。療瘀血。續筋骨。除風痺。治胞下胎。產後一切冷熱血氣。治神志不足。無汗之骨。

蒸。衄血吐血和血生血涼血。治血中伏火。除煩熱。

木香 本經上品

【釋名】木香。草類也。本名蜜香。因其香氣如蜜也。緣沉香中有蜜香。遂訛此爲木香。『蜜香』如上說。『青木香』後人因呼馬兜鈴根。爲青木香。乃呼此爲南木香。廣木香。以別之。『五木香』乃青木香也。一株五根。一莖五枝。五葉。葉間五節。故名之。『南木香』說見青木香下。

【各方記述】有數種。葉似半蹄而長大。亦有如山藥而根大。開紫花者。不拘時月采根芽爲藥。宗奭曰。常自岷州出。塞得青木香。持歸。葉如牛蒡。但狹長。莖高二三尺。花黃。一如金錢。其根即青木香也。此種和亦有之。其根不香也。不可謂真。

【辨別道地】漢來者。狀如枯骨。味苦粘牙者。爲夏。

【修治】以竹刀剝去土氣。洗剝用。忌火。凡入理氣藥。只生用。若欲止瀉。須以麪裹煨熟用。

【氣味】苦辛溫。無毒。

【功用】氣味俱厚。沉而降。陰也。味厚於氣。陰中陽也。三焦氣分藥。能降諸氣。臍。肺虛有熱者。心痛屬火者。禁用。

【主治】邪氣。辟毒。強志。主淋露。久服不夢寤。魔寐。消毒殺鬼精物。溫瘧。蠱毒。氣不足。肌中偏寒。治心腹一切氣。膀胱冷痛。嘔逆反胃。霍亂泄瀉。痢疾。健脾消食。安胎。九種心痛。積年冷氣。痰癖癥塊。腰痛墜氣。止衝煩悶。羸劣。女人血氣刺心痛不可忍。末酒服之。散鬱氣。調諸氣。和胃氣。泄肺氣。行肝經氣。煨熟實大腸。治衝脈爲病。逆氣裏急。主痔瘡。小便秘。

良姜 別錄中品

【釋名】始出高良郡。花色如山姜。因名高良姜。『薑姜』出嶺南蠻中。故名之。『紅豆蔻』即高良姜子也。和藥肆誤名伊豆縮沙而售者也。功用與良姜同矣。

【各方記述】春生莖葉。如姜苗而大。高一二尺許。花紅紫色。如山姜花。

【辨別道地】和漢俱爲真。和產根雖小。亦可通用。本草誤以杜若高良姜。別出一條。杜若即高良姜。其子紅豆蔻也。

【修治】良姜紅豆蔻。並宜炒過入藥。亦有同吳茱萸。東壁土炒過入藥用者。

【氣味】辛大溫。無毒。

【功用】辛熱純陽。浮也。入足太陰陽明經。噎逆胃寒者。

爲要藥。人參茯苓佐之。爲其溫胃。解散胃中風邪也。同酸製香附子爲末。治心口痛妙也。身熱脈數者。脾肺素有伏火者。忌之。

【主治】暴冷。胃中冷逆。霍亂腹痛。下氣益聲。好顏色。寒飲服之。止痢治風。破氣。腹內久冷氣痛。主風冷痺弱。轉筋瀉痢。反胃解酒毒。消宿食。含塊噤津。治忽然惡心嘔清水。遠巡即瘳。若口臭者。同草豆蔻爲末煎飲。健脾胃。寬噎膈。破冷瘕。除瘴瘴。

草豆蔻宋開寶

【釋名】此對肉豆蔻而名。凡物盛多曰蔻。豆象形也。『漏蔻』南方異物志。草果花性熱。淹至京師。能消酒毒。故爲果。

【各方記述】交趾嶺南有之。秋結實于草上。應時收採。殼有稜無鱗甲。似龍眼。微銳黃色。中子連綴。甚辛香。其形如豆。一顆內子有百粒。

【辨別道地】南方所產。和邦所無者也。本草載草豆蔻與草果同條。不分主治別名。同物也。

【修治】以麪裹煨熟。去皮用之。

【氣味】溫辛熱。無毒。

【功用】陽也。浮也。入足太陰陽明經。脾胃多寒濕。鬱滯

者。與之相宜。然多用能助脾熱。傷肺損目。

【主治】溫中。心腹痛。嘔吐。去口臭氣。下氣。止霍亂。一切冷氣。消酒毒。調中補胃。健脾消食。去客寒。心與胃痛。治瘴癘寒瘧。傷暑。吐下瀉痢。噎膈。反胃痞滿。吐酸痰飲。積聚。婦人惡阻帶下。除寒燥濕。開鬱破氣。殺魚肉毒。制丹砂。

白豆蔻宋開寶

【釋名】殼白內子如豆。一團三四十粒。似草豆蔻故名。『多骨』如古羅國呼之。

【各方記述】其草形如芭蕉。葉似杜若。長八九尺而光澤。冬夏不凋。花淺黃色。子作朵。如葡萄。初出微青。熟則變白。七月採之。今廣州宣州亦有之。不及番舶來者。

【辨別道地】有漢來。無和產。圓大如白牽牛子。其殼厚白。其仁如縮砂仁。入藥。

【修治】去皮研細。不見火。○其功全在芳香之氣。即入湯液。但當研細。待諸藥煎好。乘沸點服妙。

【氣味】辛大溫。無毒。

【功用】味薄氣厚。輕清而升。陽也。浮也。入手太陰經。患惡心者。嚼之最佳。氣虛及肺脾胃中有熱人忌之。

【主治】積冷氣止吐逆反胃消殺下氣散肺中滯氣寬腸進食去白睛翳膜補脾氣益脾胃理元氣收脫氣治噎膈除瘴疾寒熱解酒毒

縮砂末開寶

【釋名】一名砂仁皮緊厚縮皺微小形色如砂故名『縮砂蜜』實在根下仁藏殼內取其密藏之意

【各方記述】生嶺南地苗似高粱莖高三四尺葉長八九寸闊半寸許三四月開花在根下五六月成實五七十枚作一穗狀似益智而圓皮素厚而皺有粟紋外有細刺黃赤色皮間細子一團八隔可四十餘粒如大黍米微黑色內白而香似白豆蔻七八月采之【辨別道地】有漢來無和產和藥肆以粉碎者稱砂仁不去殼者稱縮砂不知縮砂一名砂仁也縮砂貴則雜益智以售之可擇用今藥肆稱東京者爲佳稱交趾者粒屬小而不佳稱伊豆縮砂者紅豆蔻也勿用【修治】去殼包布揉取仁剉用或先和皮慢火炒熟去殼研用

【氣味】辛溫無毒

【功用】辛溫陽也浮也入手足太陰陽明太陽足少陰七經得白檀香豆蔻爲使入脾得人參益智爲使入

肺得黃蘗茯苓爲使入腎得赤白石脂爲使入大小腸也若腎氣不歸元非此向導不濟然性燥火炎者忌之胎婦雖所宜氣虛者多服反致難產

【主治】虛勞冷瀉宿食不消赤白洩痢腹中虛痛下氣主冷氣痛止休息氣痢勞損消水穀溫暖肝腎上氣欬嗽奔豚鬼疰驚癇邪氣一切氣霍亂轉筋能起酒香味和中行氣止痛安胎治脾胃氣結滯不散補肺醒脾養胃益腎理元氣通滯氣散寒飲脹痞噎膈嘔吐止女子崩中除咽喉口齒浮熱化銅鐵骨哽

益智末開寶

【釋名】脾主智此物能益脾胃故也

【各方記述】益智子如筆頭長七八分二月花連着實五六月熟味辛雜五味中飲酒芬芳亦可鹽曝爲粽食

【辨別道地】漢來一種而無雜僞

【修治】去殼鹽水炒研用製機與縮砂同

【氣味】辛溫無毒

【功用】可升可降陽也入手足少陰足太陰經大辛行陽退陰之藥也三焦命門氣弱者宜之心者脾之母進食不止於和脾薑火能生土故古人進食必先益

智。土中益火也。如脾家有濕熱。痰火。心經與三焦火動者。俱禁服。治虛寒之症。當于補藥內兼用之。勿多服。

【主治】遺精虛漏。小便餘瀝。益氣安神。補不足。利三焦。調諸氣。夜多小便者。取二十四枚。碎入鹽同煎。服有奇驗。治客寒犯胃。和中益氣。及人多唾。益脾胃。理元氣。冷氣腹痛。心氣不足。夢洩赤濁。熱傷心系。吐血血崩諸證。

肉豆蔻宋開寶

【釋名】去殼。只用肉。花實似豆蔻而無核。故名。『肉菓』對草果而言。『迦拘勒』胡名。

【各方記述】中國無之。今嶺南人家亦種之。春生苗。夏抽莖。開花結實。似豆蔻。六七月采。狀雖似豆蔻。而皮肉之類。則不同。外有皺紋。而內有斑縷紋如橫櫛紋。【辨別道地】漢來一種。而無雜偽。形類彈丸。油色肥實者佳。

【修治】以糯米粉裹於糠火中煨熟。去粉用。勿犯鐵器。

【氣味】辛熱。無毒。

【功用】入手足陽明經。足太陰經。若病人有火。瀉痢初起。及中暑熱瀉。腸風下血。濕熱積滯方盛。皆不可服。

【主治】溫中消食。止洩。治積冷心腹脹痛。霍亂。中惡。鬼氣。冷疰。嘔沫冷氣。小兒乳疳。調中下氣。開胃解酒毒。下氣治宿食痰飲。冷熱虛洩。赤白痢。暖脾胃。固大腸。

補骨脂宋開寶

【釋名】其功能補添人之骨髓。故名。『破故紙』。著人呼為補骨脂。語訛為破故紙也。按固脂語訛也。胡非子。因其子之狀相似也。

【各方記述】生嶺南諸州。及波斯國。莖高三四尺。葉小似薄荷。花微紫色。實似麻子。圓扁而黑。九月采。

【辨別道地】有漢來。而無和產。亦無雜偽。南番者色赤。廣南者色綠。

【修治】微炒用。或用鹽酒浸一宿。蒸過晒。微炒用。

【氣味】苦辛大溫。無毒。

【功用】陰中之陽。可升可降。入足少陰經。惡甘草。忌芸薹。及諸血。得胡桃胡麻。性過于燥。陰虛火動。大便秘結者。戒之。

【主治】五勞七傷。風虛冷。骨髓傷敗。腎冷精流。及婦人血氣。墮胎。男子腰疼膝冷。囊濕。逐諸冷痺頑。止小便。腹中冷。助陽事。明耳目。治腎泄。通命門。煖丹田。斂精神。

姜黃唐本草

【釋名】根盤屈黃色類生姜而圓有節故名。『莖』生海南者即莖莖生江南者即爲姜黃。『寶鼎香』名義未詳。

【各方記述】葉青綠長一二尺許闊三四寸有斜紋如紅蕉葉而小。花紅白色至中秋漸凋。春末方生其花先生次方生葉不結實。八月采根片切暴乾。

【辨別道地】鬱金姜黃莖藥三物形狀功用相近折之色黃者爲鬱金色赤者爲姜黃黃青者爲莖莖一類而三種也。色比鬱金甚黃形較鬱金稍大兩藥實不同種。扁如乾菱形者爲片子姜黃圓如蟬腹形者爲蟬肚鬱金片子姜黃今不來以菱形者爲姜黃以蟬腹者爲鬱金以別之耳。

【修治】磨去上皮剉用忌火。

【氣味】苦辛溫無毒。

【功用】陽中之陰可升可降入足厥陰太陰經凡病屬血虛者勿誤用則愈傷血分慎之。

【主治】心腹結積注忤下氣破血除風熱消癰腫治癰瘰血塊通月經撲損瘀血止暴風痛冷氣下食祛邪辟惡治氣脹產後敗血攻心治風痺臂痛。

鬱金唐本草

【釋名】產于鬱林郡中色黃類金故名。一曰治鬱遏不能升者因名。『馬莖』形似莖莖而醫馬病故名。

【各方記述】苗似姜黃花白黃紅秋末出莖心而無實其根黃赤取四畔子根去皮火乾。

【辨別道地】琉球國多出之和邦亦有之今藥舖有無頭鬱金稱軸鬱金非元有二種耳以形之大小別之稱軸者形似姜故爲姜黃形似蟬肚者爲鬱金而售之其形外黃內赤體圓有橫紋如蟬腹狀圓尖而光明脆嫩苦中帶甘味者乃真宜擇用。

【修治】水洗剉用。

【氣味】辛苦寒無毒。

【功用】氣味俱厚純陰入手少陰太陰足厥陰陽明經凡病屬陰虛火炎鮮血妄行溢上竅而非氣分拂逆肺肝逆氣不可輕投也。

【主治】血積下氣生肌止血破惡血血淋尿血金瘡單用治女人宿血氣心痛冷氣結聚溫醋磨傳之亦治馬腹瘰癧心治陽毒入胃下血頻痛銖血氣心腹痛產後敗血衝心欲死失心顛狂蠱毒。

莖水宋開寶

【釋名】莖。俄也。俄然茂盛。尤。濁也。根體重濁故名。『莖藥』

【各方記述】三月生苗。高二三尺。葉類蓼荷。五月有花。作穗黃色。頭微紫。根如生薑。而茂在根下似鷄鴨卵。大小不常。九月采。削去粗皮。蒸熟暴乾用。

【辨別道地】和漢俱有之。而和產少矣。形狀似鬱金。葉粗澁無光澤為異。根色帶青黃。與姜黃鬱金一物而別種也。

【修治】此物極堅硬難搗。須熱灰中煨令透。乘熱搗之。即碎如粉。得酒醋夏。今人多醋浸煨用。欲入血則醋少。欲入氣則火炮用之。

【氣味】苦辛溫。無毒。

【功用】陽中之陰。降也。入足厥陰氣分。又入手太陰足陽明經。鬱金入心。專司血病。姜黃入脾。兼治血中之氣。蓬朮入肝。治氣中之血。稍為不同。若氣血兩虛。脾胃素弱。而無積滯者。不可用。

【主治】心腹痛。中惡。疰忤鬼氣。霍亂冷氣。吐酸水。解毒。食飲不消。酒研服之。又療婦人血氣結積。丈夫奔豚。破痰癖冷氣。以酒醋磨服。治一切氣。開胃消食。通月經。消瘀血。止撲損痛。下血及內損惡血。通肝經聚血。

一二種本草綱目

【釋名】莖有三稜。故名。『京三稜』生荆楚地故名。荆

三稜作京者。誤矣。『草三稜』形如雞爪。屈曲根上生根。『雞爪三稜』乃草三稜也。『黑三稜』色若烏梅。輕鬆去皮白。『石三稜』色黃體重。堅硬如石。

【各方記述】三稜多生荒廢陂池濕地。春時叢生。夏秋抽莖。莖端復生數葉。開花六七枚。花皆細碎成穗。黃紫色。中有細子。其莖莖花實俱有三稜。如稷之莖莖莖中有白穗。剖之纖物。柔韌如藤。

【辨別道地】和漢俱有之。形狀圓而有鬚者為真。形扁而成片者。莖蒲根也。或以莖莖根磚子莖偽雜者多矣。宜擇用。

【修治】麪包火炮。加醋浸復炒用。或炙熟焙乾亦良。

【氣味】苦溫。無毒。

【功用】陰中陽。可升可降。入足厥陰經。為血中氣藥。雖入肝經血分。然脾統血。肺主氣。宜並入焉。蓋血隨氣行。氣聚則血不流。故生癥瘕之患。非此不治。其斬關之勢。能洩真氣。真氣虛者勿用。故凡用以消導。必資人參芍藥地黃之力。而後可以無弊。

【主治】老癥癥積聚結塊。產後惡血血結。通月水。墮胎。止痛利氣。治氣脹。破積氣。消撲損瘀血。婦人血脈不調。心腹痛。血暈。心膈痛。飲食不消。通肝經積血。治瘡。

體堅硬下乳汁。

香附子別錄中品

【釋名】卽莎草根也。根若附子。周匝多毛。氣香因名。『雀頭香』象雀頭。一名雀腦香。『草附子』。『水香稜』葉似三稜。故名。『水巴戟』義同上。『水莎』。『侯莎』其實纒是也。『莎結』根名。『夫須』蓋笠名。賤夫所須此草。可爲笠。及雨衣。故名。『續根草』。『蜀郡名之』。『地賴根』。隴西名之。『地毛』。『多毛故名』。

【各方記述】莎葉如老韭葉。而硬光滑。有劍脊稜。五六月中抽一莖。三稜中空。莖端復出數葉。開青花成穗。如黍中有細子。其根有鬚。鬚下結子。一二枚。轉相延生。子上有細黑毛。大者如羊棗而兩頭尖。得燎去毛。暴乾。○松岡先生曰。有二種。根珠有結一顆者。真也。連綴二三四五顆者。乃是蕪復根。而堤邊沙地。最多矣。

【辨別道地】和產爲真。攝津州住吉邊多出之。狀有細大。擇大粒者用之。

【修治】水洗剉用。勿犯鐵器。或炒或生。或酒醋鹽水。姜汁童便。浸炒。諸法皆從本方。

【氣味】微苦辛溫。無毒。

【功用】氣厚于味。陽中之陰。足厥陰手少陽主藥。亦入手太陰經。得童便醋芎藭蒼朮而良。凡病則氣滯。故香附子于氣分爲君。臣以參芪。佐以甘草。治虛怯甚速也。獨用血爲耗耳。女人月事先期者。血熱也。法當涼血。禁用此藥。大燥少血之人。併新產耗氣之婦。亦所禁服。

【主治】除胸中熱。充皮毛。久服益氣。長鬚眉。治心腹中客熱。膀胱間連脇下氣妨。常日憂愁不樂。心忪少氣。一切氣。霍亂吐瀉。腹痛腎氣。膀胱冷氣。散時氣。寒疫。利三焦。解六鬱。消飲食。積聚痰飲。痞滿附腫。腹脹脚氣。止心腹肢體頭目齒耳諸痛。癰疽瘡瘍。吐血下血。尿血。婦人崩漏帶下。月候不調。胎前產後。百病煎飲。散氣鬱。利胸膈。降痰熱。

藿香宋嘉祐

【釋名】豆葉曰藿。其葉似之。或主療霍亂殊功。故名。

【各方記述】二月生苗。莖梗甚密作叢。葉似桑而小薄。七月採收。氣甚芬香。又曰藿香。方莖有節。中虛。葉微似茄葉。

【辨別道地】漢來有稱青藿者。芬香爲真。而可用。有名

埋薑香。土薑香者。非真。混入茄葉泥土。甚多偽雜。不可用。和產稱薑香者。有葉不似茄。而似桑。而開紫花。而不太芳香。亦非真。不可用。

【修治】揀去枝梗。水洗剉用。

【氣味】甘辛微溫。無毒。

【功用】味薄氣厚。可升可降。陽也。入手足太陰經。得人參橘皮木瓜茯苓縮砂。轉吐瀉治筋霍亂。得木香丁香蘇葉人參生薑。治中寒吐逆不止。若病因陰虛火旺。胃弱欲嘔。及胃熱作嘔。中焦火盛。邪實作脹。法並禁用。

【主治】風水毒腫。去惡氣。止霍亂。心腹痛。脾胃吐逆。爲要藥。助胃氣。開胃口。進飲食。溫中快氣。肺虛有寒。上焦壅熱。飲酒口臭。煎湯漱之。

澤蘭 本經中品

【釋名】葉似蘭。生澤傍。故名。『水香』『都梁香』『虎蘭』『虎蒲』『龍蕒』以上諸名未詳。『孩兒菊』俗呼之。『風藥』齊人呼之。『地荷』其根可食。故云。

【各方記述】生下地水旁。葉似蘭草。而不甚香。高一三尺。莖幹青紫色。作四稜。葉生相對如薄荷。七月開花。

帶紫白色。萼通紫色。亦似薄荷花。今見澤蘭莖方節短。而葉鋸齒有毛者也。○今按蘭有三種。所謂蘭草。澤蘭。建蘭也。蘭草與澤蘭同類而有殊。俱生水旁下濕之地。惟以莖圓節長。而葉光有歧爲蘭草。雷斅所謂大澤蘭。楚辭文選。騷人墨客所賦之蘭。而非今之蘭花也。後人誤以建蘭充之。建蘭一名幽蘭。葉似菅茅。秋花有芬芳。栽盆上坐右爲翫好者。而非握蘭浴蘭之物。采者詳審之。

【辨別道地】和產爲真。四五月盛時。摘青葉陰乾可用。此物在入新之一。藥肆所貯者多陳久。不可不自擇用。

【修治】水洗剉用。

【氣味】甘苦辛微溫。無毒。

【功用】陰中之陽。可升可降。足太陰厥陰經藥也。防己爲之使。凡產後陰戶燥熱。遂成翻花。用澤蘭四兩煎洗二三次。再入枯礬煎洗即安。

【主治】金瘡。癰腫瘡。產後金瘡內塞。產後腹痛。頻產血氣衰冷。成勞瘦羸。婦人血癰腰痛。產前後百病。通九竅。利關節。養血氣。破宿血。消癥瘕。通小腸。長肌肉。消撲損瘀血。治鼻血吐血。頭風目痛。婦人勞瘦。丈夫面黃。

香薷別錄中品

【釋名】舊本作薷。其氣香。其葉柔。『香薷』『香草』。草初生曰薷。『香薷』作蔬菜。故名。『蜜蜂草』象其花房也。

【各方記述】生山野間。方莖尖葉。有刻缺。頗似黃荊葉。而小。九月開紫花爲穗。有細子。細葉者。僅高數寸。葉如落蒂葉。即石香薷也。

【辨別道地】和產可用。藥舖稱長刀香薷者爲真。其穗長而斜。形似眉尖刀。故藥肆名之。陳年者良。

【修治】水洗。剉用。忌火。去莖。用葉及穗。

【氣味】辛微溫。無毒。

【功用】可升可降。陽也。入手太陰。少陰。足陽明。太陰。經。入肺胃二經。夏月解表之劑也。若勞役受熱。用香薷。是重虛其表。反助其熱。害人不淺。氣虛者。尤不可多服。

【主治】霍亂腹痛吐下。散水腫。去熱。卒轉筋者。煮汁頓服。半升卽止。爲末水服。止鼻衄。下氣除煩熱。療嘔逆冷氣。春月寒飲代茶。可無熱病。調中溫胃。含汁漱口。去臭氣。主脚氣寒熱。

荊芥本經上品

【釋名】本經所謂假蘇也。氣味辛香。如蘇如姜如芥故名。『姜芥』荊姜聲訛。謂爲荊芥非也。

【各方記述】荊芥原是野生。二月生苗。方莖細葉。似獨帶葉而狹小。淡黃綠色。八月開小花。作穗成房。如紫蘇。房內有細子。如華蓋子狀。黃赤色。連穗收採用之。【辨別道地】和產真也。布子甚繁茂。家園栽蒔。採收穗。以供藥用。

【修治】去枝葉。生用。治下焦血。炒黑用。

【氣味】辛苦溫。無毒。

【功用】氣味俱薄。浮而升。陽也。入手太陰。足厥陰。經。與河豚黃鯢魚鱸肉相反。若同日食之。致喪命。病人氣虛。寒熱。表虛有汗。陰虛火炎。面赤。因而頭痛者。俱禁用。

【主治】寒熱。風癰。瘰癧。生瘡。破結聚氣。下瘀血。除濕疽。去邪。除勞渴。冷風出汗。煮汁服之。搗爛醋和。傅丁腫。腫毒。單用。治惡風賊風。口面喎斜。遍身瘡痺。心虛忘事。益力添精。辟邪毒氣。通利血脈。傳送五臟不足氣。助脾胃。主血勞風氣壅滿。背脊疼痛。虛汗。理丈夫脚氣。筋骨煩疼。及陰陽毒。傷寒頭痛。頭眩目眩。手足筋急。利五臟。消食下氣。醒酒。作菜生熟皆可食。并煎茶飲之。以豉汁煎服。治暴傷寒。能發汗。治婦人血風。及

瘡疥爲要藥。產後中風身強直。研末酒服。散風熱。清頭目。利咽喉。消瘡腫。治項強。目中黑花。及生瘡陰癰。吐血衄血。下血血痢。崩中痔漏。

薄荷唐本草

【釋名】薄荷。俗稱也。『菰蘭』。食性本草作之。『蕃荷菜』。千金方作之。『吳菰蘭』。蘇州者爲勝。以別胡菰蘭也。『南薄荷』。一種有龍腦薄荷。所以別之。金錢薄荷。其葉頗如錢也。『薄荷原』。始曰葉青。薄荷乃花葉總名。薄荷葉近。故俗呼薄荷。

【各方記述】二月宿根生苗。方莖赤色。其葉對生。似荏而尖長。經冬根不死。夏秋采莖葉曝乾。

【辨別道地】和產真可用。藥肆今稱龍腦薄荷者。夏按薄荷水蘇。俱名之龍腦薄荷。二物同名也。水蘇方莖中虛。形狀似紫蘇葉而微長。密齒面皺。色蒼白。氣甚芬香。好生山崖水傍。藥肆不售之。宜自採取。

【修治】去梗。用藥忌火。

【氣味】辛溫。無毒。

【功用】氣味俱薄。浮而升。陽也。入手太陰。少陰。厥陰。足厥陰經。凡病人新好勿服。恐致虛汗亡陽。咳嗽。苦因肺虛寒者。之無熱症。陰虛人發熱者。勿服。以出汗竭。

其津液也。瘦弱人久用動消渴病。

【主治】賊風傷寒發汗。惡氣心腹脹滿。霍亂宿食不消。下氣。寒汁服之。發汗大解。作菜久食。却腎氣。辟邪毒。除勞熱。令人口氣香潔。煎湯洗惡瘡。通利關節。發毒汗。去憤氣。破血止痢。療陰陽毒。傷寒頭痛。四季宜食。治中風失音。吐衄。主傷風頭腦風。通關格。及小兒風涎爲要藥。杵汁服。夫心藏風熱。清頭目。除風熱。利咽喉。口齒諸病。治瘰癧瘡疥。風瘙癢癰。搗汁含漱。去舌胎。語澁。接葉塞鼻。止衄血。塗蜂蟻蛇傷。

紫蘇別錄中品

【釋名】蘇從蘇音。舒暢也。蘇性舒暢。行氣和血。故謂之。或曰蘇宜也。形氣土宜也。故名。『赤蘇』。『桂荏』。蘇乃荏類。而味更辛如桂。故名。

【各方記述】處處有之。以背面皆紫者。長夏采莖葉。秋采子。有數種。水蘇魚蘇山魚蘇皆是荏類。白蘇乃荏也。

【辨別道地】和稱縮緬者。其葉有皺紋。而背面皆紫色。芳香清烈。以爲良。亦有其面青背紫者。面紫背青者。皆不堪用。藥肆所售者。不揀背面青紫。而混同之。宜自採取。

【修治】擇新水洗。剉用。忌火。

【氣味】辛溫。無毒。

【功用】可升可降。陽也。入手太陰足陽明經。味辛而入氣分。色紫而入血分。久服。能入真氣。病屬氣虛。表虛。因發寒熱。或惡寒。及頭痛者。慎毋投之。不可同鯉魚。食生毒瘡。若脾胃寒。人多致滑泄。往往不覺。『蘇梗』下諸氣。體稍虛者宜用。

【主治】下氣。除寒中。除寒熱。治一切冷氣。心腹脹滿。止霍亂轉筋。開胃下食。止脚氣。通大小腸。通心經。益脾胃。養飲尤勝。與橘皮相宜。解肌發表。散風寒。行氣寬中。消痰利肺。和血溫中。止痛定喘。安胎。解魚蟹毒。治蛇犬傷。以葉生食作羹。殺一切魚肉毒。『蘇子』治下氣肺氣喘急。

菊花本經上品

【釋名】菊。鞠也。必鞠養而後得佳菊。或曰鞠窮也。九月有黃花。華事至此而窮。故名。『節華』取應其節使也。『女節』『女華』『女莖』『日精』『更生』『傳延年』『治瘡』『金蕊』『陰成』『周盈』女節女華。菊花之名也。治瘡日精。根之名也。日精更生周盈。皆一菊而根莖花實之名異也。

【各方記述】菊之品。凡百種。宿根自生莖葉。花色品

不同。莖如蜂窠。中有細子。亦可撿種。嫩葉及花。皆可食。生田野。味苦莖青。名苦蕒。拯病反傷胃。惟培家園。味甜莖紫。名甘菊。入劑大補陰血。

【辨別道地】和產白紅黃三種。宜入藥用。以其黃者爲良。揀用其千瓣而味甘者。而不可用其單瓣而味苦者。

【修治】忌火。去蒂。

【氣味】甘微苦平。無毒。

【功用】苦甘微寒。可升可降。陰中微陽。白朮枸杞桑白皮爲之使。入肺心肝脾胃大小腸。味甘者。陰血兼補。味苦者。大腸胃氣。黃者入金水陰分。白者入金水陽分。治頭風。紅者行婦人血分。花葉俱可作枕明目。

【主治】諸風頭眩。腫痛。目欲脫。淚出。皮膚死肌。惡風濕痺。久服利血氣。輕身耐老延年。療腰痛。去來陶陶。除胸中煩熱。安腸胃。利五臟。調四肢。治頭目風熱。風旋倒地。腦骨疼痛。身上一切游風。令消散。利血脈。並無所忌。養目血。去翳膜。主肝氣不足。

茵陳本經上品

【釋名】蒿類。經冬不凋。更因舊苗而生新葉。故名茵陳。

蒿。

【各方記述】二月生苗。其莖如艾。其葉如淡色青蒿。而背白。葉歧緊細而扁整。九月開細花黃色。結實大如艾。

【辨別道地】和可用。夏月盛時。採葉陰乾而收之。茵陳青蒿。黃花蒿。形狀頗相似。宜自採擇。

【修治】去莖用葉。忌火。

【氣味】苦微寒。無毒。

【功用】陰中微陽。入足太陽經。通腠理。主黃疸。利小便。然蓄血發黃者禁用。

【主治】風濕寒熱邪氣。熱結黃疸。治通身發黃。小便不利。除頭熱。去伏瘕。通關節。去滯熱。傷寒用之。

益母草 本經上品

【釋名】其功宜婦人。故名。『茺蔚』此草及子皆充盛故名。『益明』明目故名。『貞蔚』貞者。婦德。故稱之。『羅』與穠也。乃充蔚也。『野天麻』莖方類麻。『豬麻』豬喜食之。『火梗』義未詳。『鬱臭草』此草有臭氣。人呼臭草。『苦抵草』義未詳。『夏枯草』夏至後枯故名。『土質汗』質汗出西番。乃熱血合諸藥煎成。治金瘡折傷。益母亦可作煎。治折傷。

故名質汗。

【各方記述】近水濕處甚繁。春初生苗如嫩蒿。入夏長三四尺。莖方如黃麻莖。其葉如艾葉而背青。一梗三葉。葉有尖歧。寸許。節節生穗。叢簇抱莖。四五月間。穗內開小花。紅紫花。亦有微白花者。每穗內有細子四粒。粒大如藹藹子。又有三稜褐色。

【辨別道地】和產可用。五月採葉陰乾用。此實名茺蔚子。又名巨勝子。本草謂藥肆往往以作巨勝子貨之。巨勝子者。黑胡麻子也。不可以名同而混用。

【修治】水洗剉用。忌銅鐵。或忌忌。

【氣味】辛微苦。無毒。

【功用】可升可降。陰中陽也。入手足厥陰經。制硫黃。砒石。白花者入氣分。紫花者入血分。為調胎產諸疾之要藥。性善行走。能行血通經。血崩禁服。活血補陰。故能明目。然瞖子散大禁用。為其辛溫主散。能助火也。惟熱血欲黃腫人者。與涼血藥同用。則不足。

【主治】癰瘡可作浴湯。搗汁服。主浮腫。下水。消惡毒。丁腫乳癰。丹遊等毒。并稱之。又服汁。主子死腹中。產後血脹悶。滴汁入耳中。主聾耳。搗傳蛇虺毒。入面藥。令人光澤。治粉刺。活血破血。調經解毒。治胎漏產難。胎衣不下。血運血風。血痛。崩中漏下。尿血瀉血。疳痢痔。

疾打撲內損瘀血大便小便不通。

夏枯草本經上品

【釋名】夏至後即枯故名。『夕句』『乃東』『燕面』『錢色草』以上名義未詳。

【各方記述】苗高尺許其莖微方葉對節生似旋覆葉而長大有細齒背白上多氣脈紋路莖端開花作穗長一二寸穗中開淡紫小花一穗有細子四粒。

【辨別道地】和產爲真有一幹者或叢生者亦偶有白花者花色可愛○松岡先生曰此草謂入夏而枯今觀鞠草入夏而不枯人疑非真此不詳審考窮之誤也此物新苗已生則舊根乃枯是新陳相代者也。能與入夏枯之說合乃真也和邦自古用鞠草每每有經驗宜用之。

【修治】莖葉花穗俱剉用治目疼以砂糖水浸一宿。

【氣味】苦辛寒無毒。

【功用】獨入足厥陰經土瓜爲之使伏汞砂此草治目珠疼至夜則甚者神效此草無毒除治瘰癧風癰及散癰結氣消癰腫乳癰之外無別用然久用亦防傷胃與參朮用方可久服無弊。

【主治】寒熱瘰癧風癰頭瘡破癰散癰結氣脚腫濕痺。

輕身。

旋覆花本經下品

【釋名】花綠繁茂圓而覆下故名。『金沸草』夏開黃花盜竊金氣故名。『金錢草』『滴滴金』『盜庚』『夏菊』『戴椹』以上諸名因花狀而命也。

【各方記述】花狀如金錢水澤邊生者花小瓣單人家栽者花大莖簇蓋壞瘠使然其根細白。

【辨別道地】和產可用有單瓣千葉二種宜採單瓣者入藥用。

【修治】去皮及蒂洗淨微焙。

【氣味】鹹甘微溫有小毒。

【功用】陰中之陽可升可降入手太陰陽明足太陰厥陰經葉消疔腫根治風濕但是走散之品非虛衰者所宜冷利及大腸虛寒人禁用惟傷寒汗下後心下痞堅噫氣不除者宜此。

【主治】結氣臨下滿驚悸除水去五藏間寒熱補中下氣消胸上痰結唾如膠漆心胸痰水膀胱留飲風氣濕痺皮間死肉目中眵膜利大腸通血脈益色澤主水腫開胃止嘔逆不下食行痰水去頭目風消堅軟痞治噎氣。

紅花宋開寶

【釋名】『紅藍花。』其花紅色。葉頗似藍。故名。『黃藍』花帶黃故名。

【各方記述】冬月布子於熱地。至春生。初生嫩葉。苗亦可食。其葉如小薊葉。至五月開花。如大薊花。而紅色。侵晨采花。搗熟以水淘布袋絞去黃汁。又搗以酸漿米泔清。又淘又絞。汁以青蒿覆一宿晒乾。或捏成磚餅。陰乾收之。入藥搗碎用。

【辨別道地】和產可用。宜擇新花鮮明而用之。又有稱錢花者。藥氣最劣。惟可入染用。而不可供藥用。

【修治】酒噴微焙用。或生用。

【氣味】辛甘苦溫。

【功用】陰中之陽。入手少陰足厥陰經。從桃仁大黃而能破血。佐當歸地黃而能補血。少用養血。多用破血。【主治】產後血運口噤。腹內惡血不盡絞痛。胎死腹中。並酒寒服。亦主蠱毒。活血潤燥。止痛散腫。通經。

大薊小薊別錄中品

【釋名】薊猶疊。其花如疊。故名。『虎薊』大薊。『猫薊』小薊。因其苗狀猗猗而名。『馬薊』形狀以大者稱。

馬。『刺薊』多刺故名。『山牛蒡』其根似牛蒡。『鷄項草』其頭如鷄之項。『千針草』『野紅花』二名皆言花狀。

【各方記述】小薊處處有之。二月生苗二三寸。時併根作葉茹食甚美。四月高尺餘。多刺。心中出花。如紅藍花。而青紫色。九月采根陰乾用。大薊苗根與此相似。但肥大爾。

【辨別道地】和可用。山原野地。處處有之。形狀亦有大。小數種。花色多紫白紅淡白之品。宜擇紫花者。可入藥用。

【修治】酒洗。或重便拌微炒。大小同製。

【氣味】苦甘溫。無毒。大小同。

【功用】入手太陰厥陰經。大薊。胃弱洩泄。及血虛不思飲食者。皆不利。二薊性味主療皆同。破血之外。亦無他長。亦不益人。但大薊兼療癰疽。而小薊只可退熱。不能消腫也。

【主治】『大薊根』女子赤白沃。安胎。止吐血鼻衄。搗根絞汁服半升。主崩中血下立瘥。葉治腸癰。瘀血作瘕。撲損。生研酒服。又惡瘡疥癬同鹽研搗之。『小薊根』破宿血。生新血。暴下血。血崩金瘡出血。嘔血等。絞取汁溫服。作煎和糖。合金瘡及蜘蛛蛇蝎毒服之。

治熱毒風并胸膈煩悶。開胃下食。退熱。作菜食。除風熱。夏月熱煩不止。

牛蒡子 別錄中品

【釋名】牛好食其根。因名。蒡字書草名。『惡實』其實狀惡而多刺鉤。故名。『大力子』稱實。『彭翁菜』稱根。『便牽牛』俚人呼之。『蝙蝠刺』有刺故名。『風粘』實殼多刺。風過之。則綴惹不可脫。故名。

【各方記述】三月生苗。莖高者三四尺。四月開花成叢。淡紫色。結實如楓球而小。莖上細刺。百十攢簇之一。採有子數十顆。其根大者。如臂。長者近尺。其色灰。七月采子。十月採根。

【辨別道地】和產采子用之。根和邦爲食品。而贊美之。本朝食鑑詳載之。故今不贅。

【修治】子揀淨以酒拌蒸。待有白霜重出。以布拭去。焙乾搗粉用。

【氣味】苦辛溫。無毒。

【功用】陽中之陰。升也。或曰降也。入手太陰足陽明經。爲散風除熱解毒之要藥。痘瘡家。惟宜于血熱便閉之症。若氣虛色白。大便自利。或泄瀉者勿用。癰疽已潰。非便閉勿服。

【主治】明目除風。傷風毒腫。諸瘰。去丹石毒。利腰脚。食前熱。接三枚吞之。散諸結節。筋骨煩熱。吞一枚。出癰疽頭。炒研煎飲。通利小便。潤肺散氣。利咽膈。去皮膚風。通十二經。消斑疹毒。

麻黃 本經中品

【釋名】春叢生如麻。至夏長及一尺。上有黃花。嗅之微有麻氣。故名。『龍沙』。『卑相』。『卑監』。諸名殊不可解。

【各方記述】春生苗。至夏五月則長及一尺以來。梢上有黃花。結實如百合而小。又似皂莢子。味甜。

【辨別道地】和漢俱用之。殊使人煩。輕虛者爲良。堅實者名雲花子。治馬疥。

【修治】宜用陳久者。去根節。煮數沸。掠去上沫。焙乾用。根節水洗。剉用。

【氣味】甘辛苦溫。無毒。

【功用】氣味俱薄。陽也。升也。氣清而浮。手太陰之藥。入足太陽經。兼手足少陰陽明。黃芩爲之佐。厚朴白薇爲之使。惡辛夷石葶。專司冬令寒邪。去苦中寒氣。泄衛中風熱。解肌發表出汗。若表虛自汗。陰虛盜汗。肺虛者。有熱多痰欬嗽。以致鼻塞。及平日陽虛腠理不

密之人。脈浮弦澹。大沉微細弱。及伏匿者。法所同戒。凡服麻黃。須謹避風。不爾。病復發難療。

【主治】中風傷寒頭痛。溫瘧發表出汗。去邪熱氣。止效逆上氣。除寒熱。破癥堅積聚。五藏邪氣。緩急風痙痛。孕乳餘疾。止好唾。通腠理。解肌洩邪惡氣。消赤黑斑毒。不可多服。令人虛。治身上毒風。癢痺。皮肉不仁。主壯熱溫疫。山嵐瘴氣。通九竅。調血脈。開毛孔。去苦中寒熱。泄衛中風熱。散赤目腫痛。水腫風腫。產後血滯。『根節』止自汗。盜汗。虛汗。夏月雜粉撲之。○牡蠣粉粟粉俱等分爲末。生絹囊盛貯撲。手摩之。汗止。效如影響。

木賊宋嘉祐

【釋名】此草寸寸有節。面糙澀。治木骨者。用之磋擦。則光澤。猶云木之賊也。

【各方記述】叢叢直上。長者二三尺。狀似堯莖苗。及粽心草。而中空有節。又似麻黃莖。而稍粗無枝葉。

【辨別道地】和產可用。夏月採之。陰乾。

【修治】水洗去節。剉焙用。

【氣味】甘苦微溫。無毒。

【功用】陽中之陰。升也。母也。入足厥陰少陽經血分。與

麻黃同形同性。故亦能發汗解肌。得牛角脰麝香。治休息久病。得禹餘糧當歸芎藭。治崩中赤白。得槐蠟桑耳。治腸風下血。得槐子枳實。治痔疾出血。若目疾由怒氣。及熱傷血。暴赤腫者。非其所任。

【主治】目疾退翳膜。消積塊。益肝膽。療腸風。止痢。及婦人月水不斷。崩中赤白。解肌止淚止血。去風濕疝痛。大腸脫肛。

燈心草宋開寶

【釋名】直穰可燃燈。故名。『虎鬚草』『碧玉草』二名。因形以名。

【各方記述】生澤地。叢生莖圓細而長。蒸熟待乾。折取中心。白穰燃燈者。是謂熟草。又有不蒸者。生乾刺取爲生草。入藥宜用生草。

【辨別道地】和產可用。今人用燃燈草料者。入煎湯。而不拘生熟。或剉敗席以用之。皆不可。宜自採擇。

【修治】燈心難研。以梗米粉漿染過晒乾研末。入水淘之。淨者是燈心也。晒乾用。

【氣味】甘辛微寒。無毒。

【功用】陽也。入手少陰太陽經。清心必用。夜不合眼。煎湯代茶飲。即睡。衄血不止。一兩爲末。丹砂一錢。米飲

服效。虛脫人及中寒小便不禁者，勿服。

【主治】五淋生瘻服之，敗席瘻服更良。瀉肺治陰竅滯不利，行水除水腫癰閉，治急喉痺，燒灰塗乳上，飼小兒止夜啼，降心火，止血，通氣散腫，止渴，燒灰入輕粉，麝香治陰疳。

生熟地黃本經上品

【釋名】生者以水浸驗之，浮者名天黃，半浮半沉者名人黃，沉者名地黃。『芊』以沉下珍爲貴，故字從下。『芑』音起，草名。『地髓』稱贊之名。

【各方記述】其苗初生，塌地如山白菜而毛滴，葉面深青色，又如小芥葉，而頗厚不叉了，葉中微莖上有細毛，莖梢開小筒子花，紅黃色，結實如小麥粒，根長四五寸，細如手指，皮赤黃色，如半蹄根，及胡蘿蔔根，曝乾乃黑。

【辨別道地】和產爲夏，近世山城大和多種出之。

【修治】『生地黃』採得即用者爲生，晒乾收者爲乾，以法制過者爲熟，今稱『生地黃』者，『乾地黃』也。其製酒浸則上行外行，姜汁浸則不膩腸，忌銅鐵器，令人腎消髮白，男損營，女損衛。『熟地黃』用砂鍋柳甑窺以荷葉，將生地黃酒潤，用縮砂仁粗末，拌

蒸，蓋覆極密，文武火蒸半日，取起晒極乾，如前又蒸

九次爲度，令中心透熟純黑，乃佳。一法地黃堅實者，晒乾，以手摩之有聲爲度，好酒拌勻，置瓷甕內，包固重湯煮一晝夜，名熟地黃，然終不及前法。○松岡先生曰：諸家本草有九蒸九曝之說，是因襲道家黃九之胡說，如法蒸之，則氣味俱脫，不堪用。明蕭萬興之所說尤爲詳，敘正論云：製煉之要，其地黃大者，須蒸晒至十餘次，劈開中有黑油如堅玉，氣味甘香者方可用，勿拘九數也，亦不必用酒潤過方蒸，蓋酒經蒸晒，則成酸酢之味，不爲佳候，臨用時先一夜切碎如荳大，以酒潤之，次早略蒸片時，使兩物勻和，酒氣尚存，藥氣益香，動與胃合，易于運行，此醫教炮製之微義，不可不留心也。『地黃爲末』地黃九蒸搗爛，以山藥末和爲餅，再曝之一曝即末矣。

【氣味】『生地黃』甘寒，『熟地黃』甘苦微溫。

【功用】『生地黃』氣薄味厚，沉而降，陰也，入手足少陰厥陰，及手太陰足太陰經，得清酒門冬夏，惡貝母，畏蕪荑，葱蒜蘿蔔俱忌。凡產後惡食作瀉，雖見發熱，惡露作痛，不可用，誤用泄不止，胃氣者，後天元氣之本也，胃困則飲食不運，精血不生，虛熱何自而退，凡見此，宜多加炮姜桂心人參，若陰虛咳嗽，內熱骨蒸，

或吐血等候。一見脾虛。大便秘。或天明。腎泄。痰凝氣鬱。升降窒塞者。宜通而不宜滯。禁用之。『熟地黃』味厚氣薄。陰中之陽。沉也。入手足少陰厥陰之經。忌蘿蔔葱蒜諸血。得丹皮當歸。按熱較生。則經製煉而其效雖勝。其性本寒。其質本潤。胃虛氣弱人而施之。反致胸膈痞悶。飲食減少。以至變症百出。用之者。宜詳審焉。

【主治】『生地黃』傷中逐血。痺。填骨髓。長肌肉。作湯除熱。積聚。除痺。療折跌絕筋。主男子五勞七傷。女子傷中。胞漏下血。破惡血。漏血。利大小腸。去胃中宿食。飽力斷絕。補五藏。內傷不足。通血脈。益氣力。利耳目。助心膽氣。強筋骨。長志。安魂定魄。消驚悸。勞劣。心肺損吐血鼻衄。婦人崩中血暈。產後腹痛。涼血生血。補腎水。真陰。除皮膚燥。去諸濕熱。主心病。掌中熱痛。脾氣痿痺。嗜臥。足下熱而痛。治齒痛。唾血。『熟地黃』填骨髓。長肌肉。生精血。補五藏。內傷不足。通血脈。利耳目。黑髮。男子五勞七傷。女子傷中。胞漏。經候不調。胎產百病。補血氣。滋腎水。益真陰。去腦腹急痛。病後腰股酸痛。坐而欲起。目眩。無所見。

牛膝 本經中品

【釋名】其莖有節。似牛膝。故名。『牛莖』同上。『百倍』其滋補之功。如牛之多力。『山萸菜』其葉如萸。『對節菜』其節對生。

【各方記述】其苗方莖。暴節。葉皆對生。頗似萸菜而長。且尖。輪。秋月開花作穗。結子狀如小鼠有蟲。負瘤毛。皆貼莖倒生。

【辨別道地】和漢俱皆真。揀用長大柔潤者。近年和州種出之。形狀似野生者。則長大。可入藥用。野生者。本草所謂土牛膝。不堪服食者也。

【修治】去蘆頭。欲下行生用。滋補焙用。或酒拌蒸過用之。

【氣味】甘酸平。無毒。

【功用】氣薄味厚。陰也。降也。入足厥陰經。惡螢火龜甲陸英。畏白前。忌牛肉。其性能降。而不能升。故主用炙在下部。上焦藥中勿入。血崩不止者。氣虛下陷者。失遺精者。若膝不能立。與能屈而不可伸者。亦忌之。

【主治】寒溫痿痺。四肢拘攣。膝痛不可屈伸。逐血氣。傷熱火爛。墮胎。療傷中少氣。男子陰冷。老人失溺。除腰脊痛。婦人月經不通。血結。治陰痿。補腎助十二經脈。逐惡血。治腰膝軟怯。冷弱。破癥結。排膿止痛。產後心腹并血運。落死胎。強筋補肝。風虛同從容。浸酒服。

益腎。竹木刺入肉。嚼爛。置之。即出。治久癰寒熱。五淋。尿血。莖中痛。下痢喉痺。口瘡齒痛。癰腫惡瘡。傷折。

紫苑本經中品

【釋名】苑軟也。其色紫而柔宛。故名。『青苑』『紫苑』

『返魂草』『夜牽牛』諸名未詳。

【各方記述】其生布地。花紫色。本有白毛。形如重臺。根作節。紫色。潤軟有白者。名曰苑。即女苑也。無紫苑時用之。

【辨別道地】和漢俱真。可用。

【修治】去頭鬚。洗淨焙用。或治痰嗽。須酒洗。

【氣味】苦辛微溫。無毒。

【功用】陽中之陰。可升可降。入手太陰。兼入足陽明。款冬為之使。惡天雄。蠶麥。本雷丸。遠志。畏茵陳。治纏喉風。喉閉神效。觀其能開喉痺。取惡涎。則辛散之功烈矣。而其性溫。肺病效逆喘嗽。皆陰虛肺熱證也。不宜專用。及多用。即用亦與天門冬。百部。麥門冬。桑白皮。苦寒之藥參用。則無害。

【主治】欬逆上氣。胸中寒熱結氣。去蠱毒。癰瘰。安五藏。療欬唾膿血。止喘悸。五勞七傷。補不足。小兒驚癇。治尸疰。補虛下氣。勞氣虛熱。百邪鬼魅。調中消痰。止渴。

潤肌膚。添骨髓。益肺氣。主惠實。

麥門冬本經上品

【釋名】根似精麥。故名。『蠶冬』俗作門冬。便干字。麥

鬚曰蠶。此草根似麥而有鬚。『羊韭』『禹韭』其葉如韭。『禹餘糧』可以服食。斷穀故名。『忍冬』『忍凌』『不死草』以上諸名。凌冬不凋。故名。『階前草』

【各方記述】麥門冬。有大葉小葉。其小者。如韭。大者如建蘭。長及尺餘。四季不凋。根黃白色。有鬚根。如連珠。四月開淡紫花。其實圓碧如珠。

【辨別道地】和有大小二種。大小功用相同。而葉大者。根最肥大。味甘可入藥。

【修治】以滾水潤濕。少頃抽心。或以砂鍋焙乾。藥熱去心。不爾。令人煩。若以水浸多時。去心則柔矣。然氣味都盡。用之不効。天門冬亦然。畏其寒者。以酒浸用。

【氣味】甘平無毒。

【功用】陽中微陰。降也。入手太陰。少陰經。地黃車前為之使。惡款冬。苦瓠。畏苦參。木耳。伏龍乳。門冬之甘潤。肺除熱。其性寒。雖主脾胃。而虛寒泄瀉。及瘡瘻虛寒作泄。產後虛寒泄瀉者。咸忌之。

【主治】心腹結氣。腸中傷飽。脈絕羸瘦。短氣。癯身重目黃。心下支滿。虛勞客熱。口乾燥渴。止嘔吐。愈痿躄。強陰益精。消穀調中。保神。定肺痿。安五藏。令人肥健。美顏色。有子。去心熱。止煩熱。寒熱。下痰飲。止嗽。吐膿。時疾熱狂頭痛。治熱毒。大水面目肢節浮腫。下水主泄精。治肺中伏火。補心氣不足。主血妄行。及經水枯。乳汁不下。和車前地黃丸服。去濕痺。

款冬花 本經中品

【釋名】款者。至也。至冬而花。故名。『款凍』。『款冬』。『氏冬』。『鑽凍』。百草中唯此不願冰雪。最先春。故有此諸名。『菟葵』未詳。『葉吾』松岡先生曰。按款冬葉吾。自是二物。混爲一物者。綱目之誤矣。『虎鬚』以形名。

【各方記述】莖青微帶紫色。葉似葵葉。甚大而叢生。又似石胡蘆。葉頗圓。開黃花。根紫色。

【辨別道地】和產可用。以生山中者爲良。園產不堪用。入藥以半開者爲佳。如花已開。則無氣力。臘末春初。可採收之。

【修治】擇未舒嫩蕊。去向外裏殼。甘草水浸晒乾。

【氣味】辛溫。無毒。

【功用】純陽。入手太陰經。杏仁爲之使。得紫苑夏。惡皂莢。治石玄參。畏貝母。辛夷。麻黃。黃芪。黃芩。連翹。青葙。然雖畏貝母。得此反畏。物有相制故也。款冬古今方用之。爲治嗽要藥。以其辛溫散而能降。無分寒熱虛實。皆可施用。

【主治】欬逆上氣。善喘。喉痺。諸驚癇。寒熱邪氣。消渴喘患。呼吸。療肺氣促急。熱勞欬連連不絕。綿唾稠粘。肺痿肺癰。吐血。瀉心。肺益五藏。除煩。消痰。洗肝明目。及中風等疾。

瞿麥 本經中品

【釋名】麥之穗。旁生謂之瞿。子頗似麥。故也。又曰。瞿瞿然而高尺餘。作穗。似麥故名。『巨句麥』。『大菊』。『大瞿』。『石竹』。『南天竺草』。以上諸名未詳。

【各方記述】一莖生細葉。花紅紫赤色可愛。合子葉刈取之。『石竹』葉似地膚。而尖小。又似初生小竹。葉而細窄。其莖纖細有節。高尺餘。梢間開花。畏野生者。花大如錢。紅紫色。人家栽者。花稍小。而嫵媚有細白粉。紅紫赤斑。爛數色。俗呼爲洛陽花。結實如燕麥。內有小黑子。

【辨別道地】和產原野者真可用。瞿麥石竹。功用相同。

和有一種，稱波摩那。天志古者，生山野，一莖數枝，葉圓而厚，不似薺麥。枝頭攢開紫花，似蘿蔔花，結實真如薺麥。藥肆雜此物而售之，頗難分辨。而今雜薺麥以用之，有其效，則亦薺麥之類也。

【修治】去莖葉，採實，炒用。

【氣味】苦寒，無毒。

【功用】陽中微陰，入足太陽經。牡丹爲之使，惡蜈蚣。伏丹砂，氣味苦寒，療辛，性猛利，善下逐。凡腎氣虛，小腸無大熱者，忌之。胎前產後一切虛人，患小水不利，法並禁用水腫蠱脹，脾虛者，不得施。

【主治】關格諸癰結，小便不通，刺決癰腫，明目去翳，破胎墜子，下閉血，養腎氣，逐膀胱邪逆，止霍亂，長毛髮，主五淋，月經不通，破血塊排膿。○『藥』主治：痔瘻，并瀉血，作湯粥食，又治小兒蛔蟲，及丹石藥發，并眼目腫痛，及腫毒，搗傳，治浸淫瘡，并婦人陰瘡。

薺麥本經下品

【釋名】薺，定也。歷，瀝也。行也。能定肺喘而行水，故名。『丁歷』『草薺』『草音曲』『大室』『大通』『大適』『狗薺』以上名義不解。

【各方記述】初春生苗，葉高六七寸，似薺根白色，枝莖

俱青。三月開花，微黃，結角子，扁小如黍粒，微長黃色。松岡先生曰：正二月，薺花春老根枯，須早收，遲則實脫，形狀似薺，而細小，花黃，結角如米粒，葉有寸茸，但苦味少，漢來一種，有極苦者，此真苦薺。本草謂其苦微者是也。

【辨別道地】薺有甜苦二種，其形則一也。經既言味辛苦，即甜者不復更入藥也。和產苦味少者，所謂甜薺也，宜擇用。

【修治】酒潤炒，或糯米拌，微火略焙，米熟去米用。

【氣味】苦辛大寒，小毒。

【功用】氣味俱厚，沉也。陰中陽，入手太陰少陰，亦入手陽明足太陰太陽經，榆皮爲之使，得酒良。惡白蠟蠶，宜大寒，其性急，逐水殊動真氣，稍涉虛者，宜痛戒之。有甜苦二種，甘者下泄之性緩，雖泄肺而不傷胃，故形瘦體輕者宜之。苦者下泄之性急，泄肺而易傷胃，當以大寒輔之。壯人體重者宜之，凡體滿由于脾虛，及真陰不足之人，咸不可服。

【主治】癰疽積聚，結氣，飲食，寒熱，破堅逐邪，通利水道，下膀胱水，伏留熱氣，皮間邪水，上出面目浮腫，身暴中風熱，癰癰，利小腹痛，療肺壅上氣欬嗽，止喘促，除胸中痰飲，通月經。

車前子 本經中品

【釋名】此草好生道邊及牛跡中，故名車前。『當道』、『馬馬』、『牛遺』義同上。『牛舌』幽州人呼之。『蝦蟆衣』蝦蟆喜藏伏于下，故名。『車輪菜』以形狀名。『地衣』神仙服食經曰：車前一服之形化。『茱萸』韓氏外傳直曰：車前曰茱萸。莖毛詩作莖。

【各方記述】春初生苗，葉布地如匙面。累年者，長及尺餘，中抽數莖，作長穗，如鼠尾，花甚細密，青色，微赤，結實如葶藶，赤黑色。五月取苗，七八月採實。

【辨別道地】和產有大小二種，葉大穗長者為良。名之朝鮮車前。小葉者，亦功用相同。

【修治】淘淨，曬乾，入湯液炒過，用入丸散，酒浸一夜，蒸熱研爛，作餅，曬乾焙用。

【氣味】甘寒，無毒。

【功用】陽中之陰，降也。入手太陰，足少陰厥陰經，常山為之使。若內傷勞倦，傷氣下陷之病，皆不可用。

【主治】氣癰止痛，利水道，小便除濕，男子傷中，女子淋瀝，不欲食，養肺強陰，益精明目，瘰癧赤痛，去風毒，肝中風熱，毒風衝眼，赤痛障翳，腦痛，瘰癧出，壓丹石毒。

去心胸煩熱，養肝，治婦人難產，導小腸熱，止暑濕瀉痢。

連翹 本經下品

【釋名】似蓮作房，翹出衆草，故名。『蓮』本名連，又名異翹，合稱為連翹。『異翹』同上。『車蓮子』乃小翹。『蘭華』、『三廉』義未詳。『連翹』翹根也。『竹根』義未詳。

【各方記述】此物有大小兩種，大翹枝梗，楊起高丈餘，春初開四瓣黃花，結實小翹，則子稍少矣。小翹枝條柔軟而下垂，如楊柳，花葉并實，俱一樣。八月採實。

【辨別道地】和產大小俱真，可用。

【修治】去蒂，藥任用，嚼口者佳，開瓣者不堪用。

【氣味】苦寒，無毒。

【功用】氣味俱薄，輕而浮，升也。陽也。入手足少陽、手陽明，又入手少陰經，其用有三：瀉心經客熱，去上焦諸熱，及瘡家聖藥，然癰疽已潰，及火熱由于虛者，脾胃

薄弱，易作泄者，多用即減食，有寒中之患。

【主治】寒熱風癰，瘰癧癰腫惡瘡，癰疽結熱，蠱毒，去白蟲，通利五淋，小便不通，除心家客熱，通小腸，排膿治瘡癰，止痛，通月經，散諸經血結氣聚，消腫，瀉心火，除

脾胃濕熱。治中部血證。以爲使治。耳聾。渾渾渾渾。

蒺藜本經上品

【釋名】蒺。疾也。藜。利也。其刺傷人甚疾利。故名。『茨』詩云。牆有茨。不可掃。乃是也。『旁通』。『屈父』。『止行』。以下名義。皆因傷人也。『休羽升推』。二名未詳。

【各方記述】葉如初生皂莢。整齊可愛。刺蒺藜狀如赤根菜。子如細菱。三角四刺。實有仁。『白蒺藜』。結莢長寸許。內子大如脂麻。狀如羊腎。而帶綠色。今人謂之炒蒺藜。

【辨別道地】和產真可用。炒地海濱。布地蔓生。子有刺。形如菱實而小。白蒺藜葉似合歡而無刺。結莢子如豆。

【修治】揀淨炒去刺用。

【氣味】苦辛甘溫。無毒。白蒺藜甘溫無毒。

【功用】入手太陰足厥陰少陰經。其性行。故積聚乳癰之症皆治之。白蒺藜性能固精。命門火熾。陽道數舉。交媾精不得出者。勿服。

【主治】惡血。破癰積聚。喉痺乳癰。久服長肌肉。明目。身體風痺。頭痛。欬逆傷肺。止癢止煩。下氣。小兒頭瘡癰。

腫。陰癰。可作摩粉。治諸風癰瘍。癰吐膿去燥熱。治奔豚腎氣。肺氣。胸膈滿。催生墮胎。益精。療水臌冷。小便多。止遺瀝。泄精。溺血。腫痛痔漏。陰汗。婦人發乳帶下。治風秘及蚊蟲心腹痛。『白蒺藜』。『主治』補腎治腰痛。泄精虛損勞乏。

海人金砂宋嘉祐

【釋名】其色黃如細砂。謂之海者。神異也。或云形類海底黃砂。故名。『竹園瑩』。其莖引竹上。其葉如荃故名。

【各方記述】其莖引于竹木上。線莖細葉可愛也。至六七月葉漸細。背多皺紋。生砂子。狀如蒲黃。收其有皺文葉晒乾。以紙襯承。其砂子落紙上。用其砂及草。皆可入藥。

【辨別道地】和漢俱有之。按之而不粘者爲真。和產者形狀如本草所說。七月采撒紙上乾用。

【修治】勿令見火。

【氣味】甘寒。無毒。

【功用】入手太陽足太陽經。小腸膀胱血分之劑。得梔子馬牙硝蓬沙。療傷寒熱狂。或丸或散。按海金砂從陰而無補益。小便不利。及諸淋由于腎水真陰不足。

者勿服。

【主治】通利小腸。治濕熱腫滿。小便熱淋。膏淋。石淋。壅痛。解熱毒氣。及痘瘡變黑。煎酒傳其身。即發起。

大黃 本經下品

【釋名】塊大色黃。故名。『黃夏』黃稱色。夏稱效。『將軍』推陳致新。如戡定禍亂。以致太平。所以有將軍之號。『火參』『膚如』義未詳。

【各方記述】葉子莖並似半蹄。但莖高六七尺而脆。味酸。堪生啖。葉粗長而厚。根紅者。亦似宿半蹄。大者乃如盤。長二尺。其性濕潤。而易蛀壞。

【辨別道地】和漢俱有之。和產二種。藥肆今稱大和者為夏。今大和山城丹後諸州皆有之。以紫地錦文者為佳。舊者多以半蹄草根假之。不可不細認也。松岡先生曰。藥家稱穿眼者真也。稱片者非真。乃半蹄根也。一種有大葉者。名土大黃。功同半蹄。

【修治】凡用有生有熟有蒸。不得一概用。欲下行者生用。邪氣在上者。必須酒浸。引上至高。驅熱而下。酒浸入太陽經。酒洗入陽明經。餘經不用酒。

【氣味】苦寒。無毒。

【功用】氣味俱厚。沉而降。陰也。入足太陰。兼入手足陽

明厥陰經血分。黃芩為之使。忌冷水。惡乾漆。性峻利。猛烈。長驅直搗。苟非血分熱結。六脈沉實者。切勿輕用。凡停留便閉。由于血少腸燥。而由于熱結。中氣不運。不由于飲食停滯。女子少腹痛。不由于經阻。諸如此類。不可誤投。戒之慎之。

【主治】下瘀血。血閉。寒熱。破癥瘕積聚。留飲宿食。蕩滌腸胃。推陳致新。通利水穀。調中化食。安和五藏。平胃下氣。除痰實腸間結熱。心腹脹滿。女子寒血閉脹。小腹痛。諸老血留結。通女子經候。利水腫。利大小腸。貼熱腫毒。小兒寒熱時疾。煩熱。鉉腹。通利一切氣。調血脈。利關節。泄壅滯。水氣。溫瘴熱。瘧瀉。諸實熱不通。除下焦濕熱。消宿食。瀉心下痞滿。下痢赤白。裏急腹痛。小便淋瀝。實熱譫語。黃疸諸火瘡。

常山 本經下品

【釋名】因生常山道中。故名。『蜀漆』生蜀中。常山苗也。採時莖內有汁。如漆故名。『互草』『鷄屎草』『鴨屎草』三名義未詳。

【各方記述】生山谷間。莖圓有節。高者不過三四尺。葉似茗而狹長。兩兩相當。二月生白花。青萼。五月結實。青圓三子為房。其草暴燥色青白。堪用。若陰乾便黑。

爛壞矣。

【辨別道地】和漢俱用之。形如鷄骨色。如鷄子黃者佳。五月採葉陰乾。名蜀漆。和人以阿膠佐伊。充蜀漆。以截瘧。試之多得效。亦常山種類也。

【修治】酒浸一宿。切薄片。漫火炒透。又有醋製者。吐人。

【氣味】苦寒。有毒。『蜀漆』辛平。有毒。

【功用】入足厥陰經。長玉札。即玉屑。葱菜。及崧菜。伏砒石。生則上行。必吐。得甘草亦吐。酒蒸炒熟。則氣稍緩。得大黃則利。得烏梅山甲入肝。得小麥竹葉入心。得秫米麻黃入肺。得龍骨附子入腎。得草薢檳榔入脾。醋製亦作吐。忌鷄肉茶葱菜。服此藥勿滾熱下咽。必露冷過宿纔服。年老久病人及形瘦挾虛者全忌。『蜀漆』桔梗栝樓爲使。惡黃芩。

【主治】傷寒寒熱。熱發溫瘧。鬼毒。胸中痰結。吐逆。瘰癧。蟲往來。水發。洒洒惡寒。鼠瘻。治諸瘧吐痰涎。治項下瘰癧。『蜀漆』『主治』瘧及欬逆。寒熱腹中癥堅痞。積聚邪氣。蟲毒鬼注。瘰癧中邪結氣。吐去之。治鬼瘧多時。溫瘧寒熱。下肥氣。破血。洗去腥。與苦酸同導膽邪。

附子 本經下品

【釋名】其母名烏頭。附母而生。故名。

【各方記述】松岡先生曰。漢可用。和雖有。不知培養製法。惟栽人家庭際。稱烏頭。翫花而已。花史所謂。附子。菊。又名鴛鴦菊。有紫花者。白花者。或蔓生者。共草烏頭也。種植採收之法。詳見楊天惠彰明附子記。

【辨別道地】一兩以上。矮而孔節稀者佳。李中立曰。市肆售者。有以鹽水浸之。取其潤濕體重。買者。當以體乾堅實。頂圓正底平者。爲良。

【修治】生用。去皮臍。熟用。以水浸過。炮令皺摺。去皮臍。切片炒黃色。去火毒。用。或重便浸一日。去皮切作四片。童便及濃甘草湯同煮。汁盡爲度。烘乾。蓋生用則發散。熟用則峻補。各可從其製也。

【氣味】辛溫。無毒。

【功用】氣厚味薄。可升可降。陽中之陰。母中沉。無所不至。爲諸經引用之藥。地膽爲使。惡蜈蚣。畏防風黑豆。甘草人參黃耆菴豆烏韭。童便犀角。忌豉汁。得蜀椒食鹽。下補命門衰敗之火。投之陽虛之候。肺腎本無熱證者。參尤無功。必加附子。服之即能起死。用之陰虛陽旺之人。形瘦脈數者。下咽遂不可救矣。

【主治】風寒欬熱邪氣。寒溫腰臂拘攣。膝痛不能行步。破癥堅。積聚。血瘕。金瘡。腰脊風寒。脚氣痿冷。心腹冷。

痛。霍亂轉筋。下痢赤白。溫中強陰。堅肌膚。又墮胎。爲百藥長。溫暖脾胃。除脾濕腎寒。補下焦之陽虛。除藏府沉寒。三陽厥逆。濕淫腹痛。胃寒蟄動。治經閉。補虛散寒。督脈爲病。脊強而厥。治三陰傷寒陰毒。寒疝。中寒。中風痰厥。氣厥。柔痙癰瘡。小兒慢驚。風濕麻痺。腫滿脚氣。頭風腎厥。頭痛暴瀉。脫陽。久痢。脾泄。寒瘧。瘴氣。久病嘔噦。反胃噎膈。癰疽不斂。久漏冷瘡。合葱熨塞耳治聾。

川烏頭

【釋名】產川蜀綿州龍州者佳。故名。川烏頭其形似烏鳥之首。故以爲名。兩歧如鳥開口者。曰烏喙。亦取其似也。皆因象命名。

【各方記述】烏頭即附子之母也。與附子同根。春末生子。故曰春采爲烏頭。冬則生子已成。故曰冬采爲附子。生子多者。一年傳之。即有此數物也。其原種之母莖。枯則朽腐。子在土中。於冬初其苗已萌生。故收采當在八九月間。不爾。雖有遺得者。全不堪用。

【辨別道地】形如魁芋。項未圓。止爲別。

【修治】製忌同附子。

【氣味】辛熱。有毒。

【功用】浮也。陽中之陽也。入足太陰少陰經。功同附子。只稍緩耳。但附子性重滯。溫脾逐寒。此則性輕疏。溫脾去風。大抵寒症用附子。風症用烏頭。然皆是補下焦藥也。

【主治】散風痺。血痺。治半身不遂。祛積冷寒痛。逐風痰。風癰。助陽退陰。破堅除濕。

白附子別錄下品

【釋名】因附子相似。故得此名。實非附子類也。

【各方記述】獨莖似鳳尾草。細葉周匝。生於穗間。根形似天雄。

【辨別道地】漢來者。但一種。真而無偽。和產亦真也。

【修治】炮去皮臍用。

【氣味】辛大溫。大毒。

【功用】陽也。升也。入足陽明經。純陽引藥勢上行。其性燥。似中風症。雖有痰。亦禁用。小兒慢驚風。勿服。吳佩賢說。慢驚勿服。本綱附方載慢脾驚風治驗。每遇慢驚用之。而屢得效。兩說相矛盾。未知孰是。予從本草。【主治】心痛血痺。面上百病。行藥勢。中風失音。一切冷風氣。面肝癰疽。諸風冷氣。足弱無力。疥癬風瘡。陰下濕痒。頭面瘰。入面脂用。補肝。風虛風痰。

天南星 宋開寶

【釋名】本經所謂虎掌也。虎掌因葉形似之。非根也。南星因根圓白。形如老人星。『虎掌』。『鬼蒟蒻』。二名以形名。

【各方記述】處處平澤有之。二月生苗。似荷梗。其莖高一尺以來。葉似蒟蒻。兩枝相抱。五月開花。似蛇頭黃色。七月結子。作穗似石榴子。紅色。二月八月采根。似芋圓扁。與蒟蒻相類。

【辨別道地】和產可用。又有形狀相似不真者。採藥者宜擇之。

【修治】去皮臍。入器中湯浸五七日。日換三四遍。去涎暴乾用。或火炮裂用。或以皂莢白礬生薑水。水煎過用。造膳南星法。以南星研末。臘月取黃牯牛膽汁。和納入膽中。懸風處乾之。年久者彌佳。方書謂之牛膽南星。卽此是。若倉卒不能得此。以生薑湯多炮六七次。殺去毒。堪用。但其性猶烈耳。

【氣味】苦辛溫。有毒。

【功用】陰中之陽。可升可降。入手太陰。又入足厥陰。太陰經。畏附子。乾姜。生薑。蜀漆爲之使。惡莽草。得防風則不麻。得牛膽則不燥。得火炮則不毒。生能伏雄黃。

丹砂。煅。此物大溫燥烈。與半夏之性同。而毒過之。故亦善墮胎也。西北人非真中風者勿服。陰虛燥痰。在所禁忌。

【主治】心痛。寒熱。結氣。積聚。伏梁。筋癭。拘攣。利水道。除陰下濕。風眩。主疝瘕。腸痛。傷寒時疾。強陰。主中風。麻痺。除痰下氣。利胸膈。攻堅積。消癰腫。散血。墮胎。金瘡。折傷瘀血。搗傳之。蛇蟲咬。疥癬惡瘡。去上焦痰。及眩暈。主破傷風。口噤身強。補肝風虛。治痰。功同半夏。治驚癇。口眼喎斜。喉痺。口舌瘡。瘰癧。結核。解蠱。

半夏 本經下品

【釋名】禮月令。五月半夏生。蓋當夏之半也。『守由』。當夏之半故名。『水玉』。因形以名。『地文』。『和姑』。名義未詳。

【各方記述】二月生苗。一莖。莖端三葉。淺綠色。頗似竹葉。五月八月采根。以灰裹二日。湯洗暴乾。

【辨別道地】和產不擇處而生。一種稱大半夏者。其根塊極大。葉亦闊大。有紋縷。且光。是由跋而南星一種。非半夏也。不可混用。以肉白爲佳。不厭陳久。

【修治】揀肥大而白者。洗去皮垢。以水浸五日。每日換水。去爛眼。乾切片。姜汁拌焙。入藥。或製半夏一斤。以

生薑一斤。切片拌半夏。加水以煮熟。剉以無白星爲度。去姜。晒乾。炒用亦可。治火痰。以姜汁竹瀝。治寒痰。以姜汁礬湯。入白芥子末和之。風痰。姜汁皂角煮汁和之。『造半夏麴法』以半夏洗淨。湯泡去衣垢。研細。以姜汁礬湯和作餅。楮葉包裹。待生黃衣。去葉晒乾用。

【氣味】辛平。有毒。

【功用】氣味俱薄。沉而降。歸中陰也。入手少陰太陰陽明經。亦入足太陰陽明少陽經。射干柴胡爲之使。曼雄黃生薑乾姜秦皮龜甲及烏頭。惡皂莢。忌羊血海藻飴糖。熱痰佐以黃芩。風痰佐以南星。寒痰佐以乾姜。痰痞佐以陳皮白朮。多用則瀉。脾胃諸血症。及口渴者。禁用。爲其燥津液也。孕婦忌之。用生薑則無害。

【主治】傷寒寒熱。心下堅。胸脹欬逆。頭眩。咽喉腫痛。腸鳴下氣。止汗。消心腹胸膈痰熱滿結。欬嗽上氣。心下急痛堅痞。時氣嘔逆。消癰腫。療瘰癧。悅澤面目。墮胎。消痰下肺氣。開胃健脾。止嘔吐。去胸中痰滿。生者摩癰腫。除癰瘰癧。治吐食反胃。霍亂轉筋。腸腹冷痰瘕。治寒痰。及形寒飲冷傷肺而欬。消胸中痞。膈上痰。除胸寒。和胃氣。燥脾濕。治痰厥頭痛。消腫散結。治眉稜骨痛。補肝風虛。除腹脹。目不得瞑。白濁。夢遺。帶下。

五味子 本經上品

【釋名】皮肉甘酸。核中辛苦。都有鹹味。此則五味具也。『荳蔻』音知除。『玄及』。『會及』。名義未詳。【各方記述】春初生苗。引赤蔓於高木。其長六七尺。葉尖圓似杏葉。三四月開黃白花。類蓮花狀。七月成實。叢生莖端。如豌豆許大。生青熟紅紫。入藥生曬不去子。

【辨別道地】以朝鮮爲上。以漢爲中。以和爲下。方書所謂北五味子。遠五味子。皆謂朝鮮產也。和產者。本草所謂南五味子也。時珍曰。五味子。今有南北之分。南產者色紅。北產者色黑。入滋補藥。必用北產者。乃夏。【修治】入補藥。蜜蒸熟。再以泔水浸焙乾用。入嗽藥生用。連核入藥。

【氣味】酸甘。辛苦。鹹溫。無毒。

【功用】味厚。氣輕。陰中微陽。入手太陰血分。又入足少陰氣分。從容爲之使。惡萎蕤。勝烏頭。功用雖多。總之收肺保腎四字盡之。肺家實熱有火鬱者。禁用。

【主治】益氣。欬逆上氣。勞傷羸瘦。補不足。強陰。益精。養五臟。除熱生陰。治中下氣。止嘔逆。補虛勞。令人體悅澤。明目。暖水藏。壯筋骨。治風消食。反胃。霍亂轉筋。痲

癰。奔豚冷氣。消水腫。心腹氣脹。止渴除煩熱。解酒毒。生津。治瀉痢。補元氣不足。收耗散之氣。腫子散大。治喘效燥嗽。壯水鎖陽。

栝樓仁一本經中品

【釋名】栝，懸栝也。樓，兼斂也。言包斂其子在內。白如栝囊也。『果贏』音轉也。『瓜蒌』。『天瓜』。『黃瓜』。

『地樓』皆依音象形以名。『澤姑』義未詳。

【各方記述】所在有之。三四月生苗。引藤蔓葉如甜瓜葉而窄。作叉有細毛。七月開花。似壺蘆花。淺黃色。結實在花下。大如拳。生青。至熟赤黃色。其形有正圓者。有銳而長者。功用皆同。根亦名『白藥』。皮黃肉白。

【辨別道地】和產有二三種。藥舖栝樓仁。王瓜子混而一之。宜子細辨其殼中子似栝核者。乃栝樓也。如螳螂頭者。乃王瓜也。藥舖稱栝核樣奴女樣者佳矣。

【修治】去殼皮草膜。及油。亦有不油。微炒者。王肯堂曰。肥大結實者。連子皮細切用。今人止用核仁非也。

【氣味】甘微寒。無毒。

【功用】味厚氣薄。陰也。入手太陰。同貝母。則開結痰。脾胃虛寒。作泄者。勿服。

【主治】胸脾。悅澤人面。潤肺燥。降火。治咳嗽。滌痰結。利

咽喉。止消渴。利大腸。消癰腫瘡毒。子炒用補虛勞。口乾。潤心肺。治吐血腸風。瀉血。赤白痢。手面皴。

天花粉圖經

【釋名】內有花文。天然而成。故名。『瑞雪』以白色名之。

【各方記述】栝樓根也。

【辨別道地】近來以黃瓜根製之。其功用大抵相同。藥肆稱幾志。幾志樣者。夏矣。

【修治】藥舖製售者。直用之。『製天花粉法』。秋冬采根。厚去皮。至白處。寸切之。水浸。一日一易水。經三五日。取出。搗如泥。以絹濾澄粉。曬乾用。

【氣味】甘苦微寒。無毒。

【功用】降也。陰也。入手少陰太陰經。枸杞爲之使。惡乾姜。畏牛膝。反烏頭。脾胃虛寒作泄者。勿服。

【主治】消渴。身熱煩滿。大熱。補虛安中。續絕傷。除腸胃中癰熱。癰疽身面黃。唇乾口燥。短氣。止小便利。通月水。治熱狂時疾。通小腸。消腫。乳癰發背。痔瘡瘰癧。排膿生肌。長肉。消撲損瘀血。

葛根一本經中品

【釋名】葛草也。藤皮可爲絛絡也。『難齊』義未詳。『鹿藿』鹿食九草。此其一種故名。『黃斤』未詳。

【各方記述】葛有野生。有家種。其莖延長。取治可作絛絡。其根外紫內白。長者七八尺。其葉有三尖。如楓葉面青。背淡。其花成穗。葉紫相綴。紅紫色。其莢如小黃豆莢。亦有毛。其子綠色。扁扁如鹽梅子。核生嚼腥氣。八九月采之。

【辨別道地】松岡先生曰。漢土植家園而用之。名之家葛。和邦皆野生。方書呼乾葛者。乃葛根。俗醫誤以乾葛爲葛粉。或取葛莖爲乾葛。俱皆誤也。不可不辨也。

【修治】去皮用之。今在藥舖者。素去皮。故洗水刻用。

【氣味】甘辛平。無毒。

【功用】氣味俱薄。輕而上行。浮而降。陽中陰也。入足陽明胃經。凡傷寒頭痛。兼項強。腰脊痛。及遍身骨疼者。足太陽也。邪未入陽明。故無煩躁。不宜服。五勞七傷。上盛下虛之人。暑月雖有脾胃病。不宜服。

【主治】消渴身大熱。嘔吐。諸痺。起陰氣。解諸毒。療傷寒中風。頭痛。解肌發表出汗。開腠理。療金瘡。止脇風痛。治天行上氣。嘔逆。開胃下食。解酒毒。治胸膈煩熱。發狂。止血痢。通小腸。排膿破血。傳蛇蠱瘡。殺毒箭傷。殺野葛巴豆百藥毒。生者隨胎。蒸食消酒毒。可斷殺不。

飢。作粉尤妙。作粉止渴。利大小便。去煩熱。壓丹石。傳小兒熱瘡。搗汁飲。治小兒熱瘡。獼狗傷搗汁飲。并末傳之。『葛花』。『氣味』甘平無毒。『各方記述』七月采之。『主治』消酒。治腸風下血。

天門冬 本經上品

【釋名】蔓冬。音門。草之茂者爲蔓。俗作門。此草蔓茂而功同麥門冬。故名。『顛棘』。『顛棘』。『天棘』。爾雅云。蔓棘也。因其細葉如棘。有細棘也。顛天音相近也。『葛藤』。『葛藤』。萬歲稱其性平。

【各方記述】處處有之。春生藤。蔓大如奴股。高至丈餘。葉如茴香。極尖細而疎。有逆刺。亦有縫而無刺者。其葉如絲杉而細散。夏生細白花。亦有黃色。及紫色者。秋結黑子。在其根枝旁。入伏後。無花暗結子。其根或黃紫色。大如手指。圓實而長二三寸。大者爲勝。一科一二十枚。

【辨別道地】和漢俱有焉。和一種蔓生。葉如絲杉。白花結實。

【修治】酒拌蒸。剝去皮。四破去心。曝乾用。

【氣味】甘微苦平。無毒。

【功用】氣薄味厚。陽中之陰。沉也。降也。入手太陰足少。

陰經氣分。垣衣地黃貝母爲之使。畏青。忌食鯉魚。饌食中毒者。以浮萍汁解之。陰虛水瀉。火起下焦。上炎于肺。爲痰喘者。誠爲要藥也。味苦氣寒。不利脾胃。陰虛之脾胃多弱。又以苦寒損其胃氣。以致泄瀉惡食。則危殆矣。故脾虛泄瀉惡食者。大非所宜。

【主治】諸暴風濕偏痺。強骨髓。殺三蟲。去伏尸。保定肺氣。去寒熱。養肌膚。利小便。冷而能補肺氣。救逆喘急。肺痿生癰。吐膿。除熱。通腎氣。止消渴。去熱中風。治濕疥。宜久服。養食之。令人肌體滑澤白淨。除身上一切惡氣。不潔之疾。鎮心潤五藏。補五勞七傷。吐血治嗽。消痰去風熱煩悶。主心病噬乾。心痛。渴而欲飲。痿痺嗜臥。足下熱而痛。潤燥滋陰。清金降火。陽事不起。宜常服之。

何首烏宋開寶

【釋名】因順州南河縣。何翁服之。白髮變黑。故稱。『交藤』。『夜合』。其藤蔓夜交合相聯。故名。『地精』。『陳知白』。名義未詳。『馬肝石』。漢武時有馬肝石。能烏人髮。故後人隱此名云。『桃柳藤』。以形名。『九真藤』。取根若獲九數者。服之乃仙。故名。『赤葛』。『瘡帶』。『紅內消』。赤者。消腫毒。外科呼爲瘡帶紅內消。

瘡帶紅內消。

【各方記述】春生苗。蔓延竹木牆壁間。莖紫色。葉葉相對。如薯蕷而不光澤。夏秋開黃白花。如葛勒花。結子有稜。似薯蕷而難小。纔如粟大。秋冬取根。大者如拳。各有五稜。瓣似小甜瓜。有赤白二種。赤者雄。白者雌。【辨別遺地】松岡先生曰。漢來者真也。和稱何首烏者。乃苦萎。而非真。本草所謂黃獨也。與真何首烏。功能迥別。不可用。其真何首烏。俗醫本草極贊美其功。因逞欲者。好單味服餌。多誤性命者。可不戒乎。予嘗疑此物。無益而有害。怪世人漫服。不知其中酷烈。苦澁之毒。及閱倪朱謨本草彙言。其說與予意合云云。彙言全文見于用藥須知標注。故略之。

【修治】用竹刀切。米泔浸一宿。木杵搗。一法用竹刀刮去黑皮。米泔浸二日。切片。每赤白各一斛。用黑豆三斗。每次三升。三合三勺。以水浸過。飯內鋪豆一層。藥一層。重重鋪盡。砂鍋上蒸之。豆熟爲度。去豆九蒸九晒爲度。

【氣味】苦。溫。微溫。無毒。

【功用】升也。陽也。入足厥陰少陰經。白者入氣。赤者入血。夜者爲之使。忌諸血。無鱗魚。蘿蔔蒜蔥鐵器同地黃。能伏砂砂。

【主治】瘰癧。消癰腫。瘰癧面風瘡。治五痔。止心痛。益血氣。黑髮。悅顏色。久服長筋骨。益精髓。治婦人產後及帶下諸疾。治腹藏一切宿疾。冷氣腸風。瀉肝風。

土茯苓藥目

【釋名】形似茯苓。故云。『土草解』。『刺猪苓』。『山猪糞』。『山地栗』。皆象形草。『禹餘糧』。『仙遺糧』。『冷飯團』。昔禹行山乏食。采此充糧。而棄其餘。故有此數名。

【各方記述】土茯苓楚蜀山中甚多。蔓生如草。莖有細點。其葉不對。狀頗類大竹葉。而質厚滑。如瑞香葉而長。五六寸。其根狀如菰莖而圓。其大若鷄鴨子。連綴而生。遠者離尺許。近或數寸。其肉軟可生啖。與草解及菰莖。其根苗迥然不同。宜參考之。但其功用。頗相近。

【辨別道地】漢來者可用。和產無之。和邦以菰莖稱山歸來菰莖。功用與土茯苓不甚相遠。形狀克相似。則代用土茯苓。亦不爲不可矣。漢來有赤白二種。入藥用白者。夏今藥肆雜菰莖以售。宜審擇焉。

【修治】削去皮用。

【氣味】甘淡平。無毒。

【功用】入足陽明厥陰經。忌茶茗。及牛羊鷄魚肉燒酒麪房勞。凡好經之人。病楊梅瘡毒。其證多屬厥陰陽明二經。如兼少陰太陰。則發于咽喉。兼太陽少陰。則發于頭耳。蓋相火寄于厥陰。肌肉屬于陽明。故也。醫用輕粉銀硃。七日即愈。水銀性走不守。加以鹽礬升爲輕粉。銀硃其性爆熱。善逐痰涎。涎乃脾液。此物入胃。氣歸陽明。故涎被劫。隨火上升。從喉頰齒縫而出。故瘡即乾癢而愈。若服之過劑。及用不得法。則毒氣竄入筋骨經絡。莫之能出。痰涎去而血液耗。筋失所養。營衛不從。變爲筋骨痛。發爲癰毒。遂成廢癰。土茯苓能健脾胃。去風濕。脾健而風濕去。故毒得以愈。

【主治】食之當穀不飢。調中止洩。健行不睡。健脾胃。強筋骨。去風濕。利關節。止泄瀉。治拘攣骨痛。惡瘡癰腫。解汞粉銀硃毒。

威靈仙 宋開寶

【釋名】威言其性猛也。靈仙言其功用神也。

【各方記述】望如銀股。七月內生花六出。淺紫。或白色。作穗。似芸薹子。亦有如菊花頭者。實青色。根稠密。多類似穀母。年朽敗。九月采根。一根數百條。長者

二尺許。初時黃黑色。乾則深黑色。稱鐵腳威靈仙。色或黃或白者。皆不可用。

【辨別道地】和漢俱有之。漢來者。爲上。所謂鐵腳威靈仙。是也。和藝花家。呼九蓋草者。即是也。採藥者。間雜仙人草根。此物大有毒。宜擇用。近年出于薩州者。形色氣味。殆逼真可用。

【修治】洗水剉用。或洗焙。以好酒微和濕。緊塞竹筒內。

九蒸九晒。

【氣味】苦溫微辛鹹。無毒。

【功用】可升。可降。陰中陽也。入太陽經。又曰通行十二經。忌茶茗。及麩麪湯。主諸濕。然疎利之物。久服損裏。壯實者服之。誠有殊功。氣弱者。反成痼疾。凡病非風濕。及陽盛火升。血虛有熱。表虛有汗。痲瘰口渴身熱者。並忌用之。

【主治】諸風宣通五藏。去腹內冷滯。心膈痰水。久積癥瘕。瘰癧氣塊。膀胱宿膿惡水。腰膝冷疼。癰折傷久服有效。溫疫瘧。推新舊積滯。消胸中痰唾。散皮膚大腸風邪。

防己 本經中品

【釋名】已止也。防止足疾也。『射干』『石斛』因其

紋斛以名。

【各方記述】生漢中。有二種。木防己。皮皺上有丁足子青白。虛軟。漢防己破之。紋作車輻斛黃。實馨香。狀與木通近似。惟漢者勝。

【辨別道地】和漢俱有之。本草原始出條防己。瓜防己者。本草所謂漢防己也。今漢來者。皆瓜防己也。因方宜擇用。

【修治】去皮剉。酒洗。晒乾用。

【氣味】苦辛寒。無毒。

【功用】陰也。泄也。太陰本經藥也。漢主肺氣。本經風邪。殷鑒爲之使。惡細辛。畏草薢。齒。伏硝石。殺雄黃毒。蓋其性悍。其氣猛。能走竄決。防傷胃氣。故凡胃氣陰虛。自汗盜汗。口苦舌乾。腎虛小水不利。及胎前產後。血虛。雖有下焦濕熱。慎毋用之。

【主治】風寒溫瘧。熱氣。諸癰。除邪利大小便。療水腫風腫。去膀胱熱。傷寒熱邪氣。中風手脚攣急。通腠理。利九竅。止洩。散癰腫惡結。諸疥癬蟲瘡。治濕風。口面嘔。手足拘攣。散留痰。肺氣喘嗽。治中下濕熱腫洩。脚氣。行十二經。『木防己』。『主治』男子肢節中風。毒風不語。散結氣。擁腫溫瘧。風水腫。去膀胱熱。

木通 上良

【釋名】有細孔兩頭皆通。本經所謂通草也。『附支』

『丁翁』『萬年藤』名義未詳。『燕覆』子名。

【各方記述】藤生。蔓大如指。其莖幹大者徑三寸。一枝五葉。頗類石葦。又似芍藥。二葉相對。夏秋開紫花。亦有白花者。結實如小木瓜。食之甘美。

【辨別道地】和漢俱有之。和產者。阿氣比也。今漢來者。蘿藦藤也。本草頌曰。或以木通爲蘿藦非也。然論其功用。則二物彼是相同。而足可通用而已。如無通草。則代用蘿藦藤亦可矣。

【修治】去粗皮。切片用。○治痛風藥酒用炒。

【氣味】甘辛淡微寒。無毒。

【功用】味薄。降也。陰也。入足少陰太陽。亦入手少陰厥陰太陽經。其性通利。凡精滑夢遺。及陽虛氣弱。無濕熱者。禁用。妊娠忌之。

【主治】除脾胃寒熱。通利九竅。血脈關節。令人不忘。去惡蟲。療脾疸。常欲眠。心煩。噦出音聲。治耳聾。散癰腫。諸結不消。及金瘡惡瘡。風癰。跌折。腫鼻。息肉。墮胎。去二蟲。治五淋。利小便。開關格。治人多睡。主水腫。浮大。利諸經脈。寒熱不通之氣。理風熱。小便數急。疔。小腹痛滿。安心除煩。止渴結熱。明耳目。治鼻塞。通小腸。下水破積聚血塊。排膿治瘡。癰止痛。催生下胞。女人血

閉。經候不勻。天行時疫。頭痛目眩。羸劣乳結。及下乳利大小便。令人心寬下氣。主諸痿痺。喉痺咽痛。沸煎含嚙。通經利竅。導小腸火。

釣藤鈎 別錄下品

【釋名】其刺曲如釣鈎。故名。或作『吊藤』。療天吊故名平。

【各方記述】狀如葡萄藤而有鈎。

【辨別道地】選紫色者用。

【修治】去梗純用嫩鈎。其功十倍。

【氣味】甘苦微寒。無毒。

【功用】入手足厥陰經。按鈎藤祛肝風。而不燥。中和之品也。足厥陰主風。手厥陰主火。驚癇眩暈。皆肝風相火之病。此能通心包於肝木。風靜火息。則諸症自愈。其性寒。多宜小兒科。大人有寒者。不宜多服。

【主治】小兒寒熱。十二驚癇。小兒驚啼。瘈瘲。熱癰客忤。胎風。大人頭旋。平肝風。除心熱。小兒內釣腹痛。發斑疹。

忍冬 別錄上品

【釋名】藤生。凌冬不凋。故名。『金銀藤』。『鴛鴦藤』。

『驚驚藤』『老翁藤』『左纏藤』其花長瓣垂
黃白相半。而其藤左繞附木。故有以上諸名。『金
釵股』貴其功也。『蜜橘藤』『通靈草』陰草也。
取汁能伏硫。制汞。故名。

【各方記述】在處有之。附樹延蔓。莖微紫色。對節生葉。
葉似薜荔。而青有瘤毛。三四月開花。長寸許。一帶兩
花。二瓣。一大一小。如半邊狀。長藥。花初開者。蕊瓣俱
色白。經二三日。則色變黃。新舊相參。黃白相映。故呼
金銀花。氣芬芳。四月采花陰乾。藤葉不拘時采陰乾。
【辨別道地】和產真可用。○沉內輸日如無生者。只用
乾者。然力終不及生者效速。

【修治】水洗剉用。○匯日勿犯鐵器。

【氣味】甘微寒。無毒。

【功用】入手太陰經。養汁釀酒。補虛。療風。性極中和。近
世但知其消毒之功。昧其腹脹風虛痢瘕之用。

【主治】寒熱身腫腹脹。能止氣下。辟熱毒。血痢水痢。
治五種尸注。五尸出于本綱附方。鬼擊。一切風濕。
及諸腫毒癰疽。疥癬楊梅諸惡瘡。散熱。解中野菌毒。
爲膏。一切疔腫。金刃傷瘡皆治。

澤瀉 本經上品

【釋名】生地澤瀉水。功能止瀉。故名。『水瀉』去水曰
瀉。如澤水之瀉。故名。『鵝瀉』『及瀉』『蒲』『
芒芋』諸名未詳。『禹孫』禹能治水。故稱。
【各方記述】春生苗。多在淺水中。葉似牛舌。獨莖而長。
秋時開白花。作叢似穀精草。秋末采根。暴乾。
【辨別道地】和產有二種。丹後仙臺者。堅實而好。近江
者。輕虛而性惡。故仙臺丹後爲上。江州爲下。色白堅
實者。可選用。

【修治】去毛。酒洗。一宿曝乾用。

【氣味】甘鹹微寒。無毒。

【功用】沉而降。陰也。入足太陽少陰經。長海。蛤文。蛤。凡
病人下焦無濕熱而陰虛。及腎氣之陽衰。精自流者。
目虛不明者。切勿輕與暴服。能明目。多服則昏目。不
可不知。

【主治】風寒濕痺。乳難。養五藏。益氣力。肥健。消水。五藏
痞滿。起陰氣。止洩。精消渴。淋瀝。逐膀胱三焦停水。主
腎虛精自出。治五淋。宣通水道。主頭旋耳鳴。筋骨攣
縮。通小腸。止尿血。主難產。入腎經。去舊水。養新水。利
小便。消腫脹。除洩止渴。去浮中留垢。心下水痞。除濕
熱。行痰飲。止嘔吐。瀉痢。疝痛脚氣。

甘藷 本經上品

【釋名】蒲類之昌盛者。故名。『葛陽』名大根者。『堯韭』堯時天降精于庭爲韭。感百陰之氣。爲葛蒲。『水劍草』因葉形而名。

【各方記述】葛蒲有數種。生于池澤。葉肥根高三四尺者。泥葛也。名白葛。和邦端五插槍者也。又有花葛蒲。紫白嬌艷可愛者。燕子花之類也。生于溪澗。葉瘦根高一二尺。其葩與花葛蒲相肖而小者。溪孫也。生于水石之間。有鉞脊。瘦根密節。高尺餘。二三月間抽莖。開小黃花成穗者。石葛蒲也。惟采此種。可以入藥。餘皆不堪。其莖以沙石。愈剪則愈細。愈久則愈密。高四五寸。葉如韭。甚則根長二三寸。葉長寸許。謂之錢蒲。又山中泉石間。自有根苗。纖細一寸。不啻九節。而至二十節者。方技家獨貴之。然不必拘之。其一寸九節。至其餘者。多露瘦根。而形質堅。氣味薄。而且有毒。但當以深山窮谷水磧上生肥大者。爲佳。

【辨別道地】和產可用。生于溪澗。葉長根肥者。可擇用。人家栽園圃者。爲不佳。冬月采根。晒乾用。

【修治】以銅刀刮去毛節皮。微焙用。

【氣味】辛溫。無毒。

【功用】陽中之陰。可升可降。入手少陰足厥陰太陽經。秦皮秦艽爲之使。惡地脂麻黃。忌飴糖羊肉。犯鐵器。

令人吐逆。葉洗疥大風瘡妙。

【主治】風寒濕痺。效逆上氣。開心孔。補五藏。通九竅。明耳目。出音聲。主耳聾癢。溫腸胃。止小便利。久服輕身。不忘不迷。延年益心。智高志不老。四肢濕痺。不得屈伸。小兒溫瘧。身積熱不解。可作浴湯。治耳鳴頭風。淚下鬼氣。殺諸蟲。惡瘡疥癩。除風下氣。丈夫水臌。女人血海。冷敗多忘。除煩悶。止心腹痛。霍亂轉筋。及耳痛者。作末炒乘熱裹。甚驗。心積伏梁。治中惡卒死。客忤癰瘤。下血崩中。安胎漏。散癰腫。搗汁服。解巴豆大戟毒。

白扁豆別錄中品

【釋名】白者。稱花實色。扁者。象莢實形以名。『沿蘿豆』沿蘿蔓延故名。『蛾眉豆』花形象豆脊也。

【各方記述】扁豆二月下種。蔓生。延蔓。葉大如盃。圓而有尖。其花狀如小蛾。有翅尾形。其莢纍纍成枝。白露後。實更繁衍。嫩時可充蔬食。老則收子。煮食。

【辨別道地】和產有二種。花白色而實形扁者。色亦白。花紫色。實圓而不自白者。應以花實白而扁者入藥。花實不自白而圓者。可充食料。

【修治】連皮炒熟用。

【氣味】甘微溫。無毒。

【功用】陽也。可升可降。入足太陰經。傷寒邪熾者。禁用。

【主治】和中下氣。補五臟。主嘔逆。久服頭不白。療霍亂吐利不止。研末和醋服之。行風氣。治女子帶下。解煙毒。河豚魚毒。一切草木毒。生嚼及煮汁飲取效。止泄痢。消暑暖脾胃。除熱止消渴。○花焙研服。治赤白崩帶。併泄痢。

神麴藥性論

【釋名】昔人用麴。多是造酒之麴。後醫乃造神麴。專以供藥。力更勝之。蓋取神聚會之日造之。故得神名。

【各方記述】五月五日。或六月六日。用白麴百斤。青蒿自然汁三升。赤小豆末。杏仁泥各三升。蒼耳自然汁。野蓼自然汁。各三升。以配白虎青龍朱雀玄武勾陣。騰地大神。用汁和麴豆杏仁作餅。麻黃或椿葉包。覆如造醬黃法。待生黃衣。晒收。臨用炒之。陳久者良。一法用青蒿蒼耳野蓼自然汁。及赤小豆末。杏仁泥。各三盞。和勻于瓷器內。次第下白麴。攪和得所作餅。如上。生黃晒收之。尤爲簡便也。醫元戎。有三奇六神麴法。可考見焉。

【辨別道地】藥舖所售者。不得其製。如法自採自製可。

用之

【修治】陳久者。細碎去蛙炒用。

【氣味】甘辛溫。無毒。

【功用】陽中之陽也。入足陽明經。須與參朮香砂同用。爲佳。

【主治】化水穀宿食。癥結積滯。健脾胃。養胃氣。治赤白痢。消食下氣。除痰逆。霍亂泄痢。脹滿諸疾。其功與麴同。閃挫腰痛者。煨過碎酒溫服。有效。婦人產後。欲回乳者。炒酒服二錢。日二。即止甚驗。

麥芽別錄中品

【釋名】大麥。水浸生芽。故名。

【修治】麥芽去鬚。取其中米炒研麴用。今惟炒用。

【氣味】鹹甘溫。無毒。

【功用】陰中之陽。可升可降。入足陽明經。豆蔻縮砂烏梅木瓜芍藥五味子爲之使。麥芽神麴二藥。胃氣虛人宜服之。雖然有食積者能消化。無積者久服則損腎。消元氣。須同白朮諸藥兼用。方爲無害。

【主治】消食和中。破冷氣。去心腹脹滿。開胃止霍亂。除煩悶。消痰飲。破癥結。催生落胎。補脾胃虛。寬腸下氣。腹鳴者用之。消化一切米麴諸果食積。產後回乳。爲

未服甚良。

生薑別錄中品

【釋名】姜能驅寒百邪。故謂之姜。初生嫩者。其尖微紫。名紫姜。或作子姜。宿根謂之母姜也。

【各方記述】繆仲醇曰。生薑不宜使熟。宜搗絞汁。待藥煎成。頃方不失生之義。如入藥煎。乃熟姜。非生薑。此說雖新奇。非是何則。絞汁待煎成而入。則姜汁而非生薑。生薑乾姜。乾生薑等之精辨。詳于松岡先生之說。故不贅于此。○方書謂生薑一片者。以生薑一塊。判爲數片。其一片之分量。亦不分明。按奇效醫述。經驗四時感寒發散方中。生薑三片爲引。約重二錢。此方藥約計八錢一分。和製一貼。一錢之藥。約計二分七釐一毫也。是發表之劑。故應生薑分量多。如不發表之藥。則大抵半減。而可用之乎。

【修治】去皮則熱。留皮則冷。

【氣味】辛溫無毒。

【功用】氣味俱厚。浮而升。陽也。入手足太陰足陽明經。秦椒爲之使。殺半夏萆薢毒。惡黃芩黃連天鼠蕒。食姜久。積熱患目病。痔人忌之。癰瘡人多食則生惡肉。夜勿食姜者。夜主闔。而姜主開也。

【主治】久服去臭氣。通神明。歸五臟。除風邪。寒熱。傷寒頭痛。鼻塞欬逆上氣。止嘔吐。去痰下氣。去水氣滿。環欬嗽時疾。和半夏。主心下急痛。和杏仁。作煎下急痛。氣實。心胸擁隔。冷熱氣神。效。搗汁和蜜服。治中熱嘔逆。不能下食。散煩悶。開胃氣。汁作煎服。下一切結實。衝胸膈。惡氣。神驗。破血調中。去冷氣。汁解藥毒。除壯熱。治痰喘脹滿。冷痢痛腹轉筋。心滿。去胸中臭氣。狐臭。殺腹內長蟲。益脾胃。散風寒。解菌蠱諸物毒。生用發散。熟用和中。解食野禽中毒。成喉痺。搗汁點赤眼。搗汁和黃明膠熬貼風濕痛。甚妙。『乾生薑』。『修治』。生薑剉日晒乾收用。『主治』。治嗽溫中。治腹滿。霍亂不止。腹痛冷痢。血閉。病人虛而冷宜加之。姜屑和酒服。治偏風。肺經氣分之藥。能益肺。

乾姜本經中品

【釋名】『白姜』。造以白澤結實者爲良。故云。

【造乾姜法】以丹姜水浸三日。去皮。又置流水中六日。

更刮去皮。然後曬乾。置瓷缸中。曬三日。乃成也。

【辨別道地】藥肆中以母姜略煮過。然後曝之。令乾名之乾姜。或有欲其色白。以石灰礬收者。有毒。俱非是。惟藥肆稱藥晒生薑者。佳。可用。

【修治】有石灰氣者，洗去之，微炒用。

【氣味】苦辛大熱。

【功用】氣薄味厚，半沉半浮，可升可降，陽中之陽也。入手太陰陽明足太陰少陰四經。若治產後血虛發熱，及止血，俱炒黑，溫中炮用。散寒邪，理肺氣，止嘔生用。使惡殺同生，多服損陰傷目。陰虛內熱，表虛有汗，因熱下血，火熱腹痛，法並忌之。孕婦不可食之，令胎內消。姜皮作散，消浮腫，故五皮散用之。

【主治】胸滿欬逆上氣，溫中止血，出汗逐風濕痺，腸辟下痢。生者尤良。寒冷腹痛，中惡霍亂，腹滿風邪諸毒，皮膚間結氣，止唾血，治腰腎中疼冷，冷氣，破血去風，通四肢關節，開五臟六府，宣諸絡脈，去風毒冷痺，夜多小便，消痰下氣，治轉筋吐瀉，反胃，乾嘔，瘀血撲損，止鼻紅，解冷熱毒，開胃消食，主心下寒痞，目睛久赤。

茴香 唐本草

【釋名】懷香，北人呼爲茴香，聲相近也。

【各方記述】茴香宿根，深冬生苗，作叢，肥莖綠葉，五六月開花，如蛇床花，而色黃，結子大如麥粒，輕而有細稜，俗呼爲大茴香，入食料，藥肆謂八角茴香者，形如柏實，裂成八瓣者，大茴香，性熱，不宜入食料。

【辨別道地】大茴香者，有漢來無和產也，和產皆小茴香也，可入藥，而用藥肆所售大茴香，多將莽草實中

截雜以稱八角茴香，飾偽之甚者也，莽草和謂施己密者，而其實有毒，以殺人，宜子細辨之。

【修治】得酒良，炒黃用，得鹽則入腎經。

【氣味】辛溫，無毒。

【功用】陽也，浮也，入手足太陰陽明太陽少陰經，小茴性平，夏月祛濕辟臭，食料宜之，大茴香性熱，多食傷目，發瘡，食料不宜過用，治小腸疝氣有效。

【主治】諸痿霍亂，及蛇傷，膀胱腎間冷氣，及重腸氣，嘔中止痛，嘔吐，治乾濕脚氣，腎勞癰疽，陰痿，開胃下氣，補命門不足，暖丹田。

山藥 本經上品

【釋名】本經所謂薯蕷也，薯蕷二字，薯字犯宋英宗諱，積字犯唐代宗諱，故改爲山藥，蓋言山中之藥也，遂名「薯蕷」，音同「土薯」，「山薯」江閩呼之，山芋，齊魯名之，「玉延」秦楚名之。

【各方記述】四月生苗，延蔓，莖葉綠，有三尖，似白牽牛葉，而更光潤，五六月開花成穗，淡紅色，結莢成簇，莢凡三稜，合成堅而無仁，其子別結于一旁，狀似

雷丸。大小不一。皮色土黃而肉白。養食甘滑。與其根同。

【辨別道地】和產可用。

【修治】山產者。采得以銅刀刮去赤皮。糝白礬末少許。洗去。蒸乾用。今藥家所製。去皮以米粉糝。日乾售之。

【氣味】甘平。無毒。

【功用】陽中微陰。可升可降。入手足太陰經。紫莢爲之。使惡甘遂。與麪同食。則動氣。但性緩。非多用不效。

【主治】傷中補虛。除寒熱邪氣。補中益氣力。長肌肉。主頭面遊風。頭風眩。下氣止腰痛。克五藏。除煩熱。強陰補五勞七傷。去冷風。鎮心神。安魂魄。補心氣不足。開達心孔。多記事。強筋骨。主泄精。健忘。益腎氣。健脾胃。止洩痢。化痰涎。潤皮毛。生瘡貼。腫硬毒。能消散。

薏苡仁。本經上品

【釋名】薏。意也。苡。實也。『解蟲』其葉似蟲。實葉而解。故故名。『芑實』似芑黍之苗。故名。『薏米』音感。其堅硬者。有賴強之意。『回回米』謂回回國米也。

『薏珠子』小兒以線穿如黃珠爲戲。

【各方記述】薏苡。二三月宿根自生。葉如初生芑芽。五

六月抽莖開花。結實有二種。一種粘牙者。尖而殼薄。即薏苡也。其米白色。如糯米。一種圓而殼厚。堅硬者。即菩提子也。其米少。即梗穢也。但可穿作念經數珠。

【辨別道地】松岡先生曰。有三種。和名磨麥者。其皮柔而色白。肉厚粒大。野生者。名川殼。或賴珠。皆非真。小兒作念珠爲戲玩者。如乏時。可通用。

【修治】淘晒炒用。

【氣味】甘淡微寒。無毒。

【功用】陽中微陰。可升可降。入手足太陰陽明足太陰陽明足厥陰經。性主下行。虛而下陷者。非其宜也。妊娠禁服。

【主治】筋急拘攣。不可屈伸。久風濕痺。下氣除筋骨中邪氣。不仁。利腸胃。消水腫。令人能食。炊飯作麪食。主不饑。溫氣。養飲。止消渴。殺蛇蟲。治肺癰。肺氣。積膿血。欬嗽。喘。上氣。煎服。破毒腫。去乾濕脚氣。大驗。健脾胃。補肺清熱。去風勝濕。炊飯食。治冷氣。煎飲利下便熱淋。

黃蘗。本經上品

【釋名】本經所謂藥木。黃者。色也。蘗者。巨也。俗呼黃柏。【各方記述】樹高數丈。葉似吳茱萸。亦如紫椿。經冬不

獨皮外白裏深黃色其根結塊如松下茯苓二月五月采皮日乾

【辨別道地】和產可用肉厚色黃者爲良

【修治】水洗剉炒褐色降實火則生用治上則酒製治下則鹽製治中則蜜製

【氣味】苦寒無毒

【功用】氣味俱厚沉而降陰也陰中之陽入足少陰經爲足太陽引經藥惡乾漆伏硫黃夫氣爲陽血爲陰邪火煎熬則真陰消涸真陰消涸則邪火益烈而陰虛火動之病隨之矣取知柏之苦寒以抑南扶北誠如久旱甘霖然惟火旺胃強者爲能當之倘中氣已殘則邪火雖亢命曰虛炎從事弗責將有寒中之變且味苦久服有反從火化之害矣今天下極其崇尙以爲去熱治勞之妙藥而不知真元之火與健運之職已消亡而阻喪獨不聞虛火可補實火可瀉之說乎苟非甘溫則大熱焉除也必尺中洪大按之有力可炒黑暫用不然便當痛絕

【主治】五藏腸胃中結熱黃疸腸痔止洩痢女子漏下赤白陰傷蝕瘡療驚風在皮間肌膚熱赤起目熱赤痛口瘡熱起蟲瘡血痢止消渴殺蛀蟲男子陰痿及傳莖上瘡治下血如鷄鴨肝片安心除勞治骨蒸

洗肝明目多淚口乾心熱殺疳蟲治蛇心痛鼻衄腸風下血後急熱腫痛瀉膀胱相火補腎水不足堅腎壯骨髓療下焦虛諸痿癱瘓利下竅除熱瀉伏火救腎水治衝脈氣逆不竭而小便不通諸瘡痛不可忍得知母滋陰降火得蒼朮除濕清熱爲治痿要藥得細辛瀉膀胱火治口舌生瘡傳小兒頭瘡

厚朴本經中品

【釋名】其木質朴而皮厚故名「烈朴」味辛烈故名「赤朴」色紫赤故名「厚皮」「重皮」義未明【各方記述】木高三四丈徑一二尺春生葉如榔葉四季不凋紅花而青實皮極鱗皺而厚紫色多潤者佳薄而白者不堪用三月九月採皮陰乾

【辨別道地】和漢俱有之松岡先生曰和漢俱可通用是大抵有二種李時珍所說及三才圖會所圖者復樹也愚視漢來者與和產者其皮色味似有不同今多漢來者足可用

【修治】去粗皮姜汁浸透炒用

【氣味】苦溫無毒

【功用】氣味俱厚體重濁而微降陰中陽也入足太陰手足陽明經乾姜爲之使惡澤瀉消石寒水石忌豆

食之動氣。厚朴之用有三。平胃一也。去腹脹二也。孕婦忌之。三也。雖除腹脹。若虛弱人。宜斟酌用之。誤服脫人元氣。

【主治】中氣傷寒頭痛。寒熱驚悸。氣血痺死肌。去三蟲。溫中消痰。下氣。療霍亂。及腹脹痛滿。胃中痞冷逆。胸中噎不止。洩痢淋瀝。除驚。去留熱。心煩滿。厚腸胃。健脾。治反胃。霍亂轉筋。冷熱氣。瀉膀胱。及五藏一切氣。婦人產前後腹藏不安。殺腸中蟲。明耳目。調關節。治積年冷氣。腹內雷鳴。宿食不消。去結水。破宿血。化水穀。止吐酸水。大溫胃氣。治冷痛。主病人虛而尿白。主肺氣脹滿。膨而喘效。

杜仲 本經上品

【釋名】昔杜姓仲名者。服此得道。因名。『思仲』。『思仙』。二名由上說。『木綿』。皮中有銀絲如綿。故名。【各方記述】樹高數丈。葉如辛夷。亦類柘。其皮類榆柳。折之內有白絲如綿相連。五月。六月。九月。采皮。稽生先生曰。有樹生薑生二種。本草即薑生一種。松岡先生曰。薑生者。不入藥用。

【辨別道地】和漢俱可用。樹大皮厚多綿者。爲夏。【修治】去粗皮。鹽酒炒。腰痛必以酒行。或以姜汁拌炒。

去絲。

【氣味】苦辛甘溫。無毒。

【功用】氣味俱薄。沉而降。陰也。入足少陰腎之經。兼入肝經氣分。惡玄參蛇蛻。腎虛火熾者不宜用。即用當與黃藥知母同入。

【主治】腰膝痛。補中益精氣。堅筋骨。強志。除陰下瘰癧。小便餘瀝。脚中酸疼。不欲踐地。治腎勞腰脊痠。腎冷。腰腹痛。人虛而身強直風也。腰不利。加而用之。能使筋骨相着。潤肝除。補肝經風虛。

訶子 唐本草所謂訶梨勒

【釋名】訶梨勒。梵言也。俗訶子。

【各方記述】樹似木樨。花白。子形似梔子。橄欖青黃色。皮肉相着。七月八月。實熟時。采大路者佳。

【辨別道地】漢來只一種。而無和產。大稜黑色。肉厚者佳。

【修治】酒浸蒸一伏時。去皮取肉焙用。或麪裏煨。去核。

【氣味】酸苦溫。無毒。【功用】味厚陰也。降也。入手太陰陽明。兼入足厥陰陽明。少陰經。若氣虛暴嗽。初瀉。或肺有實熱。瀉因濕熱。氣喘因火冲者用之。立致殺人。不可不深戒也。

【主治】冷氣心腹脹滿。下食。破胸膈結氣。通利津液。止水道。黑髭髮。下宿物。止腸辟。久洩赤白利。消痰下氣。化食開胃。除煩。治水。調中止嘔吐。霍亂。心腹虛痛。奔豚腎氣。肺氣喘急。五膈氣。腸風瀉血。崩中帶下。懷孕漏胎。及胎動欲生。腹悶氣喘。并患痢人。肛門急痛。產婦陰痛。和蠟燒烟薰之。及煎湯薰洗。治痰嗽。咽喉不利。含三數枚。殊勝。寬大腸。斂肺降火。

杏仁別錄下品

【釋名】杏字篆文象子在木枝之形。『甜梅』楊行寶改杏名。

【各方記述】諸杏。葉皆圓而有尖。二月開紅花。亦有千葉者。不結實。

【辨別道地】和可用杏桃梅之三種。藥家多混雜。本草原始有圖可考見而擇用。

【修治】湯浸去皮尖。炒黃研細。風寒肺病藥中。連皮尖用。取其發散也。

【氣味】甘苦溫。無毒。

【功用】氣薄味厚。濁而沉墜。降也。陰也。入手太陰經。作湯如白沫不解者。食之氣壅。湯經宿者。動冷氣。雙仁者有毒。惡黃芩黃芪葛根。得火良。陰虛咳嗽。肺家有

虛熱痰者。忌之。風寒外邪。非壅逆肺分。喘急促者。不得用。

【主治】欬逆上氣。雷鳴喉痺。下氣。產乳。金瘡。寒心奔豚。驚癇。心下煩熱。風氣往來。時行頭痛。解肌。消心下急滿痛。殺狗毒。解錫毒。治腹痺不通。發汗。主溫病脚氣。欬嗽上氣。喘促。入天門冬煎。潤心肺。和酪作湯。潤聲氣。除肺熱。治上焦風燥。利胸膈氣逆。潤大腸氣秘。殺蟲。治諸瘡疥消腫。去頭面諸風氣瘡。施。

烏梅本經中品

【釋名】本經梅實。即今之烏梅也。梅者。媒也。合衆味。烏者。火薰黑故名。

【各方記述】梅花開於冬。而實熟於夏。得木之全氣。故其味最酸。其花實有數品。今略于此。

【辨別道地】取大青梅。剝皮。藍盛於夾上。薰黑。若以稻灰淋汁潤濕。蒸過。則肥澤不盡。

【修治】去核。微炒用。

【氣味】酸溫平。無毒。

【功用】陰也。降也。入手足太陰足少陰經。忌豬肉。梅實過食。而齒齲者。嚼胡桃肉解之。病未久。有當發散者。咸忌之。

【主治】下氣。除熱煩滿。安心。止肢體痛。偏枯不仁。死肌。去青黑痣。蝕惡肉。去痺利筋脈。止下痢。好睡口乾。水瀉汁飲。治傷寒煩熱。止渴。調中去痰。治瘧瘴。止吐逆。霍亂。除冷熱痢。治虛勞骨蒸。消酒毒。令人得睡。和建茶乾。姜蘇丸服。止休息痢。大驗。飲肺濕腸。止久嗽瀉痢。反胃瀉瀉。蚘厥。吐利。消腫。殺蟲解魚毒。馬汗毒。硫黃毒。

桃仁 本經下品

【釋名】桃性早花易植。而子繁。故字從木。從兆。十億曰兆。言其多也。

【各方記述】桃品甚多。易於栽植。且早結實。五年宜以刀剝其皮出其脂。則多延數年。其花有紅紫白。千葉三色之殊。其餘不可枚舉。今省略之。

【辨別道地】藥肆多雜梅杏核以售。宜擇之。

【修治】行血連皮尖。生用。括血潤燥。湯浸去皮尖。炒用。

【氣味】苦辛甘溫。無毒。

【功用】氣薄味厚。陰中之陽。可升可降。入手足厥陰血分。亦入手陽明經。香附爲之使。雙仁有毒不用。若經閉由于血枯。腹痛由于血虛。便塞由于津液不足者。並不可服。如用之不當。能使下血不止。損傷陰真。爲

害非淺。婦人難產。桃仁一箇。劈開一片。書可字。一片書出字。吞之即生。

【主治】瘀血。血閉癥瘕。邪氣。殺小蟲。止欬逆上氣。消心下堅硬。除卒暴擊血。通月水。止心腹痛。治血結秘。血燥。通潤大便。破畜血。殺三蟲。主血滯風痺。骨蒸。肝癰。寒熱。鬼注。疼痛。產後血病。

大棗 本經上品

【釋名】棗性重。故重東爲棗。入藥宜用肥大甘美者。故諸果只載其名。惟棗獨加大字。『乾棗』『笑棗』。『長棗』。

【各方記述】棗大赤心有刺。四月生小葉。尖銳光澤。五月開小花。白色微青。長夏結實。摘取暴乾。

【辨別道地】和邦處處多矣。植家園。可以採用。小者止可充果食。入藥惟用形大而核小多脂甘美者。凡有大小二三種。形大而味甘者。稱朝鮮棗上品也。形小而肉薄味淡者。下品也。

【修治】劈去核用。

【氣味】甘溫。無毒。

【功用】氣味俱厚。陽也。可升可降。入足太陰陽明經。是與慈魚同食。殺烏頭附毒。小兒患秋痢。蛙棗與食。能

止。府病及齒痛疲熱之人，俱不宜食。生者尤不利人。紅者功用相做，差不及耳。

【主治】心腹邪氣，安中養脾氣，平胃氣，通九竅，助十二經，補少氣，少津液，身中不足，大驚，四肢重，和百藥，補中益氣，堅志強力，除煩悶，療心下懸，除腸癖，潤心肺，止嗽，補五藏，治虛損，除腸胃瘴氣，和光粉，燒治疳痢，和陰陽，調營衛，生津液。

木瓜 別錄中品

【釋名】木實如小瓜，酢而可食，故名。『楮』音茂，爾雅木瓜。

【各方記述】木瓜有三種，花深紅而實形如小瓜者，木瓜，和名加良保計者，花淡紅色，而實形扁圓者，檳榔，和名久和但牟者也，花實俱如木瓜，而形狀矮者，貼莖海棠者也，俱是一類，詳出于松岡先生用藥須知中，可考見。

【辨別道地】和漢俱有之，陳久爲良，則可用漢來者也。

【修治】忌鐵器，銅刀削去硬皮，并子，切片，曬乾用。

【氣味】酸溫，無毒。

【功用】味薄氣厚，降多于升，陽中陰也，入手足太陰血分，兼入足厥陰經，多食木瓜，損齒及骨，皆伐肝之明。

驗。

【主治】濕痺脚氣，霍亂大吐下，轉筋不止，治脚氣衝心，取嫩者一顆，去子煎服佳，強筋骨，下冷氣，止嘔逆，心膈痰唾，消食，止水利後，渴不止，作飲服之，止吐瀉，奔豚，及水腫冷熱痢，心腹痛，調營衛，助穀氣，去濕和胃，滋脾益肺，治腹脹善噦，心下煩痞。

山查 唐本草即山楂

【釋名】赤瓜子，瓜當作東音訛也，楂狀似赤東，『鼠楂』，『猴楂』，『茅楂』，此物生山原茅林中，猴鼠喜食，故名，桃子音求，『棠梅』音計，棧子音求，樹如梅，『半棧子』一種大者，山人呼之，『棠棣子』，『山裏果』，以上三名未詳。

【各方記述】樹高數尺，葉有五尖，極間有刺，三月開五出小白花，實有赤黃二色，肥者如小林檣，小者如指頭，九月乃熟。

【辨別道地】和漢俱有之，葉似甘棠，有小鋸齒，一種大者，名桃子，非常用之藥品，今藥肆在丸山查子，肉山查子之二種，以丸山查子爲良。

【修治】不去核，剋用，以有核功能也。

【氣味】酸微溫，無毒。

【功用】氣味俱厚。沉而降。陰也。入厥陰少陽經。其性最酷烈。耐堅破滯。是其所長。然服之。立損人真氣。爲害不淺。凡欲施用。必與參朮芍藥等。補脾藥同用。庶免遺患。必不可單行也。肺脾氣虛者。概勿施用。

【主治】氣滯下食。破積結。及膈氣。破堅癰。散滯氣。去下焦諸濕。治左脇肝經積氣。治胸膈氣逆。脇痛。小腹痛。消乳腫。疏肝膽。瀉肺氣。

龍眼肉 別錄中品

【釋名】龍眼象形以名。『龍目』。『圓眼』義同上。『益智』。甘味歸脾。能益人智。故名。『亞荔枝』。『亞枝奴』。荔枝纔過龍。退熟。故南人呼之。『羅珠』。『燕卵』。『蛟淚』。『川彈』。『蜜脾』。以上諸名。象形味以名。

【各方記述】木高一二丈。似荔枝。而枝葉微小。凌冬不凋。春來夏初。開細白花。七月實熟。殼青色。文作鱗甲形。圓大如彈丸。核若木梔子而不堅。肉薄於荔枝。白而有漿。其甘如蜜。實極繁。每枝二三十顆。作穗如葡萄。

【辨別道地】漢來。無和產。漢來者。亦有大小二種。皆蒸熟者。而無生乾者。入藥生爲良。予嚮者。偶見生乾者。

來於崎港。色味與蒸熟者懸隔矣。松岡先生曰。薩州其外諸國有之。而不結實。偶雖實。亦不熟。不應土地故乎。

【修治】去殼核。採肉用。

【氣味】甘溫平。無毒。

【功用】入手少陰足大陰經。核治狐臭。以六枚同胡椒二七粒。研過汗出。即擦之。

【主治】五藏邪氣。安志厭食。除蠱毒。去三蟲。久服強魄聰明。開胃益脾。補虛長智。

檳榔 別錄中品

【釋名】賓與郎。皆貴客之稱。交廣人。凡貴勝族。客必先呈此果。若遲遲不設。用相嫌恨。則檳榔之名。蓋取諸此。『賓門』。名義同上。『仁頻』。上林賦注仁頻。即檳榔也。『洗瘴丹』。南方地濕。不食此。無以祛瘴癘。故名。

【各方記述】初生若筍。竿積硬。引莖直上。莖幹頗似桃榔。椰子而有節。旁無枝。柯條。從心生端。頂有葉。如甘蔗條。派開。破風至。則如羽扇。掃天之狀。三月葉中腫起一房。因自坼裂出穗。凡數百顆。大如桃李。又生刺。重累于下。以護衛其實。五月成熟。剝去其皮。食其肉。

而乾之。皮皆筋絲。與大腹皮同也。

【辨別道地】漢來一種。而無偽雜。與大腹子一種而有少別者也。

【修治】去空心者。刮去臍皮。見火無功。

【氣味】苦辛微溫。無毒。

【功用】味厚氣輕。沉而降。陰中陽也。入手足陽明經。凡病屬陰陽兩虛。中氣不足。無宿食者。悉在所忌。

【主治】消穀逐水。除痰癖。殺三蟲。伏尸寸白。治腹脹。生瘡。末服。利水穀道。傳瘡生肌肉。止痛。燒灰傳口。吻白瘡。宜利五臟六腑壅滯。破胸中氣。下水腫。治心痛積聚。除一切風。下一切氣。通關節。利九竅。補五勞七傷。健脾胃。中除煩破癥結。主實脈。膀胱諸氣。五臟氣。風冷氣。脚氣。宿食不消。治衝脈為病。氣逆裏急。瀉痢後重。心腹諸痛。大小便氣秘。痰氣喘急。療諸瘰癧。瘰癧瘰癧。

大腹皮

宋開寶

【釋名】「大腹橫櫚」。「猪橫櫚」。

【各方記述】橫櫚中。一種腹大形扁而味惡者。不似橫櫚。尖長味良。所謂猪橫櫚者是矣。謂其皮名大腹皮。

【辨別道地】有漢來而無和產。

【修治】為多集橫櫚樹上。凡用橫櫚皮。宜先以酒洗。

令黑汁去盡。火焙切用。

【氣味】辛微溫。無毒。

【功用】可升。可降。入足太陰陽明經。按大腹皮。即橫櫚外皮也。其氣味所主。與橫櫚大約相同。第橫櫚性烈。破氣最捷。腹皮性緩。下氣稍遲。乃疏泄之藥也。凡病涉虛者勿用。

【主治】冷熱氣。攻心腹。大腸蠱毒。痰厥暗心。並以姜鹽同煎。入疏氣藥用之。下一切氣。止霍亂。通大小腸。健脾胃。調中降逆氣。消肌膚中水氣。辟腫。脚氣壅逆。瘰癧痞滿。胎氣惡阻。脹悶。

吳其苗人本經中品

【釋名】以吳地者為好。所以有吳之名也。葉莢二字。義未詳。

【各方記述】葉莢枝柔而肥。葉長而嫩。其實結於梢頭。葉莢成簇。而無核。與椒同。一種粒大。一種粒小。小者入藥為勝。

【辨別道地】和漢俱有之。真可用。漢來為良。

【修治】鹽湯洗去苦烈汁。焙乾用。開口者佳。

【氣味】辛苦大熱。有小毒。

【功用】氣味俱厚。半沉半浮。陽中陰也。入足太陰血分。

又入少陰厥陰經氣分。麥實爲之使。惡丹參。畏紫石英。凡病非寒滯者勿用。卽因寒亦當斟酌量虛實適事爲效也。如一切陰虛及五藏有熱無寒之人。法所大忌。寒傷胃脘。腎氣藏逆。宜醋炒。茱萸同陳皮熟附爲丸。姜湯下。

【主治】溫中下氣。止痛除濕。血痺。逐風邪。開腠理。欬逆。寒熱。利五藏。去痰冷逆氣。飲食不消。心腹諸冷絞痛。中惡心腹痛。霍亂轉筋。胃冷吐瀉。腹痛產後心痛。治遍身瘡痺。刺痛。腰脚軟弱。利大腸壅氣。腸風痔疾。殺三蟲。殺惡蟲毒。牙齒蟲。鬼魅疰氣。下產後餘血。治腎氣脚氣。水腫。通關節。起陽健脾。主痢。止瀉。厚腸胃。肥健人。治痞滿塞胸。咽膈不通。潤肝燥脾。開鬱化滯。治吞酸。厥陰痰涎頭痛。陰毒腹痛。疝氣血痢。喉舌口瘡。

蓮肉 本經所謂蓮子

【釋名】蓮者。連也。花實相連。而出也。蓮子刮去黑殼。謂之蓮肉。『藕實』藕者。耕也。善耕泥。故字從耦。『蒡』蒡的也。子在房中。點點如的也。『藕』音吸。『石蓮子』深秋之老蓮子。黑堅如石者也。『水芝』『澤芝』芝者。靈芝。水澤尊稱之乎。

【各方記述】藕者。根也。蓮者。實也。荷者。葉也。芙蓉者。總名也。蓮子八九月采。黑堅如石者。乾擗破之。

【辨別道地】石蓮子者。其子中肉黃白色。心內空無青芽。形細長。而頭圓。殼光黑。硬如石。故名石蓮。別是一種。藥物非藕實也。樛仲醇曰。今肆中一種石蓮子。狀如樛子。有味太苦。產廣中。出樹上。木實不宜入藥。其外有數說。而詳于炮炙全書中。不知孰是矣。惟有經籍老蓮實之可用。用者宜詳審之。

【修治】不去心。使人作吐。凡使須去心。蒸焙用。

【氣味】甘平。溫。無毒。

【功用】入手少陰足太陰陽明厥陰少陰經。得茯苓白朮枸杞。蓮實脾家果也。甘平無毒。於諸疾並無相逆。第生者食之過多。微動冷氣。服人。大便燥滿者。不可食。

【主治】補中養神。益氣力。除百疾。五藏不足。傷中。益十二經脈血氣。止渴去熱。安心止痢。治腰痛。及泄精。多食令人歡喜。交心腎。厚腸胃。固精氣。強筋骨。補虛損。利耳目。除寒濕。止脾泄。久痢。赤白濁。女人帶下崩中。諸血病。擗碎和米作粥飯食。輕身益氣。令人強健。安靖上下君相火邪。

肉桂別錄上品。杜桂本經上品。

【釋名】凡木葉心皆一縱理。獨桂有兩道。如圭形。故字從圭。『稷』能侵害他木也。桂釘木根。其木死是也。

【各方記述】桂有數種。以今參訪。牡桂葉長如枇杷。葉堅硬有毛及鋸齒。其花白色。其皮多脂。菌桂葉如柿。葉而尖狹光澤。有三縱文。而無鉅齒。其花有黃白。其皮薄而卷。今商人所貨皆此二桂。但以卷者爲菌桂。半卷及板者爲牡桂。

【辨別道地】漢來者以東京爲上。交趾阿堵地吧等次之。且有桂心。桂枝之殊。菌桂官桂之品。肉桂乃近根之最厚者。辛烈肉厚。官桂即在中之次厚者。味稍淡於肉桂。皮薄少脂。因桂多品。而取其品之最膏及上等。供宮之桂也。桂心即去皮上甲錯。而取其近木而合理者。桂枝即頂上細桂條。春夏禁服。秋冬宜煎。間有和產者。藥肆稱桂心。以售之。味薄氣烈。近年多出干薩摩者。其形狀本草所謂菌桂也。猶可用。又松浦桂心者。氣味甚薄。殊不堪用。

【修治】忌火。

【氣味】甘辛大熱。有小毒。

【功用】陽中之陽。浮也。入足少陰太陰厥陰血分。忌生葱石脂。得人參甘草麥冬大黃黃芩柴胡地黃良。凡腎虛命門火衰。不能生土。完穀不化。產後下元不足。

營衛衰微者可用。若陰虛之人。及一切血症。非挾寒。目疾非脾虛者。不可誤投。

【主治】利肝肺氣。心腹寒熱冷痰。霍亂轉筋。頭痛腰痛。出汗止煩止嘔。欬嗽鼻淵。墮胎。炒過便不損胎。溫中堅筋骨。通血脈。理疏不足。宣導百藥。無所畏。補下焦不足。治沉寒痼冷之病。滲泄止渴。去營衛中風寒。表虛自汗。春夏爲禁藥。秋冬下部腹痛。非此不能止。補命門不足。益火消陰。治寒脾風瘧。陰虛失血。瀉痢驚癰。

沉香別錄上品

【釋名】木之心節。置水則沉。故名。『沉水香』。『蜜香』。謂其氣如蜜脾也。

【各方記述】漢來者種類不一。香之等凡三。曰沉。曰棧。曰黃。熟沉香者爲沉香。半沉者爲棧香。不沉者爲黃熟香。入藥沉水者上。半沉者次之。不沉者可熏衣。及焚燒而已。

【辨別道地】今肆中所賣。其氣多焦烈。又置之水中。不能沉。乃黃熟香類爾。非沉之精美者也。入選藥品之高者。用之可也。此外有奇南香。番香。不載于綱目。性異用亦殊。今略于此。

【修治】入丸散剉爲末。入煎劑。惟磨。臨時入之。忌日曝火烘。

【氣味】辛苦溫。無毒。

【功用】陽也可升。可降。入足太陰少陰。兼入手少陰足厥陰。按諸木皆浮。此獨沉。故入肝木。而治逆上之氣。行氣溫中。而不助火。誠良劑也。合于冷氣。氣逆。氣鬱。氣結。如中氣虛。而氣不歸元。及氣虛下陷者。心經有實邪者。均不可投。設施火症。反羅禁矣。若命門真火衰者。亦不宜入下焦藥。

【主治】風水毒腫。去惡氣。主心腹痛。霍亂中惡。邪鬼注氣。清人神並宜酒煮服之。諸瘡腫。宜入膏中。調中補五藏。益精壯陽。暖腰膝。止轉筋。吐瀉。冷氣。破癰瘰。冷風麻痺。骨節不任。風濕皮膚瘙癢。氣痢。補右腎命門。補脾胃。及疲癆出血。理脾益氣和神。治上熱下寒。氣逆喘急。大腸虛閉。小便氣淋。男子精冷。

丁香 宋開寶

【釋名】其子。形如釘子。故名。『丁香香』俗人以其似丁子。故名。『鷄舌香』其中心。最大者。爲鷄舌。擊破有順理。而解爲兩向如鷄舌。故名。

【各方記述】生交廣南蕃。今惟廣州有之。木類桂。高丈

餘。葉似櫟。陵冬不凋。花圓細黃色。其子出枝葉上。紫色。長三四分。形如釘子。

【辨別道地】蠻舶所載來者。只一種。此物有雌雄者。顯小爲丁香。可入藥。雌者爲母丁香。形雖大。性不良。入藥最爲勝者。恐非是。

【修治】去丁蓋。乳子。剉用。勿見火。

【氣味】辛熱。無毒。

【功用】氣厚味薄。升也。陽也。入手太陰。足少陰陽明經。畏麝香。以生薑汁和。拔去白髮。塗孔中。卽異常黑。一切火熱證。切忌。

【主治】溫脾胃。止霍亂。擁脹。風毒諸腫。齒疳。能發諸香。風濕骨痛。殺蟲。辟惡去邪。治奶頭花。止五色毒痢。五痔。治口氣。冷氣。冷勞。反胃。鬼注。蠱毒。殺酒毒。消痰。療腎氣奔豚氣。陰痛腹痛。壯陽暖腰膝。療嘔逆。甚驗。去胃寒。理元氣。氣血盛者勿服。治虛嗽。小兒吐瀉。痘瘡。胃虛灰白不發。

烏藥 宋開寶

【釋名】烏以色名。『旁其』『鰭魷』其葉狀似鰭魷。鯽魚。故俗呼爲鰭魷樹。作旁其。方音訛也。『矮樟』其氣似樟。故名。

【各方記述】樹生似茶，高丈餘，一葉三椹，葉青陰白，根狀似山芍藥，及烏樟根，色黑褐，作車紋，橫生，八月採根，其直根者，不堪用。

【辨別道地】酒浸一宿，炒用。

【氣味】辛溫，無毒。

【功用】氣厚，干味，陽也可升，可降，入足陽明，少陰經，味薄，無益人，不過疏散，宜通暢于香附而已，不必多用也，惟與參朮同行，庶無弊耳，氣血俱虛及內熱者，勿用。

【主治】中惡，心腹痛，蠱毒，注忤鬼氣，宿食不消，天行疫癘，膀胱腎間冷氣，攻衝背脊，婦人血氣，小兒腹中諸蟲，除一切冷，霍亂反胃，吐食瀉痢，癰癤疥癩，并解冷熱，其功不可悉載，猶犬百病，並可磨服，理元氣，中氣，腳氣疝氣，氣厥頭痛，腫脹喘急，止小便頻數，及白濁。

桑白皮 本經中品

【釋名】桑字從桑，從木，衆手採取之形也。

【各方記述】桑有數種，有白桑，葉大如掌而厚，雞桑，葉花而薄，子桑先槌而後葉，山桑葉尖而長，以子種者，不若壓條而分者。

【修治】乾桑皮，臨時刮去上薄衣，銅刀剉，炙用。

【氣味】甘辛苦寒，無毒。

【功用】甘厚而辛薄，可升，可降，陽中陰也，入手太陰經，續斷桂心，麻子爲使，忌鐵及鉛，此物乃瀉肺諸方之準繩也，古稱補氣者，非若參耆之正補，乃瀉邪所以補正也，愚者信爲補劑，而肺虛亦用之，大失桑皮之面目矣，若肺虛無火，而小便利者，及因風寒而嗽者，不宜用也。

【主治】傷中，五勞六極羸瘦，崩中絕脈，補虛益氣，去肺中水氣，唾血熱渴，水腫腹滿，腫脹，利水道，去寸白，可以縫金瘡，治肺氣喘滿，虛勞客熱，頭痛，內補不足，養汁飲，利五臟，入散用，下一切風氣，水氣，調中下氣，消痰止渴，開胃下食，殺腹藏蟲，止霍亂吐瀉，研汁治小兒天吊，驚癇客忤，及傳囑口瘡大驗，瀉肺利大小腸，降氣散血。

枳實 本經中品

【釋名】枳乃木名，從只諧聲也，實乃其子，「枳殼」實殼一物也，呼老者爲枳殼，生則皮厚而實，熟則殼薄而虛，正如青皮陳皮之義。

【各方記述】木如橘而小，高五七尺，葉如橙，多刺，春生白花，至秋成實，七月八月采者爲實，九月十月采者

爲殼。今醫家以皮厚而小者爲枳實。完大者爲枳殼。皆以翻肚如盆口狀久者爲勝。近道所出者俗呼臭橘。不堪用。○時珍曰。臭橘一名枸橘。樹葉與橘同。但幹多刺。三月開白花。青莢不香。結實大如彈丸。形如枳實。而殼薄不香。人家多收種爲藩籬。亦或收小實充枳實。及青橘皮售之。不可不辨。

【辨別道地】漢產可用。枸橘吾本邦亦多爲藩籬。俗稱噓辣咀知。或稱枳殼。藥肆中采收。熟者爲枳實。未熟者爲枳殼。貨之非真不可用。

【修治】水浸透去穢。切片。晒乾。炒至熟焦。去麩用。

【氣味】苦酸寒。無毒。

【功用】氣厚味薄。沉也。陰也。入足陽明太陰經。凡中氣虛弱。勞倦傷脾。發爲痞滿者。當用補中益氣。補其不足。此藥所當忌也。時醫不識病之虛實。藥之補瀉。往往概施。損人真氣。爲害不淺。設誤投之。雖服參耆。亦難挽回其刻削之禍矣。戒之戒之。

【主治】大風在皮膚中。如麻豆苦痒。除寒熱結。止痢長肌肉。利五藏。除胸脇痰癖。逐停水。破結實。消脹滿。心下結痞。痛逆氣。脇風痛。安胃氣。止嘔泄。明目。解傷寒結胸。主上氣喘欬。腎內傷冷。陰痿而有氣。加而用之。消食散敗血。破積堅。去胃中濕熱。

枳殼

【修治】水浸去穢。切片。炒黑。去麩用。

【氣味】苦酸寒。無毒。

【功用】氣厚味薄。浮而微升。陰中陽也。又曰。沉也。陰也。入手太陰陽明經。久瀉不實者。禁用。

【主治】風痺淋痺。通利關節。勞氣欬嗽。背膊悶倦。散留結。胸膈痰滯。逐水消脹滿。安胃止風痛。通身風癢。肌中如麻豆。惡瘡腸風痔疾。心腹結氣。兩脇脹虛。關膈壅塞。健脾開胃。調五藏下氣止嘔逆。消痰治反胃。霍亂瀉痢。消食破癥結。疔瘰。五瀉氣。及肺氣。水腫大小腸。除風明目。炙熱熨痔腫。泄肺氣。除胸痞。治裏急後重。

山梔子

本經中品

【釋名】卮。酒器也。卮子象之。俗作梔。『木丹』『越桃』皆象色與形。『鮮支』司馬相如賦注鮮支。卽支子。『薝蔔』佛書稱花云。

【各方記述】卮子葉如鬼耳。厚而深緣。春榮秋瘁。入夏開花。大如酒盃。白瓣黃蕊。隨即結實。薄皮細子。有黏霜後收之。

【辨別道地】和產可用。皮薄而圓小者爲佳。形大皮厚者可供染色。一種有矮山梔。不入藥用。

【修治】炒透。治上焦中焦。連殼治下焦。去殼洗去黃漿。治血病炒。心胸中熱用仁。肌表熱用皮。今殼皮仁連用。

【氣味】苦大寒。無毒。

【功用】氣薄味厚。輕清上行。氣浮味降。湯中陰也。入手太陰血分。按苦寒損胃而傷血。脾胃虛弱者。血虛發熱者。忌之。性能瀉有餘之火。心肺無邪熱者不宜用。小便不通。由於膀胱虛無氣以化。而非熱結小腸者。不可用。

【主治】五內邪氣。胃中熱氣。面赤酒皸。鼓鼻。白癩赤癩。瘡瘍。療目赤熱痛。胸心大小腸大熱。心中煩悶。去熱毒風。除時疾熱。解五種黃病。利五淋。通小便。解消渴。明目。主中惡。殺蟲毒。解玉支毒（半躑躅也）主瘡癰。紫癰風。治心煩懊憹。不得眠。臍下血滯。而小便不利。瀉三焦火。清胃脫血。治熱厥。心痛。解熱鬱。行結氣。治吐血衄血。血痢下血。血淋。損傷瘀血。及傷寒勞復。熱厥頭痛。疝氣湯火傷。

酸棗仁 本經上品

【釋名】實似棗。味酸故名。『櫟』孟子曰。養其櫟棘是也。『山棗』。

【各方記述】似棗木而皮細。其木心赤色。莖葉俱青。花似棗。八月結實。紅色似棗而圓小。味酸。當月採實。取核中仁。

【辨別道地】和漢俱可用。

【修治】去皮尖用。多睡生用。不得睡炒熟用。

【氣味】酸甘平。無毒。

【功用】可升可降。陽中陰也。入手少陰足少陽厥陰經。兼入足太陰經。惡防己。凡肝膽脾三經有實邪熱者。勿用。以其收斂故也。

【主治】心腹寒熱。邪結氣聚。四肢酸痛。濕痺煩心。不得眠。臍上下痛。久洩虛汗煩渴。補中益肝氣。堅筋骨。助陰氣。能令人肥健。筋骨風。炒仁研湯服。

山棗苗 本經中品

【釋名】葉青色。紅黃。言肥潤。故名。『蜀酸棗』肉棗。

【賦實】『鷄足』。『鳳矢』。諸因形狀而名。

【各方記述】葉如梅有刺。二月開花如杏。四月結實。如酸棗赤色。五月採實。

【辨別道地】漢來者可用。雖有和產。不多得。

【修治】酒潤。去核。核能消精。

【氣味】酸微溫。無毒。

【功用】陽中之陰。可升可降。入足厥陰。少陰經氣。分。實。爲之使。惡枯梗。防風。防己。按命門火熾。強陽不痿。者忌之。膀胱熱結。小便不利者。法當清利。此藥味酸。主斂。不宜用。陰虛血熱。宜用。即用當與黃蘗同加。

【主治】心下邪氣。寒熱。溫中逐寒。驅痺。去三蟲。久服輕身。腸胃風邪。寒熱。疝瘕。頭風。風氣去來。鼻塞目黃。耳聾面皴。下氣出汗。強陰益精。安五臟。通九竅。止小便利。久服明目。強力長年。治腦骨痛。腰耳鳴。補腎氣。與陽道。堅陰。益精。髓。止老人尿不節。治面上瘡。能發汗。止月水不定。緩腰膝。助水藏。除一切風。逐一切氣。破癥結。治酒皸。溫肝。

地骨皮 本經上品

【釋名】枸杞根最長。故名。

【各方記述】枸杞莖幹高三五尺。作叢。其根采無時。

【辨別道地】和產可用。和產有二種。無刺者爲真。有刺者亦可。實非別類也。

【修治】洗淨去心。以熟甘草湯。浸焙乾用。

【氣味】甘淡苦寒。無毒。

【功用】升也。降也。入足少陰。手太陰。少陽經。制硫黃丹砂。嘗以膏藥佐之。退熱有殊功。世人但知用黃芩黃連知母。而不知枸杞地骨。甘能使精氣充。而又退火之妙也。中寒者勿服。

【主治】細剉拌麩炙熟。吞之。去腎家風。益精氣。去胃熱。消渴。解骨蒸肌熱。風濕痺。堅筋骨。涼血。治在表無定之風邪。傳尸有汗之骨蒸。瀉腎火。降肺中伏火。去胞中火。退熱補正氣。治上膈吐血。煎湯漱口。止齒血。治骨槽風。金瘡神驗。去下焦肝腎虛熱。

蔓荊子 本經上品

【釋名】苗蔓生。故名。今所有非蔓。而枝弱如蔓。故云。

【各方記述】蔓荊莖高四五尺。對節生枝。初春因舊枝而生葉。如榆葉。長尖有鋸齒。至夏盛茂。杪間開花。成穗。紫色。其子如梧子許大。而有白膜皮裹之。海濱沙地。皆有之。八九月採實。

【辨別道地】和產真可用。

【修治】去蒂併白膜。打碎用。

【氣味】苦辛微寒。無毒。

【功用】陰中之陽。升也。入足太陽厥陰經。惡烏頭。石膏。頭目痛。不因風邪。而由於血虛有火者忌之。胃虛人。

不可服。恐生痰疾。

【主治】筋骨間寒熱濕痺。拘攣。明目堅齒。利九竅。去白蟲。風頭痛。腦鳴。目淚出。治賊風。長鬚髮。利關節。治癰疾。赤眼。太陽頭痛。頭沉昏悶。除昏暗。散風邪。涼諸經血。止目睛內痛。搜肝風。

伏苓 本經上品

【釋名】茯苓。附也。伏松之下。有附之義也。苓者。零也。離松之體。有零之義也。故名。『伏靈』松之神靈之氣。伏結而成。故云。『伏菟』下有伏靈。上有兔絲。故名。『松腹』『不死藥』未詳。『伏神』抱根者。名神。『赤茯苓』即茯苓色赤者也。

【各方記述】生大山谷。雄松下。假土之精氣。松之餘氣而成。赤白共有之。出於松根者。爲良。

【辨別道地】茯苓。茯神。俱和產可用。色白而堅實者爲良。色淡白。赤而輕虛者。不可用。

【修治】去皮膜及筋用。

【氣味】甘淡平。無毒。

【功用】氣味俱薄。浮而升。陽中之陰也。入手太陰足太陽經氣分。惡白斂。畏牡蠣地榆雄黃秦芫龜甲。忌米醋及酸物。病人腎虛。小水自利。或不禁。或虛寒。精滑。

滑。皆不得服。汗多者亦禁。

【主治】胸脇逆氣。憂恚驚邪。恐悸。心下結痛。寒熱煩滿。欬逆。口焦舌乾。利小便。止消渴。腸中痰水。水腫淋結。開胸膈。調藏氣。伐腎邪。長陰益氣力。保神氣。開胃止嘔逆。善安心神。主肺痿痰壅。心腹脹滿。小兒驚癇。女人熱淋。補五勞七傷。開心益志。止健忘。緩腰膝。安胎止渴。利小便。除濕和中。益氣生津。除虛熱。開腠理。瀉膀胱。益脾胃。治腎積奔豚。『茯苓皮』『主治』水腫膚脹。利水道。開腠理。『赤茯苓』『主治』破結氣。瀉心小腸膀胱濕熱。利竅行水。『茯神』『主治』深眩暈。定上氣。安神志。益心氣。止心下急痛。堅腸。療虛勞驚悸善忘。『心內木』各貴松節。『主治』善治風寒冷濕。搏于筋骨。足難難定之病。

猪苓 本經中品

【釋名】猪者。其形黑似猪屎。苓者。其塊零落。而下亦是木之餘氣所結。如松之餘氣結茯苓之義。『猪猪屎』

『豕彘』形狀似猪矢。故名。『地烏桃』以形而名。

【各方記述】生土底。是木之餘氣所結。二八月採之。

【辨別道地】有漢來而無和產。皮黑肉白而實者良。

【修治】水浸去皮。蒸晒。行濕生用。

【氣味】甘淡平。無毒。

【功用】氣味俱薄。降也。陽中陰也。入足太陽少陰經。久服必損腎氣。昏人目。淡滲太燥。能亡津液。無顯證者。勿服。有瘕宜暫用。

【主治】痰癰解毒。蠱注不祥。利水道。解傷寒溫疫大熱發汗。主腰腹滿。腹急痛。治渴除濕。去心中懊懣。瀉膀胱。開腠理。治淋腫脚氣。白濁帶下。妊娠子淋。胎腫小便不利。

桑寄生

本草經上品

【釋名】此物寄寓他木而生。如鳥立于上。故名。【寄居】「寄木」。「宛童」。「萬」皆寄生之義也。

【各方記述】寄生高者二三尺。其圓而微尖厚。而面青光澤。背淡紫而有茸。以其莖色深黃者為真。

【辨別道地】寄生難得。桑上真者。藥肆多收他木者售之。非特不適疾而已。却至損命。不可不慎也。今醫家知寄生之難得。藥肆之不真。而以桑耳代之者多矣。雖非是。亦不遠。桑上壓木猶勝他木之寄生者乎。予每以松寄生代用之。雖非類。惟取其寄寓之性而已。亦是不得已者也。

【修治】桑得銅刀。和根枝並細剉。陰乾用。勿見火。

【氣味】甘平。無毒。

【功用】入足厥陰經。

【主治】腰痛。小兒背強癰腫。充肌膚。堅髮齒。長鬚眉。安胎。去女子崩中。內傷不足。產後餘疾。下乳汁。主金瘡。去痺助經骨。益血脈。主懷妊漏血不止。令胎牢固。

竹茹

本草經上品

【釋名】竹字象形。刮取竹皮為茹。

【各方記述】乃淡竹也。竹葉陰氣以生。種類甚多。惟味甘者為勝。必生長甫及一年者。嫩而有力。

【辨別道地】竹茹以淡竹為上。苦竹勿用。

【修治】刮去青皮。用第二層。乃青皮與白肉之間。刮取淡青者也。

【氣味】甘微寒。無毒。

【功用】陰也。可升可降。入足陽明經。胃寒嘔吐。及感寒挾食作吐。忌用。

【主治】嘔吐。溫氣寒熱。吐血。崩中。止肺癰。唾血鼻衄。治五痔瘻。傷寒勢復。小兒熱癰。婦人胎動。

竹瀝

【取竹瀝法】將淡竹截尺許。劈開以磚兩片對立。架竹

干上以炭火炙之。其涎自出。以器盛取之。

【氣味】甘微寒。無毒。

【功用】陽中之陰。可升可降。入手太陰足少陰太陰經。養汁爲使。大抵風火燥熱而有痰者宜之。胃虛濕痰。及食積生痰者。不宜服也。

【主治】暴中風。風痺。胸中大熱。止煩悶。消渴。勞復。中風失音不語。養血清痰。風痰虛痰在胸膈。使人癡狂。痰在經絡四肢及皮裏膜外。非此不達不行。治子冒風。瘧。解射罔毒。

蠶絲本經中品

【釋名】強死而不朽。故云。蠶從聲象。其頭身之形。從虫。以其繁也。『白蠶蠶』自死者。其色自白。故名。

【各方記述】蠶。孕絲蟲也。種類甚多。有大小烏斑色之異。其蟲屬陽。喜燥惡濕。食而不飲。三眠三起。二十七日而老。自卵出而爲妙。自妙蛻而爲蠶。蠶而繭。繭而蛾。蛾而卵。卵而復妙。亦有胎生者。與母同老。蓋神蟲也。

【辨別道地】和產不拘早晚。但用白色而條直者。烏黑者不用。

【修治】米泔浸一日。待涎浮水上。然後曬出焙。去絲及

黑口用。

【氣味】鹹辛溫。有小毒。

【功用】氣味俱薄。輕浮而升。陽中之陽。厥陰陽明之藥。惡桑螵蛸桔梗茯苓茯神草薢。蠶蠶性辛溫。辛能散。其功長于祛風化痰。散有餘之邪。凡中風口噤。小兒驚癇夜啼。由於心虛神魂不寧。血虛經絡勁急。而無外邪爲病者忌之。女子崩中赤白。產後腹痛。滅諸瘡癰。爲未封丁腫拔根極效。治喉口發汗。同白魚鱸屎白等分。治瘡滅痕。以七枚爲末酒服。治中風失音。并一切風症。小兒客忤。男子陰痺。女子帶下。焙研養汁調服。治中風喉痺欲絕。下喉立愈。散風痰。結核瘰癧。頭風。風蟲齒痛。皮膚風瘡丹毒作痒。痰癰癰結。婦人乳汁不通。崩中下血。小兒疳蝕。鱗體。一切金瘡。疔腫風痺。

全主蠶開寶

【釋名】蠶。幽州人謂之蠶。入藥有全用者。故云。『蠶蠶』未詳。『主蠶蠶』江南本來無蠶。有主蠶將至。故俗呼爲主蠶。故名。『杜白』詩疏蠶一名杜白。『蠶尾蟲』蠶前爲蠶。後爲蠶。其毒在尾。用尾者。謂之蠶尾。其力尤緊。

【各方記述】蠟形如水甕。入足而長。尾有節。色青。

【辨別道地】漢來者可用。

【修治】水浸去鹹味。并足炒用。

【氣味】甘辛。有毒。

【功用】入足厥陰經。小兒驚風。尤不可闕。若似中風。及

小兒慢脾風。病屬於虛者。法咸忌之。

【主治】諸風癱瘓。及中風半身不遂。口眼喎斜。語澀。手足抽掣。小兒驚癇風搐。大人痰癲耳聾。疝氣。諸風瘡。

女人帶下。隱脫。

蟬蛻本經中品

【釋名】『蟬殼』『枯蟬』『腹蟬』『金牛兒』皆

以形名。

【修治】凡用蛻殼。沸湯洗去泥土翅足。漿水浸過。晒乾用。

【氣味】鹹甘寒。無毒。

【功用】入手太陰足厥陰太陰經。按蟬蛻乃土木之餘氣所化。飲風吸露。其氣清虛。故主療一切皮膚風熱之症。痘疹虛寒證。不得服。

【主治】小兒驚癇。婦人生子不下。燒灰水服。治久痢。小兒壯熱驚癇。止渴。研末一錢。并華水服。治啞病。除目

昏障。以水煎汁服。治小兒瘡疹。出不快甚。治頭風眩暈。皮膚風熱。痘疹作痒。破傷風及下腫毒瘡。大人失音。小兒喉風。天吊驚哭。夜啼陰腫。

阿膠本經上品

【釋名】出東阿縣故名。一名驢皮膠。

【各方記述】山東兗州府陽穀縣東北六十里。即古之東阿縣也。有井官禁。其膠難得。其膠以黑驢皮。級阿井水。加鹿角一片。熬之成膠。

【辨別道地】此藥多偽。偽者能滯痰。當以光如漆色。帶油綠者為真。折之即斷。亦不作臭氣。今漢來有三種。視樣為上品。算木樣為中品。皿樣為下品。

【修治】土器炒至成珠可用。或蛤粉。或糯米。或酥炒。各從本方也。得火夏。

【氣味】甘鹹微溫。無毒。

【功用】氣味俱薄。浮而升。陽也。入手少陰足少陰厥陰經。善積為之使。畏大黃。胃弱作吐。與脾虛食不消者忌之。

【主治】心腹內崩。勞極。洒洒如瘧狀。腰腹痛。四肢酸痛。女子下血安胎。丈夫小腹痛。虛勞羸瘦。陰氣不足。脚酸不能久立。養肝氣。堅筋骨。益氣止痢。療吐血衄血。

血淋尿血。腸風下痢。女人血痛血枯。經水不調無子。崩中帶下。胎前產後諸疾。男女一切風病。骨節疼痛。水氣浮腫。虛勞咳嗽喘急。肺痿唾膿血。及癰疽腫毒。和血滋陰。除風潤燥。化痰清肺。利小便。調大腸聖藥也。

犀角 本經中品

【釋名】犀字。篆文象形。『兕』其特名兕。

【各方記述】犀角紋如魚子形。謂之粟紋。紋中有眼。謂之粟眼。黑中有黃花者爲正。透黃中有黑花者。爲倒透花。中復有花者。爲重透並名通犀。乃上品也。花如椒豆斑者次之。烏犀純黑無花者爲下品。其通天夜視有光者。名夜明犀。故能通神。開水。飛禽走獸。見之皆驚。

【辨別道地】今漢來。及蠻舶所來者。有白犀角。有烏犀角。而多質物。宜精詳擇用。凡稱一角者。亦通天犀之類。而上品真難多得。

【修治】入藥用黑光潤者。鋸成以薄紙裹懷中一宿。乘燥搗之。應手如粉。

【氣味】酸鹹苦寒。無毒。

【功用】味厚於氣。可升。可降。陽中之陰也。入足陽明經。

入手少陰經。松脂升麻爲之使。惡烏頭烏喙雷丸。藜蘆。忌鹽醬。按肺火燥熱。及痘瘡氣虛無大熱者。不宜用。傷寒陰症發燥者。尤不宜用。妊婦勿多服。消胎氣。【主治】百毒蟲疰。邪鬼瘴氣。殺鉤吻鳩羽蛇毒。除邪不迷惑。驚寐。傷寒溫疫。頭痛。寒熱諸毒氣。令人發健。辟中惡毒氣。鎮心神解大熱。散風毒。治發背癰疽瘡腫。化膿作水。療時疾熱。如火煩。毒入心狂言妄語。治心煩。止驚鎮肝。明目安五臟。應虛勞。退熱消痰。解山瘴。緩毒。主風毒攻心。耗熱熱。赤痢。小兒風熱驚癇。燒灰水服。治卒中惡心痛。飲食中毒。藥毒熱毒。筋骨中毒。心風煩悶。中風失音。以水磨服。治小兒驚熱。山犀水犀功用相同。磨汁治吐血衄血下血。及傷寒畜血發狂。諸語。發黃發斑。痘瘡稠密。內熱黑陷。或不結痂。瀉肝涼心。清胃解毒。

鹿茸 本經中品

【釋名】鹿字。篆文象其頭角身足之形。茸。覆蓋也。

【各方記述】茸最難得不破及不出血者。蓋其力盡在血中故也。此以如紫茄者爲上。名茄子茸。取其難得耳。然此太嫩。血氣未具。其實少力。堅者又太老。惟長四五寸。形如分岐馬鞍。茸端如瑪瑙紅玉。破之肌如

朽木者。最善。人亦將藥角僞爲之。不可不審。

【辨別道地】今藥肆所售者。有大小堅軟。軟小而輕虛者爲上。堅大者爲下。

【修治】用酥塗勻。於烈火中灼之。候毛盡微炙。候黃褐色。研細入藥。不可缺酥。又有用酒及酒蒸焙用者。當各從本方。

【氣味】甘鹹溫。無毒。

【功用】氣薄味厚。陰中之陽也。入手厥陰少陰足少陰。厥陰經。不可以鼻嗅之。中有小白蟲。視之不見。入鼻必爲蟲類。藥不及也。凡陰衰火盛。胃有火者。吐血下血。陰虛火熾者。俱忌之。

【主治】漏下惡血。寒熱驚癇。益氣強志。療虛勞洒洒如瘧。羸瘦四肢酸疼。腰脊痛。小便數利。洩精溺血。破瘀血在腹。散石淋癰腫。骨中熱疽。安胎下氣。殺鬼精物。久服耐老。丈夫陰痿。補男子腰腎虛冷。腳膝無力。夜夢鬼交。精盜自出。女人崩中漏血。赤白帶下。灸末空心酒服方寸匕。壯筋骨。生精補髓。養血益陽。強精健骨。治一切虛損。耳聾目暗。眩暈虛病。

石膏 本經中品

【釋名】火煨細研。醋調封丹灶。其固密甚于脂膏。故名。

『細理石』文理細密。故名。『寒水石』其性大寒如水。故名。

【各方記述】生齊山。山谷。及齊廬山。魯蒙山。塊大如瓊。有二三寸厚者。色至瑩白可愛。有縱理而不方解。

【辨別道地】漢來者真也。此物有軟硬二種。入藥軟石膏爲佳。和產多硬石膏也。不堪藥用。

【修治】搗粉生甘草水飛過澄晒。虛人煨用。或糖拌炒。則不妨脾胃。

【氣味】甘辛大寒。無毒。

【功用】氣味俱薄。降也。陰也。入手太陰少陽足陽明經。鷄子爲之使。惡莽草巴豆馬目毒公。畏鐵。

【主治】中風寒熱。心下逆氣。驚喘口乾舌焦不能息。腹中堅痛。除邪鬼。產乳金瘡。除時氣頭痛身熱。三焦大熱。皮膚熱。腸胃中結氣。解肌發汗。止消渴煩逆。腹脹暴風喘咽熱。亦可作浴湯。治傷寒頭痛如裂。壯熱皮如火燥。和葱煎茶。去頭痛。治天行熱狂。頭風風旋。下乳。指齒益齒。除胃熱肺熱。散火邪。緩脾益氣。止陽明經頭痛發熱惡寒。日晡潮熱。大渴引飲。中暑潮熱。牙痛。

滑石 本經上品

【釋名】性滑利竅。其實又滑膩故名。『蠶石』蠶家用刷紙代粉。最白故名。『液石』『管石』管乃肺膏也。故名。『脫石』脫乃肉無骨也。『番石』『冷石』。『共石』三名未詳。

【各方記述】生藉陽山谷。及太山之陰。初取軟如泥。久漸堅強。白如凝脂。

【辨別道地】和漢俱有之。漢來者爲上。

【修治】刮淨研粉。水飛晒乾用。

【氣味】甘淡大寒。無毒。

【功用】降也。入足陽明太陽手少陰太陽陽明經。石韋爲之使。惡膏青。制雄黃。陰火虛熾水涸者。勿用。精滑便利者。禁之。

【主治】身熱洩瀉。女子乳難。癰閉。利小便。導胃中積聚。寒熱。益精氣。通九竅。大府津液。去留結。止渴。令人利中燥濕。分水道。實大腸。化食毒。行積滯。逐瘀血。解燥渴。補脾胃。降心火。偏主石淋爲要藥。療黃疸水腫脚氣。吐血衄血。金瘡血出。諸瘡腫毒。

世「稍」本經上品

【釋名】朴消再煎煉。傾盆中結成鋒芒。故名。

【各方記述】朴消生於斥鹵之地。彼人刮掃煎汁。經宿

結成。狀如末鹽。猶有沙土內雜。須再煎煉。入藥以朴消一斤。水二瓶。同入鍋內。溶化掠去油膩。其水將細布。或縑子濾去滓脚。用蘿蔔一斤。切厚片。同消水入鍋內。煮數十沸。撈去蘿蔔。再隔厚紙三重。濾過令滓去淨。放瓦盆內。星月下露一夜。則結成白消。如冰如蠟。名之盆消。其底多而上面生細芒如鋒。謂之芒消。底少而二面生芽如圭角。作六稜。縱橫玲瓏。洞徹可愛。謂馬牙消。狀如白石英。又名英消。二消之底。則名朴消。取芒消英消。再三以蘿蔔煎煉去鹹味。即爲甜消。以二消置之風日中。吹去水氣。則輕白如粉。即爲風化消。以芒消英消。同甘草煎過。鼎鑪升煖。則爲玄明粉。

【辨別道地】漢來者爲真。和產未見之。

【氣味】鹹辛苦大寒。有小毒。

【功用】氣薄味厚。沉而降。陰也。石韋爲之使。惡麥句姜。畏三稜。其用有三。去實熱一也。滌腸中宿垢二也。破堅積熱塊三也。孕婦惟三四月。及七八月不可用。

【主治】五藏積聚。胃中火熱。除邪氣。破留血。腹中痰實結搏。通經脈。利大小便。及月水。破五淋。推陳致新。下瘰癧。黃疸病。時疾瘧熱。能散惡血。墮胎。傳漆瘡。

人中「白」唐本草

【釋名】溺白涎。涎爲涎。乃人溺澄下白涎也。故名。

【各方記述】人溺之積氣結成者也。

【辨別道地】以風日久乾者爲良。

【修治】煨過水飛用。

【氣味】鹹寒。無毒。

【功用】能瀉肝腎三焦膀胱有餘之火。爲除熱去火之聖藥。

【主治】鼻衄。湯火灼瘡。燒研。主惡瘡。治傳尸熱勞。肺痿。心膈熱。羸瘦渴疾。降火消瘀血。治咽喉口齒生瘡。疳。諸出血。肌膚汗血。

童便

【釋名】『輪迴酒』。卽小便之別名。

【各方記述】飲入于胃。隨脾之氣。上歸于肺。下通水道。而入膀胱。故能治肺病。引火下行。但取十二歲以下童子。絕其烹炮鹹酸。多與米飲。以助水道。每用一盞。入姜汁。或韭汁二三點。徐徐服之。久則自效。

【辨別道地】童男者良。自便如雪者亦妙。

【氣味】鹹寒。無毒。

【功用】入肺胃膀胱三經。宜于陰虛火動。熱蒸如燎。服藥無益者。若氣血虛無熱者。不宜多服。

【主治】寒熱頭痛。溫氣。主久嗽。上氣失音。及癥積腹滿。明目益聲。潤肌膚。利大腸。推陳致新。去瘀嗽肺。瘰癧。鬼氣瘧病。乘熱時服之佳。冷則和熱湯服。勞渴。潤心肺。療血悶熱狂。撲損瘀血在內。運絕。止吐血鼻衄。皮膚皴裂。難產。胎衣不下。蛇犬咬。滋陰降火甚速。殺蟲解毒。療瘧中噤。

中國藥物學大綱補正

【人參條】真判事 連按昔時韓人某氏官判事者始將來之故名。乃上好韓參也。今藥家稱判事者。買船將來標京參者。以形色相似僞充之。乃上好漢參也。又藥家稱唐參者。多是女直參也。其形膨大輕虛。氣味極劣。明一統志所謂女直國歲貢人參八十萬斤是也。

【小人參】根橫生如竹節者。此往年買船將來標竹節參者。味苦惡不堪用。乃參類之根梁根也。或曰古人言參蘆吐人疑此。附其橫根生細鬚。名參鬚。出張璐玉本草邊原和邦稱鬚人參。稍粗者。稱折人參。蓋往昔所不用者。近始用之。

【蔓人參】蔓生一枝四葉。形如茜草。柔軟有毛。摘之有白汁出。其氣極臭。四五月。葉間著花紫白色。形頗類鈴鐺。但比沙參花極膨大。一處著一花為異。根條直圓圓不一。皮上有疙瘩。斷之又有白汁出故名。羊乳乃沙參別種也。出陳藏器本草拾遺。

【蔓人參】一名日光人參。乃上條三枝五葉草根鬚也。非別種。須擇用似人形者。連按孩兒參。說就人字附會。宜擇用單股者。凡如黃芪防風輩。擇用單股者。

而不用多岐者。云殺人。豈人參獨貴多岐乎。又一種近世買船所將來。稱廣東人參。今藥家又呼芍藥樣人參。其根似參。輕虛味甘。氣薄皮色黝黑。未詳何物。或曰近廣東人有栽數根。獻于官者。詳其形狀。即本邦所產零餘子人參是也。用者宜察稻若水云。救荒本草地瓜兒即是。

【沙參條】一名羊乳根。多白汁。羊乳即蔓人參。沙參即土土岐。今按沙參薺苳。形狀相類。連爾沙參與薺苳不同。李時珍綱目以薺苳圓經所載。杏葉沙參為薺苳。故形狀相類。然此物乃沙參圓葉者。而不似桔梗。不可稱甜桔梗。讀者審焉。救荒野譜 野譜當作本草。

【鬆沙參】東細長。根為圓。此非細長根。乃壁開其根。欲易乾者。且云其色黃。與本草說不合。恐不然。此經久變黃色者。近有一種以防薺根僞造者。宜辨別。【薺苳】女薺苗葉類冬青云云。按是乃李仲立言。而本書抄略失義。今補之。李仲立曰。女薺苗葉類冬青。但冬青凌冬不凋。故得女真之稱。此草未秋即萎。故有女薺之名。

【天麻】出興州。他處未聞有之。按天麻諸州又間產之。不止興州。

【白朮】和產多是蒼朮。按一種關東產者。葉如棠梨。稍軟。根如雲頭。味最佳。但藥家未嘗。

【遠志】小葉者爲是。按遠志大葉者。根大。小葉者。根細。宜採大葉大根者。供藥用。近檢近江州伊吹山所產者。根甚肥大。氣味極厚。可用。

【黃芩】擇用深色堅實者。按堅實而小者爲條芩。一名子芩。輕腐爲片者爲腐芩。一名片芩。各有所用。本草詳辨之。

【前胡】有數種。今和產無數種。按和名溪芹者。諸州山野多產之。河內州產一種。細葉者。葉類芹菜。及當歸。是乃本草當歸葉者。

【防風】今稱山人參者。真。但有兩種。藝州人呼山人參者。乃真。京洛山中又多產之。有一種相似。而有毛者。相模州鎌倉山中多產之。根比山人參強硬。味薄。爲劣。予往來經過河內州諸山。乃二物並生。土人俱稱山人參。又近江州伊吹山產一種防風。葉似山人參。極纖細。氣味極厚。土人稱細葉防風。

【延胡索】今漢船將來者。京北鷹峯藥園栽之。

【貝母】今漢渡者。有大小二種。大者味厚爲佳。藥肆稱

大貝母。願元交本草彙編名象山貝母是也。本書引願生微論云云。其說極好。

【補骨脂】近世傳種子栽之。與漢物一般。

【澤瀉】和名那那都。（北國稱呼）匙於茂多嘉。（幾內稱呼）

【細辛條】細葉細辛。此稱柳葉細辛者。乃徐長卿也。【木香】和產根無香氣。非真。按此說恐非也。香之有無。因地產之異。

【三稜條】菽蓿根。和名蛟帳張草。輒子苗。和名久具。俱出救荒本草。

【香附條】夫須。按雅爾云。薑夫須乃賤夫所須。此草可爲簍笠者。乃今之須化。非香附之。本書襲李氏之誤。

【薑香】和稱薑香者。乃月令廣義所載薑菜。

【荊芥條】河豚。和名布具。又名布久登。黃類魚。和名岐岐。字佐岐牟滿。

【旋覆花】按一名野油花。出小兒衛生總微論。

【地黃】服地黃人。忌蘿蔔葱蒜。謂之三白。今服地黃人。知忌蘿蔔。而不知忌葱蒜。可笑。